

سيموئيل رو پيلكو شاستر

تعارف

پيلكو سيموئيل هان بيجو سيموئيل هيڪي پويتر ڪتاب را بي حصا هي. آي سيموئيل زي ڪتاب رو پيلكو حصو هي، جڪي ۾ سيموئيل زي جنم شون لي سائول هان اوئي زي ڏيڪرون ري موت توڻي شجائي واقعا لکيوڙا هي. سيموئيل زي ايئي پيلڪي ڪتاب ۾ قاضيون رو زمونو ختم هوڻ هان بادشاهي زمونو شروع هوڻ رو ڏڪر هي.

ايئي ڪتاب ۾ مهوني خبر پڙي هي ڪه اسرائيلي قوم ڌار ڌار قبيلون ۾ پڪريوڙي هتي. جڏي دائود بادشاه رو زمونو شروع هويم، تو ايشور ري آي پياري قوم هيڪ مضبوط قوم هوئي گئي.

ايئي ڪتاب ۾ قاضيون ري زموني شون لي بادشاهون ري زموني توڻي تموم گهڻي بدلائو رو ڏڪر هي. اسرائيليون ري زندگي ۾ آي بدلائو گهڻو ڪري ايئون تين منڪون ري ڪري آيو. سيموئيل پيلڪو منڪ هتم، جڪو موئي قاضيون ۾ آخري قاضي هتم. بيجو سائول بادشاه هتم، جڪو اسرائيل رو پيلڪو بادشاه هتم. تيجو دائود بادشاه هتم. ايئي شاستر ري شروع ۾ ايشور ري پوجاري عيلي هان اوئي زي ڏيڪرون رو پي ڏڪر هي. پرميشور ايئي شجي چونڊيوڙي اگووڻون ني اسرائيلي قوم ري پلائي، پرميشور تي وشواس هان اوئي زي شجي قانون هان شريعت تي بيوڻ ري باري ۾ شٽايوڙو هي. ايئي ڪتاب رو شجون شون موتو مضمون آي هي ڪه، جڪو پي پرميشور شون وفادار ريشي، تو پرميشور اوئي شون وفادار ريشي هان جڪو پرميشور شون الگو ريشي، تو پرميشور پي اوئي شون الگو ريشي.

خاص مضمون

سيموئيل اسرائيليون رو قاضي 17:7-1:1

سائول رو بادشاه هوڻ 27:10-1:8

سائول ري بادشاهي را پونج شال 35:15-1:11

دائود هان سائول 31:30-1:16

سائول هان اوئي زي ڏيڪرون ري موت 13-1:31

القانا هان اوتوي رو خاندان

1 افرائيم زي جابلو علائقي زي راماتييم صوفيم يعني راما شهر م هيك منك ريتوم جكي رو نون القانا هتو. اوتوي زي باپ رو نون يروحام، يروحام زي باپ رو نون اليهوم اليهو زي باپ رو نون توخو هان توخو زي باپ رو نون صوف هتو. 2 القانا زي بي لگائي هتي، هيك زي رو نون حنا هان بيچي رو نون فنا هتو. فنا را اولاد هتام پڻ حنا رو كو پي اولاد كونهي هتو. 3 هر شال القانا آيري شهر شون بيچي شهر سيلا م قدرت آي پرميشور زي پگتي كرڻ هان بليدون كرڻ جاوتو. اوت اوتيج شهر م عيلي پوجاري را بي ديكر خفني هان فينحاس پرميشور را پوجاري هتا. 4 القانا جدي پي بليدون كرتوم، تو او آيري لگائي فنا هان اوتوي زي سجي اولادون ني اوتوي بليدون زي موش رو حصو ديتو. 5 پڻ القانا آيري لگائي حنا شون پريم كرتوم، ايي زي كري اوتوي ني موش رو بيڻو حصو ديتوم، كيونكه پرميشور حنا ني كو پي اولاد كونهي ديتو هتو. 6 حنا بونجكي هتي، ايي زي كري اوتوي زي شوڪ اوتوي ني مهيتا دي پريشون كرتي. 7 هر شال جدي او پرميشور زي گهر م جاوتام، تو فنا اوتوي ني پريشون كرتي، ايي تي حنا روتي هان باتي پي كونهي كاوتي. 8 ايي زي كري اوتوي زي دئي القانا، حنا ني كهيو كم، ”تو كيئون روئي پڙي هان باتي كونهي كاوتي؟ تو كيئون اداس هي؟ كي هون تاري شارو دشون ديكرن شون وديڪ كونهي؟“

حنا هان عيلي پوجاري

9 جدي اوتون سيلا شهر م كائي پئي هئو كيئوم، تو حنا پرائنا زي شارو آئي. اوتوي تيم عيلي پوجاري پرميشور زي پويتر تنبو زي در كدي كرسي تي بيڻو هتو. 10 حنا تموم گهڻي پريشون هتي، ايي زي كري او زار زار روئي پرميشور شون پرائنا كرڻ لاڳي. 11 حنا پرميشور ني منت كري كهيو كم، ”اي قدرت آلا پرميشور، تو آيري بونهي تي دايا كر هان مهارا ڏڪ جو، تو آيري بونهي ني پونتر ني. جي تو مهني هيك ديڪرو دي، تو هون اوتوي ني سجي حياتي تني دئين هان اوتوي را ماتي را بال كدي پي كونهي كتريا جاوي.“

12 جدي حنا پرميشور شون پرائنا كرتي پڙي، تو عيلي اوتوي زي موذي ديشا جوتو پڙيوم. 13 كيونكه حنا من م پرائنا كرتي پڙي هان رگو اوتوي را هوت چلڪتا پڙيا، پڻ آواز كونهي اوتوم، ايي زي كري عيلي سمجهو كه متان اي نشي م هي. 14 عيلي اوتوي ني كهيو كم، ”تو كتري توڻي نشي م رئي؟ تو هوش م آ.“ 15 تو حنا كهيو كم، ”نا مهارا مالڪ، مهني نڪو شراب بيڻو هان نڪو هون نشي م هون، پڻ هون ڏڪون ري ماريوڙي هون، هون آيرو ڏڪ پرميشور ني شٽائون پڙي. 16 تو آيري بونهي ني خراب لگائي ني سمجه. هون آيري گهڻي ڏڪون هان پريشوني زي كري پرائنا كرون پڙي.“ 17 ايي تي عيلي اوتوي ني كهيو كم، ”تو خيريت شون جام اسرائيل رو ايشور تاري من ري مراد پوري كري، جڪو تي اوتوي شون مونگيو هي.“ 18 اي بات شئي حنا ري پريشوني ختم هوئي. پيچي حنا كهيو كم، ”تاري بونهي تي دايا ري نظر هوئي.“ پيچي او اوت شون بيي گئي هان جائي باتي كاڏي.

سيموئيل رو جنم

19 پڇي القانا هان اُوئي ري خاندان بيجي ڏن شاڪلي تارهي اُني پرميشور آگهي شيش نمايا هان پڇي او راما شهر پاچا آپري گهري گيا. القانا آپري لڳائي حنا ڪڍي گيو هان پرميشور حنا ري پرائنا سڻي. 20 پڇي ايتون هوبو ڪه حنا اُميد شون هوئي هان اُوئي ڏيڪرو جڻيو، حنا اُوئي رو نون آي ڪئي سيموئيل راڪيو ڪه، ”مهني ايتي ني پرميشور شون مونگي ليو هي.“

سيموئيل ني ايشور ري نون ڪرڻ

21 پڇي هر شال آئي ڪار القانا آپري سڃي خاندان پيڙو پرميشور ري شارو بلدون ڪرڻ هان آپري منٽ پوري هوڻ رو بلدون ڪرڻ گيو. 22 پڻ حنا اُونون پيڙي ڪونهي گئي. اُوئي آپري ڏيئي ني ڪهيو ڪه، ”جڏي ٻال ڏوڏ پيڻ چوڙسي، تو پڇي هون ايتي ني پرميشور آگهي لي جائين ڪه آي هميشا اوتج ري.“ 23 ايتي تي القانا ڪهيو ڪه، ”جون تاري مرضي ايتوج ڪر. جتري توڻي تو ايتي رو ڏوڏ ڪونهي چوڙاوي، اُتري توڻي تو ايتج ري هان پرميشور رو واعدو پورو هوئي.“ پڇي حنا آپري گهري بيبي هان ٻال رو ڏوڏ چوڙاڻو توڻي اُوئي ري سنپال ڪرتي رئي.

24 پڇي جڏي سيموئيل ڏوڏ پيڻ چوڙيو، تو حنا تينون شالون رو توگهڙو، اندازن آڌ من آتو هان انگورون ري رس ري هيڪ ڏيڙي لي سيلا شهر ۾ پرميشور ري گهر ۾ گئي. سيموئيل آجون توڻي ٻال هتو. 25 اوٽ اُونون هيڪ توگهڙو باڊيو هان سيموئيل ني عيلي پوجاري ڪڍي لي آيا. 26 حنام عيلي ني ڪهيو ڪه، ”اي مهارا مالڪ، تارو شونش، هون اوج لڳائي هون، جڪي ٿي ڪڍي ايت ايتي پرميشور شون پرائنا ڪي هتي. 27 مهني ايتي چوڪري ري شارو پرائنا ڪي هتي هان پرميشور مهاري مراد پوري ڪي، جڪو مهني اُوئي شون مونگيو هتو. 28 ايتي ري ڪري مهني ايتي چوڪري ني پرميشور ري نون رو ڪيو هي هان آج شون ايتي ري سڃي زندگي پرميشور ري شارو هي.“ پڇي اُونون پرميشور آگهي شيش نمايا.

حنا ري پرائنا

1 پڇي حنا پرائنا ڪري ڪهيو ڪه،
2 ”مهاريو من پرميشور شون خوش هي،

اُوئي مهني طاقت ڏيئي هي.

همي هون آپري دشمنون آگهي دليري شون بولي شگهين،

هون خوش هون، ڪيونڪه ايشور مهني ڏڪون شون بچائي هي.

2 پرميشور جهڙو بيجو ڪو پي پويتر ڪونهي

هان اُوئي شون تال بيجو ڪو پي ايشور ڪونهي.

آپي ايشور جهڙو بيجو ڪو پي رڪالو ڪونهي.

³ ايئي ري ڪري ڪو پي مگروري شون ني بولي

هان ني موٽي موٽي باتون ڪري،

ڪيونڪه پرميشور شجو ڪئين جوئي هي

هان او شجون رو انصاف ڪري هي.

⁴ طاقت آتون را تير ڪموٽي ٿوئي ٿيا

هان جڪو ڪمزور هتا، اوئون ني طاقت ملي.

⁵ جڪو ڏاڀوڙا هتا، او بائي ري سارو مزور هويا

هان جڪو بونيا هتا، اوئون رو ڏٺو هويو.

جڪو بونجڪي هتي، اوئي را سات ٻال هويا

هان جڪي را تموم گهٽا ٻال هتا، همي هيڪ پي ڪونهي.

⁶ زندگي هان موت پرميشور ري هات ۾ هي،

اوج مڪوم ۾ ملي هان اوٽ شون جيتا ڪري هي.

⁷ پرميشور، امير هان غريب ڪري هي

هان اوج عزت ڏيوڻ آٽو هان گهٽاوڻ آٽو هي.

⁸ پرميشور، غريب ني متي شون

هان ڪنگال ني ڪن ري ڊگ شون ڪاڏي هي

ڪه اوئون ني شهزادون پيڙا پيشاڙي

هان مهما آئي تخت را بارش ڪري،

ڪيونڪه پرميشور ڌرتي رو بنياد راکيو

هان ايئي ماڻي جگت راکيو.

⁹ او آڀري وفادار منڪون ري هر وڪ تي سنپال ڪرشي،

پڻ ٻيڙا موت ري انداري ۾ متي جاشي،

ڪيونڪه انسون آڀري طاقت شون ڪتي ڪونهي شگهتو.

10 جڪو پرميشور ري خلاف هيءَ، او متي جاشي-

پرميشور اوئون ري خلاف آڪاش شون گجگوڙ ڪرشيءَ،

او ڌرتي تي ريوڻ آڻي شجون رو انصاف ڪرشي-

پرميشور آپري بادشاه نِي همت

هان آپري چُونڊيوڙي نِي طاقت ڏيڻي-

11 پچي القانا پاڇو راما شهر ۾ آپري گهري گيو، پڻ اُوئي رو ڏيڪرو سيموئيل، عيلي پوجاري ڪڍي رئي پرميشور ري شيوا ڪرڻ لاڳو-

عيلي پوجاري ري ڏيڪرون رو پاپ

12 عيلي را ڏيڪرا تموم گهڻا بچڙا هئا هان او پرميشور لاري ڪونهي بونا. 13 اُوئي تيم پوجاريون ري آي ريت هتي ڪه جڏي ڪو پي پرميشور ري

شارو ٻليدون ڪرتو، تو پوجاري رو نوڪر موش اُٻاڻڻ ري تيم آپري هات ۾ تينون شوئون جهڙي هيڪ شيڪ لي آوتو. 14 پچي او اُوئي نِي ڪڙاهي،

ديگ، ديگڙي جون هنڊي ۾ هڻتو هان جترو پي موش اُوئي شيڪ ۾ قاشتمو، تو او پوجاري ري شارو ليتو. عيلي را ڏيڪرا سيلا شهر ۾ اوڻ آڻي هر

هيڪ اسرائيلي شون ايجو ڪرتا. 15 اِهي شون نال پوجاري رو نوڪر شار ٻاڻڻ شون پيل ٻليدون ڪرڻ آڻي منڪ نِي ڪيتو ڪه، ”مهني رونڊڻ ري شارو

پوجاري رو حصو ڏي، ڪيونڪه اُوئي نِي پونجوڙو نام، پڻ ڪاڇو موش ڪڍي.“ 16 پچي جي او منڪ آي ڪيتو ڪه، ”آپ، پيل مهني پرميشور ري

شارو شار ٻاڻڻ ڏي، پچي جترو ڪڍي، اترو لي جائي.“ اِهي تي پوجاري رو نوڪر ڪيتو ڪه، ”نام مهني هڻون ڏي، ني تو هون ڪوشي لي جائين.“

17 اِهي نموني عيلي ري ڏيڪرون رو آي پاپ پرميشور ري نظر ۾ تموم موتو هتم، ڪيونڪه او پرميشور ري ٻليدون ري عزت ڪونهي ڪرتا.

سيموئيل پرميشور ري گهر ۾

18 اُونون ڏنن ۾ جڏي سيموئيل ايجون چوڪرو هتو هان او پوپتر گاپا پيري پرميشور آگهي شيوا رو ڪوم ڪرتو. 19 سيموئيل ري ما هر شال جڏي پي

آپري ڏي پيڙي ٻليدون ڪرڻ آوتي، تو سيموئيل ري شارو هيڪ نينو جبو نائي لي آوتي. 20 پچي عيلي، القانا هان اُوئي ري لڳائي نِي برڪت ري

آشيش ڏي ڪهيو ڪه، ”اِهي لڳائي جڪو منت پرميشور آگهي ڪي هتي، اِهي ڏيڪري ري بدلي پرميشور ٿئي بيجا اولاد پي ڏي.“ پچي او آپري

گهري گيا.

21 پچي پرميشور حنا تي دايا ڪي، او اُميد شون هوئي هان اُوئي را تين ڏيڪرا هان بي ڏيڪري هوئي. پچي سيموئيل پرميشور ري شيوا ڪرتو ڪرتو

موتو هوپو.

عيلي هان اُوئي را ڏيڪرا

²² هَمي عيلي تموم گهڻو ڏوڪرو هويو هتو. عيلي او شجو ڪئين شُٽيوم، جڪو اُوئي را ڏيڪرا اسرائيلون شون ڪرتا هان اُوئي ني اي پي خبر پڙي ڪه او اُوئون لڳايون شون بچڙائي ڪرتا، جڪو پرميشور شون ملاقات ري پويتر تنبو ري در ڪڍي شيوا رو ڪوم ڪرتي. ²³ پچي عيلي آپري ڏيڪرون ني ڪهيو ڪه، ”مهَي تونري بچڙي ڪومون ري باري پر تموم گهڻي منڪون شون شُٽيو هي. ٿي اهڙا بچڙا ڪوم ڪيون ڪرو هو؟“ ²⁴ اي مهاري ڏيڪرون، هون تونري بچڙي ڪومون ري باري پر جڪو باتون پرميشور ري منڪون شون شون پڙيوم او شني ڪونهي. ²⁵ جي ڪڻ ڪي پيچي منڪ رو پاپ ڪري، تو پرميشور اُوئي رو انصاف ڪرشي، پڻ جي ڪڻ پرميشور رو پاپ ڪري، تو ڪيو پچ پر آشي؟“

تو پي اُوئون آپري پاپ ري بات ڪونهي مني، ڪيونڪه پرميشور اُوئون ني مارڻ رو فيصلو ڪيو هتو.

²⁶ سيموئيل موتو هوتو گيو. پرميشور هان منڪ اُوئي شون خوش هتا.

عيلي ري خاندان ري باري پر اگڙي

²⁷ هيڪ ڏن ايشور رو هيڪ نبي عيلي ڪڍي آيو هان اُوئي ني ڪهيو ڪه، ”پرميشور اي ڪهيو هي ڪه، ’جڏي ٿارا پاپ ڏاڏا مصر ملڪ پر فرعون ري غلومي پر هتا، تو ڪي مهَي اُوئون ني درشن ڪونهي ڏينو؟“ ²⁸ هان ڪي مهَي اسرائيل ري سجي قبيلون پر هارون ني ڪونهي چونديو ڪه او مهارو پوجاري هوني مهاري سارو بليدون ري جگها ڏوب چاهي هان مهاري اگهي پوجاري آئي واسڪوتي پيري؟ مهَي او سڃائي بائن آلا بليدون تاري ابا ني ڏينام، جڪو اسرائيلي ڪري هي. ²⁹ تو پچي ٿي ڪيون مهاري پينائون هان اُوئون بليدونون ري عزت ڪونهي ڪي، جڪون ني مهاري گهر پر لي اوڻ رو حڪم مهَي ڏينو هتو؟ ٿي مهَي شون وڌيڪ آپري ڏيڪرون ري عزت ڪي هان مهاري اسرائيلي قوم ري شني شني پينائون ڪائي متالا هويا. ³⁰ ايئي ري ڪري پرميشور، اسرائيل رو ايشور ڪي هي ڪه، ’مهَي واعدو ڪيو هتو ڪه ٿارو هان تاري پاپ رو خاندان هميشا مهارو پوجاري هوني مهاري شيوا رو ڪوم ڪرتا ريشي.‘ پڻ همي پرميشور اي ڪي هي ڪه، ’تي مهَي شون الگا هونوم، ڪيونڪه جڪو مهاري عزت ڪرشي، هون اُوئون ري عزت ڪرين هان جڪو مهني ڪئين سمجهي، تو او رد ڪينا جاشي. ³¹ جو، او تيم اوڻ آڻو هي جڏي هون تاري هان تاري پاپ ري خاندان ري طاقت ختم ڪرين ڪه تاري گهر پر ڪو پي موتي عمر آڻو ڪونهي هوي. ³² ٿارو خاندان تموم گهڻي مڙيوتون ڏيڪشي، پڻ هون اسرائيلون تي دابا ڪرين هان تاري خاندان پر ڪو پي موتي عمر آڻو ڪونهي هوي. ³³ تاري خاندان پر بليدون ري جگها تي شيوا ڪرڻ آڻون پر جڪو بچي جاشي، او تاري اونڪي اشوئون شون پري هان تني ڏڪ ڏينو ريشي. تاري اوڻ آڻي سجي پيڙهي آپري جواني پر مري جاشي. ³⁴ جڏي ٿارا پيني ڏيڪرا حُفني هان فينحاس هيڪي ڏن مرشي، تو تاري سارو اي نشون هوشي ڪه مهاري باتون ساجي هي. ³⁵ پچي هون آپري سارو هيڪ وفادار پوجاري راکين، جڪو مهاري مرضي هان من شون شيوا ڪرشي. هون اُوئي ري خاندان ني مضبوط ڪرين هان او هميشا

مهاري چونديوڙي بادشاهه آگهي بيٺي. 36 پڇي ايئن هوشي ڪه هر هيڪ منڪ جڪو ٿاري خاندان ۾ جيتو ريشي، او چوندي ري هيڪي سڪي هان ٻائي ري شارو اوني آگهي جهڪي ڪشي ڪه، ”مهني پوجاري رو ڪو ڪوم ڏي، تو هون ڪئين ٻائي ڪائي شگهون.“

پرميشور ري سيموئيل شون بات

1 اوئون ڏنون ۾ جڏي او چوڪرو سيموئيل عيلي آگهي پرميشور ري شيوا رو ڪوم ڪرتو پڙيو، تو پرميشور منڪون شون تموم گهت بولتو هان 3 درشن ڪونهي ڏيتو. 2 عيلي ري نظر ڪمزور هوئي هتي هان او شني نموني ڏيکتو ڪونهي. هيڪ ڏن عيلي آپري جگها تي اونگاجوڙو هتو. 3 سيموئيل پي پرميشور ري گهر ۾ جيت ايشور ري سنڌوڪ هتي، اوت اونگاجوڙو هتو هان آجون توڻي ايشور رو ڏينو ٻلنو پڙيو. 4 تو پرميشور سيموئيل ني هيلو ڪيئو، تو اوني ڪهيو ڪه، ”جي، هون حاضر هون.“ 5 پڇي او ناشي عيلي ڪڍي گيو هان ڪهيو ڪه، ”ڪي ٿي مهني هيلو ڪيئو؟ هون آيو رو.“ عيلي ڪهيو ڪه، ”نام مهني ٿي هيلو ڪونهي ڪيئو، جام شوئي ري.“ پڇي او جائي شوئي رهيو.

6 پڇي پرميشور پڙي اوني ني هيلو ڪيئو ڪه، ”سيموئيل، سيموئيل.“ او اوني عيلي ڪڍي گيو هان ڪهيو ڪه، ”ڪي ٿي مهني هيلو ڪيئو؟ هون آيو رو.“ عيلي ڪهيو ڪه، ”نام مهارا ڏيڪرام مهني ٿي هيلو ڪونهي ڪيئو، جام شوئي ري.“ 7 سيموئيل آجون توڻي پرميشور ني ڪونهي اولڪتو، ڪيونڪه پرميشور ڪڏي پي اوني شون بوليو ڪونهي هتو.

8 جڏي پرميشور تيجو گهمرو سيموئيل ني هيلو ڪيئو، تو او پڙي اوني عيلي ڪڍي گيو هان ڪهيو ڪه، ”ڪي ٿي مهني هيلو ڪيئو؟ هون آيو رو.“ ايني تي عيلي ني خبر پڙي ڪه پرميشور ايني چوڪري ني هيلو ڪيئو هي. 9 پڇي عيلي سيموئيل ني ڪهيو ڪه، ”جائي شوئي ري هان جي او ٿي پڙي هيلو ڪري، تو تو ڪئي ڪه، اي پرميشور، شٽا، ٿارو ٻونهو شئي پڙيو.“ پڇي سيموئيل جائي آپري جگها تي شوئي رهيو.

10 پيل آي ڪار پڙي پرميشور هيلو ڪيئو ڪه، ”سيموئيل، سيموئيل.“ اوني ڪهيو ڪه، ”اي پرميشور شٽا، ٿارو ٻونهو شئي پڙيو.“ 11 پڇي پرميشور سيموئيل ني ڪهيو ڪه، ”جو، هون اسرائيليون ۾ اهڙو ڪوم ڪرين، جڪي شون هر هيڪ شٽن آتو ڏڪئي.“ 12 هون اوني ڏن عيلي ري خاندان ري باري ۾ آپري ڪهيوڙي شجي باتون شروع شون لي آخر توڻي پوري ڪرين. 13 مهني پيل شٽايو هي هان عيلي ني خبر هتي ڪه اوني ري ڏيڪرون ٻچڙائي ڪري آپ تي لعنت لي هي، پڻ تو پي عيلي اونون ني پاليا ڪونهي. ايني ري ڪري هون اوني ري خاندان ني هميشا ري سزا ڏين. 14 مهني عيلي ري خاندان ري باري ۾ شونش ليو هي ڪه، ”هون اونون ري ٻچڙي ڪومون ري بدلي ڏينوڙو ٻليدون جون پتا ڪڏي پي قبول ڪونهي ڪرون.“

15 ايني شون پڇي سيموئيل شاڪلي توڻي شوتو رهيو. پڇي شاڪلي اوني اوني پرميشور ري گهر را در ڪوليام پڻ او آپري درشن ري باري ۾ عيلي ني شٽاوڻ شون بيناجو. 16 ايني تي عيلي سيموئيل ني هيلو ڪري ڪهيو ڪه، ”اي مهارا ڏيڪرام سيموئيل.“ اوني ڪهيو ڪه، ”جي، هون حاضر هون.“ 17 عيلي سيموئيل شون پوچو ڪه، ”ايشور ٿي ڪي ڪهيو؟ مهروني ڪري مهني شون لڪا ني. جي تو ايشور ري ڪهيوڙي شجي باتون ۾

هيك پي بات مهې شون لڪائي، تو ايشور ٿئي ايني ري سخت سزا ڏيڻي. “ 18 پڇي سيموئيل ڪو پي بات لڪائي ڪونهي هان شجو ڪئين اوني ني شٽايو. ايني تي عيلي ڪهيو ڪم، ”او پرميشور هي، جڪو اوني ني پلو لاڳي او ڪري.“

19 ايني نموني سيموئيل موتو هوتو گيو هان پرميشور اوني پيٽو هوتو، ايني ري ڪري سيموئيل ري هر هيك بات شاڄي هوتي. 20 دان شون لي بيرسبع علائقي توڻي شجي اسرائيلون ني خبر پڙي ڪه سيموئيل ني پرميشور، ني چونديو هي. 21 پرميشور سيلا شهر ۾ سيموئيل ني درشن ڏي آپري باتون شٽاوتو رهيو.

1 سيموئيل ري ڪهيوڙي باتون شجي اسرائيلون ۾ پڪڙي گئي.

4

وچن ري سنڌوڪ رو ڪوشيجن

اوتون ڏنون ۾ اسرائيلي فلسطينون شون جنگ ڪرڻ گيا. اسرائيلون ابن عزز علائقي ۾ آيرا تنبو لگايا هان فلسطي قوم پي افيق علائقي ۾ آيرا تنبو لگايا. 2 پڇي فلسطينون ۾ اسرائيليون تي حملو ڪري اوتون ني هرايا هان اوتون را اندازن چار هزار منڪ جنگ ري ميدون ۾ قتل ڪيا. 3 پڇي اسرائيلي پاڇا آپري تنبوئون ۾ آيا، تو اوتون ري اگوئون ڪهيو ڪم، ”آج پرميشور آيون ني ڪيئون فلسطينون شون هرايا هي؟ ائو، آبي پرميشور ري وچن ري سنڌوڪ سيلا شهر شون ايت لي اوتون ڪه او آڻي بيچ ۾ هوڙي هان او آيون ني آڻي دشمنون شون بچاوي.“ 4 ايني ري ڪري اوتون سيلا شهر ۾ منڪ ميليا هان او اوت شون قدرت آئي پرميشور ري وچن ري سنڌوڪ لي آيا، جڪي تي ايشور ڪرويون ري بيچ ۾ موجود هوتو. عيلي را بيئي ڏيڪرا حُفني هان فينحاس پي سنڌوڪ پيڙا آيا.

5 جڏي پرميشور ري وچن ري سنڌوڪ اسرائيلون ري تنبو ۾ آئي، تو شجي اسرائيلون تموم گهڻي زور شون خوشي را نارا لگايا، جڪي شون زمين هلڻ لاڳي. 6 جڏي فلسطينون اوتون رو هل شٽيو، تو ڪيوڻ لاڳا ڪم، ”عبرانيون ري تنبو ۾ آي ڪهڙو موتو هل هي؟“ ايني تي اوتون ني خبر پڙي ڪه پرميشور ري وچن ري سنڌوڪ اوتون ري تنبوئون ۾ آئي هي. 7 پڇي فلسطي گهبرائي ڪيوڻ لاڳا ڪم، ”اوتون رو ڏيوتا اوتون ري تنبوئون ۾ آيو هي هان همي مهون تي موتي مُصيبِت آئي هي، ڪيونڪه ايني شون پيل ايئون ڪڏي پي ڪونهي هويو.“ 8 پڇي او گهبرائي ڪيوڻ لاڳا ڪم، ”ڪُڻ مهوني اوتون طاقت آتون ڏيوتائون شون بچاشي؟ آي او ڏيوتا هي، جڪون مصري قوم ني رڻ پت ۾ تموم گهڻي آفتون شون ماريا هتا. 9 اي فلسطينون همت ني هارو، پهلوون هوتو ڪه آبي عبرانيون را غلوم ني هوتون، جهڙي نموني او پيل آڻا غلوم هتا. ايني ري ڪري پهلوون هوتو هان پڙهو.“

10 ايني تي فلسطينون اسرائيلون شون جنگ ڪي هان اوتون اسرائيلون ني هرايا. پڇي اسرائيلي آپري تنبوئون ڏيشا نانا هان تموم گهڻا منڪ ماريجا. اوت تيه هزار اسرائيلي جنگي منڪ ماريجا. 11 پڇي فلسطينون ايشور ري وچن ري سنڌوڪ ڪوشي لي هان عيلي را بيئي ڏيڪرا حُفني هان فينحاس پي ماري چوڙيا.

عيلي ري موت

12 اُوئي ڏن بنيامين قبيلي رو هيڪ منڪ جنگ ري ميدون شون ناشي سيلا شهر ۾ پُگو هان اُوئي ڏڪ ۾ آڀرا گاپا ڦاڙيا هان مائي ۾ مٽي گهاتي. 13 جڏي او اوٽ پُگو، تو عيلي مارگ ۾ ڪُسي تي پيشي انتظار ڪرتو پڙيو، ڪيونڪه او ايشور ري وچن ري سنڌوڪ ري ساڙو پريشون هتو. پڇي اُوئي منڪ شهر ۾ پُگي منڪون ني او شجو حال سُٿايو، تو شجائي روئڻ لاگا. 14 جڏي عيلي روئڻ رو آواز سُٿيو، تو پوچو ڪه، ”آي ڪهڙو هل هي؟“ پڇي اُوئي منڪ چيڪائي ڪري او شجو حال عيلي ني سُٿايو.

15 اُوئي تيم عيلي ري عمر اناوي شال هتي هان او جوئي ڪونهي شگهتو، ڪيونڪه اُوئي ري نظر ڪمزور هوئي هتي. 16 اُوئي منڪ عيلي ني ڪهيو ڪه، ”هُون هتون جنگ ري ميدون شون ناشي آيو هون.“ عيلي اُوئي شون پوچو ڪه، ”اي مهارا ڏيڪرام اوٽ ري ڪهڙي خبر هي؟“ 17 پڇي اُوئي منڪ ڪهيو ڪه، ”اسرائيلي، فلسطينيون شون جنگ هرائي گيا هان تموم گهڻا منڪ ماريجا را. تارا پيني ڏيڪرا حُفني هان فينحاس پي ماريجا را هان ايشور ري وچن ري سنڌوڪ پي ڪوشيجي ري.“ 18 جڏي عيلي وچن ري سنڌوڪ ري باري ۾ سُٿيو، تو او در ري نيڙو آڀري ڪُسي لاري جائي ڪريو، جڪي شون اُوئي رو ڪونڌو پاگو هان او مري گيو، ڪيونڪه او ڏوڪرو هان جاڏو منڪ هتو. عيلي چاليه شال توڙي اسرائيلي قوم رو قاضي رهيو.

فينحاس ري لڳائي ري موت

19 اُوئي تيم عيلي ري ڏيڪري فينحاس ري لڳائي اُميد شون هتي هان بال جڻڻ رو تيم نيڙو هتو. جڏي اُوئي سُٿيو ڪه ايشور ري وچن ري سنڌوڪ ڪوشيجي هي هان اُوئي رو سُٿرو هان ڏڙي پئي مُونا را، تو اُوئي را بال جڻڻ را ڏوڪن بديا هان اُوئي نيمي بال ني جنم ڏينو. 20 جڏي او مرڻ آئي هتي، تو لڳايون اُوئي ني ڪهيو ڪه، ”تو بيٺاج ني، ڪيونڪه ٿاري ڏيڪرو هيو هي.“ تو اُوئي نڪو بلتي ڏيني هان نڪو اُوئي بات تي ڏهيون ڏينو. 21 پڇي اُوئي آڀري ڏيڪري رو نون اي ڪئي يڪبود راڪيو ڪه، ”اسرائيل شون ايشور ري مهما ختم هوئي ري.“ ڪيونڪه وچن ري سنڌوڪ ڪوشيجي هتي هان اُوئي رو سُٿرو هان ڏڙي پي ماريجا هتا. 22 پڇي اُوئي ڪهيو ڪه، ”اسرائيل شون ايشور ري مهما ختم هوئي ري، ڪيونڪه ايشور ري وچن ري سنڌوڪ ڪوشيجي هي.“

وچن ري سنڌوڪ فلسطينيون ري شهرون ۾

1 فلسيتي ايشور ري وچن ري سنڌوڪ ڪوشي ابن عزر علائقي شون اشدود شهر ۾ لي گيا. 2 فلسطينيون او سنڌوڪ آڀري ڏيوتا دجون ري مندر ۾ اُوئي مُورتي ري پاشي ۾ راڪي. 3 پڇي ساڪلي تارهي اشدود شهر ري منڪون اُني جويو ڪه دجون ڏيوتا ري مُورتي پرميشور ري وچن ري سنڌوڪ آگهي موڏي توڙي هينا ڪري پڙي هي. پڇي اوئون دجون ڏيوتا ري مُورتي پاڇي آڀري جگها تي راڪي. 4 پڇي بيبي ڏن ساڪلي تارهي منڪون اُني ڏينو ڪه دجون ڏيوتا ري مُورتي پڙي پرميشور ري وچن ري سنڌوڪ آگهي موڏي توڙي هينا ڪري پڙي هي. ايني گهمري اُوئي رو ماتو هان

5

بيئي هات مندر ري در كيدي ياگوترا پٽيا هي هان رگو اوئي رو دٽر بجوڙو هتو. ⁵ ايئي ري كري دجون ڏيوتا را پوجاري هان او شجائي جڪو اشدود شهر ۾ دجون ري مندر ۾ آوي هي، او آج توڻي مندر ري در تي آيرا پگ ڪونهي راڪتا.

⁶ پڇي پرميشور اشدود شهر آتون ري خلاف هويو. پرميشور اشدود شهر هان اوئي ري چوڌاري گون ري منڪون ۾ گوڙون آئي آفت ميلي اوئون ني برباد ڪرڻ لاگو. ⁷ جڏي اشدود ري منڪون ڏينوم تو ڪيوڻ لاگا ڪم، ”اسرائيل ري ايشور ري وچن ري سنڌوڪ همي آيون ڪيدي ني ري، ڪيونڪه ايشور آپئي هان آپئي ڏيوتا دجون ري خلاف هي.“ ⁸ پڇي اوئون فلسطي قوم را شجائي آگوڻ پيٽا ڪري پوچو ڪم، ”آبي اسرائيل ري ايشور ري سنڌوڪ رو ڪي ڪرون؟“ تو اوئون ڪهيو ڪم، ”آي سنڌوڪ جات شهر ڏيشا ميلو.“ پڇي او سنڌوڪ اوٽ شون لي ڪيا. ⁹ جڏي او سنڌوڪ جات شهر ۾ پڳي، تو پرميشور اوئي شهر ري خلاف هويو هان شهر را شجائي منڪ پيٽا ڪيا. پڇي شهر ري ننڍي شون لي موٽي توڻي شجون را گوڙ نڪريا.

¹⁰ پڇي جات شهر ري منڪون وچن ري سنڌوڪ عقرون شهر ڏيشا ميلي. جڏي سنڌوڪ عقرون شهر ۾ پڳي، تو اوٽ را منڪ رڙي ڪري ڪيوڻ لاگا ڪم، ”تي اسرائيل ري ايشور ري سنڌوڪ مهون ڪيدي لي آيا هو ڪه مهوني مارو.“ ¹¹ پڇي اوئون پٽي شجي فلسطي آگوڻون ني پيٽا ڪري پوچو ڪم، ”اسرائيل ري ايشور ري سنڌوڪ اوئي جگها پاچي ميلو ڪه آبي هان آپتا منڪ بچي جائون.“ ايشور ري ميليڙي ايئي آفت شون شجي شهر ۾ موت رو پي ٻڌي ڪيو. ¹² جڪو منڪ موٽا ڪونهي، او گوڙون ري ڪري تموم گهڻا تڪليف ۾ پٽيا رهيا هان او آپري ڏيونائون ني پڪارڻ لاگا.

وچن ري سنڌوڪ اسرائيلين ري شهر ۾

6 ¹ پرميشور ري وچن ري سنڌوڪ شات مهينا فلسطين ري ملڪ ۾ رهي. ² پڇي فلسطين پوجاريون هان نجوميون ني آڻائي پوچو ڪم، ”مهني وچن ري سنڌوڪ شون ڪي ڪرون، مهوني شٽائو ڪه مهني آي ڪيڪر پاچي ميلون؟“ ³ ايئي تي اوئون ڪهيو ڪم، ”جي تي اسرائيل ري ايشور ري وچن ري سنڌوڪ پاچي ميلوم، تو او کالي ني ميليا، پٽ اوئي پيٽو پاپون ري ٻليدون ري شارو ضرور ڪئين ميليا. جڏي توڻي شفا ملي، تو پڇي توڻي خير پٽشي ڪه ٿون تي اوڻ آئي آفت رو ڪارڻ ائيج هتو.“ ⁴ پڇي اوئون پوچو ڪم، ”مهني آپري پاپون ري ٻليدون ري شارو ڪي ڏينون؟“ اوئون ڪهيو ڪم، ”تي فلسطي آگوڻون ري گيٽ ري حساب شون شوني را پونج گڙ هان پونج اونڌرا نائي ڏيام ڪيونڪه ٿون تي هان ٿونري شجي آگوڻون تي هيڪج آفت آئي هي. ⁵ ايئي ري ڪري ٿي همي شوني را پونج گڙ هان پونج اونڌرا نائو، جڪو ٿونري پوک خراب ڪري هي. تي ايئي نموني اسرائيل ري ايشور ري عزت ڪرو، تو هوئي شگهي، او ٿون تي، ٿونري ڏيونائون هان ٿونري ملڪ تي دايا ڪري.“ ⁶ تي آيرا من ڪانا ني ڪرو، جهڙي نموني مصري قوم هان فرعون ڪيو هتو. پڇي جڏي ايشور مصريون تي آفتون ميا، تو اوئون اسرائيلين ني آپري ملڪ شون جاوڙ ري موڪل ڏيني هان او ٻوٽا ڪيا. ⁷ تي همي هيڪ ٺوئي ڍگا گاڏي نائو هان بي شونا ڍگي جوتريا، جڪو ڪڏي پي ڪونهي جوتريجي، پٽ اوئون را ڦليا گهري آپاڙيا. ⁸ پڇي تي پرميشور ري سنڌوڪ اوئي ڍگا گاڏي مائي راڪيا هان شوني ري شيون جڪو ٿي آپري پاپون ري ٻليدون ري شارو ميلشوم او هيڪي

ڏيڻي ۾ راڪي سنڌوڪ ڪڍي راڪيا هان پڇي بئير ڪريا ڪه او گاڏي بُني جاوي. ⁹ پڇي ٿي جوتا رهيا ڪه جي او گاڏي بيت شمس شهر ري حد ڏيشا جاوي، تو سمجها ڪه اسرائيل ري ايشور مهون تي موتي آفت ميلي هي. جي او ڪي پڇي پاشي جاوي، تو سمجها ڪه اي آفت ايشور نام پڻ اي هيڪ حادثو هتم، جڪو هاڻي هويو هي. “

¹⁰ پڇي فلسطين ايشور ڪيو هان بي شوئا ڊگي، ڊگا گاڏي ۾ جوتري هان اوئون را قليا گهري اڀاڙيا. ¹¹ پڇي اوئون پرميشور ري سنڌوڪ هان او ڏيو ڊگا گاڏي ماڻي راڪيو، جڪي ماڻي شوني را گڙ هان اونڌرا هتا. ¹² پڇي اوئون ڊگيون ني بئير ڪيئي هان او سجي مارگ ۾ هوڪارتي گئي. او نڪو ڪاڻي، نڪو شاجي پاشي گئي، پڻ شدي بيت شمس شهر ڏيشا گئي. فلسطيني اگروڻ پي اوئون لاري بيت شمس شهر ري حد توڻي گيا. ¹³ اوئي تيم بيت شمس شهر را منڪ وادي ۾ ڪنڪ رو لبارو ڪرتا پڙيا. جڏي اوئون وچن ري سنڌوڪ ڏيني، تو تموم گهڻا خوش هويا. ¹⁴ او ڊگا گاڏي بيت شمس شهر ۾ يشوع نون ري منڪ ري بني ۾ جائي موتي پتر ڪڍي آبي. تو منڪون ڊگا گاڏي را لڪڙ چيريا هان ڊگيون رو پرميشور ري شارو ٻاڻڻ آو ٻليدون ڪيو. ¹⁵ پڇي لاويون، پرميشور ري سنڌوڪ هان اوئي ڏي ني جڪي ۾ شوني ري شيون هتي، ڊگا گاڏي شون اٿاري اوئي موتي پتر ماڻي راڪيو. بيت شمس ري منڪون اوئي ڏن پرميشور ري شارو ٻاڻڻ آو هان پيجا ٻليدون ڪيا. ¹⁶ جڏي اوئون پونج فلسطيني اگروڻون اي شجو ڪئين ڏينم، تو او اوڻج ڏن عقرون شهر ڏيشا پاچا گيا.

¹⁷ فلسطيني جڪو شوني را گڙ پرميشور ني آپري پاپون ري ٻليدون ري شارو ڏينام، اوئون ۾ اشدودم، غزام اسقلون، جات هان عقرون شهرون ڏيشا هيڪ هيڪ گڙ هتا. ¹⁸ ايئي شون تال شوني را اونڌرا پونج فلسطيني اگروڻون ري شهرون ري گڻپ ري حساب شون هتا، جڪي ۾ موتا شهر هان نيا گون پي هتا. او موتو پتر جڪي تي اوئون پرميشور ري سنڌوڪ راڪي هتي، او آج توڻي گواهي ري شارو بيت شمس شهر ۾ يشوع ري بني ۾ موجود هي.

وچن ري سنڌوڪ قريت يعريم شهر ۾

¹⁹ پرميشور، بيت شمس شهر را ستر منڪ ماريام ڪيونڪه اوئون پرميشور ري سنڌوڪ ني مئين شون ڏيني هتي. ايئي تي منڪون ماتم ڪيو، ڪيونڪه پرميشور اوئون ني تموم گهڻي سزا ڏيني هتي. ²⁰ پڇي بيت شمس شهر ري منڪون ڪهيو ڪه، ”پرميشور، پويتر ايشور هي، اوئي شومهو ڪو پي آبي ڪونهي شگهتو. همي آبي اي وچن ري سنڌوڪ ڪي ڪي ميلون؟“ ²¹ پڇي اوئون قريت يعريم شهر آتون ڪڍي ڪئينڪه منڪ نياپو ڏي مليا ڪه، ”فلسطين، پرميشور ري سنڌوڪ پاچي ڏيني هي، ايئي ري ڪري آو هان اي آپ ڪڍي لي جائو.“

¹ پڇي قريت يعريم شهر را منڪ پرميشور ري سنڌوڪ ني اينداب ري گهري لي آيا، جڪو هيڪي جبل تي هتا. پڇي اوئي ري ڏيڪري اليعزر ني پويتر ڪري چونڊيو ڪه او پرميشور ري سنڌوڪ سنپالي. ² پرميشور ري سنڌوڪ ني قريت يعريم شهر ۾ راڪي، اوٿ بيش شال رو موتو تيم هوئي گيو هان شجائي اسرائيلي پرميشور ني مدد ري شارو پڪارتا رهيا.

سيموئيل اسرائيل رو قاضي

³ پچي سيموئيل شجي اسرائيلون ني كهيو كم، ”جي تي پوري دل شون پرميشور كيدي اوم، عستارات ذيوپي هان بيجا ذيوو آپري بچ شون كاڊوم، آبرو من پرميشور ني ذينو هان رگو اوئي ري پگتي كروم، تو او توني فلسطينون ري هاتون چوآشي.“⁴ ايئي تي اسرائيلون، بل هان عستارات ذيوآ آپري بچ شون كاڊيا هان رگو پرميشور ري پگتي كرڻ لاگا.⁵ پچي سيموئيل كهيو كم، ”شجي اسرائيلون ني مصفا شهر ۾ پيڙا شهر ۾ پيڙا شهر، تو هون تونري شارو پرميشور شون پرائنا كرون.“⁶ ايئي تي شجائي اسرائيلي مصفا شهر ۾ پيڙا هويا هان پوڻي پري پرميشور آگهي ڊوڙڻ لاگا. اوئون اوئي ڏن روزو راكي كهيو كم، ”مهون پرميشور رو پاپ كيئو هي.“ سيموئيل، مصفا شهر ۾ اسرائيلون را فيصلا ڪرتو.

⁷ پچي جدي فلسطينون ني خبر پڙي ڪه شجائي اسرائيلي مصفا شهر ۾ پيڙا هويا هي، تو اوئون را آگوڻ اسرائيلون تي حملو ڪرڻ آيا. جدي اسرائيلون آي شئوم، تو او فلسطينون شون پيڄاڻ لاگا.⁸ پچي اسرائيلون سيموئيل ني كهيو كم، ”تو پرميشور آڻي ايشور آگهي مهوري شارو پرائنا ڪر ڪه او مهوني فلسطينون ري هاتون بچاوي.“⁹ سيموئيل هيڪ ڏوڏ پيڻ آڻو گهيتو ليئو هان او پرميشور ري شارو ٻالڻ آڻو ٻليدون ڪيئو. جدي سيموئيل اسرائيلون ري شارو پرميشور شون پرائنا ڪي، تو اوئي سيموئيل ري پرائنا شئي.¹⁰ جڪي نيم سيموئيل ٻالڻ آڻو ٻليدون ڪرتو پڙيو، تو اوئي نيم فلسطيني اسرائيلون شون جنگ ڪرڻ ري شارو نيڙا آيا، پڻ پرميشور اوڻج ڏن فلسطينون تي تموم گهڻو زور شون گجگوڙ ڪيئو هان او پيڄاڻا. ايئي نموني او اسرائيلون شون هار ڪائي ناشن لاگا.¹¹ پچي اسرائيلون مصفا شهر شون نڪري فلسطينون رو لارو ڪيئو هان اوئون ني بيت ڪر گون توڻي مارتا ڪيا.¹² پچي سيموئيل مصفا شهر هان شين شهر ري بچ ۾ هيڪ پتر ايو ڪيئو هان اوئي پتر رو نون آي ڪئي ابن عزز راڪيو كم، ”پرميشور اتر تي توڻي مهوري مدد ڪي هي.“¹³ ايئي نموني فلسطيني اسرائيلون شون هاريجا هان اوئون پڙي ڪڏي پي اوئون ري علائقي تي حملو ڪونهي ڪيئو. سيموئيل ري شجي زندگي ۾ پرميشور فلسطينون ري خلاف رهيو.¹⁴ فلسطينون عقرون شون لي جات توڻي، جڪو شهر اسرائيلون شون ڪوشيا هتا، او پڙي اسرائيلون ري قبضي ۾ آيا هان اوئون ري آشي پاشي را گون پي اسرائيلون فلسطينون شون ڪوشي ليئا. اوئي نيم اسرائيلون هان اموريون ري آبت ۾ صلح هتي.

¹⁵ سيموئيل شجي زندگي اسرائيلون رو قاضي هتو.¹⁶ او هر شال بيت ايل شهر، جلجال شهر هان مصفا شهر هان اوئون ري شجي علائقون ۾ جائي اسرائيلون را فيصلا ڪرتو.¹⁷ پچي او راما شهر ۾ آپري گهري پاچو آوتو هان اوڻ پي اسرائيلون را فيصلا ڪرتو. اوڻ اوئي پرميشور ري شارو ٻليدون ري هيڪ جگها پي نائي.

اسرائيليون رو آبرو بادشاه مونگن

8

¹ جڏي سيموئيل ڏوڪرو هويو، تو اُوئي آڀرا ڏيڪرا اسرائيلون ري شارو قاضي راڪيا. ² سيموئيل ري موٽي ڏيڪري رو نون يوئيل هان نئي رو نون ايبا هتو. آي پئي بيرسبع شهر ۾ قاضي هتا. ³ پڻ اُوئي را ڏيڪرا آڀري باپ ري بتايوڙي مارگ تي ڪونهي بُوٿا، ڪيونڪ او هميشا آڀري فائدي ري شارو شوچتا. او تموم گهڻا لالچي هتا، ايني ري ڪري رشوت لي غلط فيصلو ڪرتا.

⁴ ايني تي اسرائيلون را شجائي اڳوڻ پيڙا هوني راما شهر ۾ سيموئيل ڪيڊي آيا ⁵ هان اُوئي ني ڪهيو ڪم، ”جو، تُو بُوڊو هويو رو هان تارا ڏيڪرا تاري بتايوڙي مارگ تي ڪونهي بيتا. همي تُو بيجي قومون آلي ڪار مهوري شارو هيڪ بادشاه چوند، تو او مهون تي بادشاهي ڪري.“ ⁶ جڏي سيموئيل اُوئون ري آي بات سُڻي ڪم، ”تُو مهوري شارو هيڪ بادشاه چوند، جڪو مهون تي بادشاهي ڪري.“ تو اُوئي ني آي بات خراب لاگي هان اُوئي پرميشور شون پراٿا ڪي. ⁷ پچي پرميشور سيموئيل ني ڪهيو ڪم، ”آي منڪ جڪو ڪئين ٿي ڪي، تُو اوج ڪم، ڪيونڪ اُوئون ٿي نام پڻ مهني چوڙيو هي ڪه اُوئون رو بادشاه ني هونون. ⁸ جڏي شون هون اُوئون ني مصر مُلڪ شون ڪاڊي لي آيو هون، اُوئي ڏن شون لي آج توڻي او مهني چوڙي بيجي ڏيونائون ري بوجا ڪرتا آيا هي، همي او ٿي شون پي ايئوج ڪري پڙيا. ⁹ ايني ري ڪري همي تُو اُوئون ري بات من، پڻ اُوئون ني پوري نموني خبردار ڪري آي شٽائي ڪه جڪو بادشاه تون ماتي بادشاهي ڪرشي، او تون شون ڪهڙو سلوڪ ڪرشي.“

¹⁰ پچي سيموئيل پرميشور ري شجي باتون اسرائيلون ني شٽائي، جڪو اُوئي شون آبرو بادشاه مونگتا پڙيا. ¹¹ سيموئيل ڪهيو ڪم، ”جڪو بادشاه تون ماتي بادشاهي ڪرشي، اُوئي رو طريقو آي هوشي ڪه او تورا ڏيڪرا آڀري گهوڙون ري سنپال ڪرڻ آلا هان گهوڙون گاڏون را نوڪر راڪشي هان او اُوئي ري گهوڙون گاڏون اڳهي ناششي. ¹² او اُوئون ني هزار هزار فوج تي هان پنجاه پنجاه آفيسرون تي راڪشي. او ڪي شون هل ڪيڙاشي هان ڪي شون لهارو، ڪي شون جنگي هٿيار هان ڪي شون آڀري گهوڙون گاڏون رو ڪوم ڪراشي. ¹³ او تونري ڏيڪريون شون عطر نڙاشي هان شيڏو ڪراشي. ¹⁴ او تونري پني، انگورون هان زيئون ري باگون شون شنو حصو آڀري شيوادارون ني ڏيشي. ¹⁵ او تونرو ڏون هان انگورون ري باگون رو ڏهون حصو آڀري وزيرون هان شيوادارون ني ڏيشي. ¹⁶ او تونري بونهون، بونهيون، هوشيار جوانون هان گڏون شون آبرو ڪوم ڪراشي. ¹⁷ او تونري ريڊون بڪريون رو ڏهون حصو پي ليشي هان ٿي اُوئي را غلوم هوشو. ¹⁸ پچي اُوئي ڏن ٿي آڀري چوند، يوڙي بادشاه ري ڪري پرميشور ني پڪارشو، پڻ او تونري ڪونهي سُڻي.“

¹⁹ تو پي منڪون سيموئيل ري بات ڪونهي سُڻي هان ڪهيو ڪم، ”نام مهوني بادشاه ڪبي، جڪو مهون تي بادشاهي ڪري ²⁰ هان مهني پي بيجي قومون آلي ڪار هونون هان مهورو بادشاه مهون تي حڪومت ڪري هان مهون اڳهي بني مهوري دشمنون شون جنگ ڪري.“ ²¹ پچي سيموئيل منڪون ري باتون سُڻي هان جائي پرميشور ني سُڻايو. ²² ايني تي پرميشور سيموئيل ني ڪهيو ڪم، ”تُو اُوئون ري بات من هان اُوئون ري شارو هيڪ بادشاه راڪ.“ پچي سيموئيل اسرائيلون ني ڪهيو ڪم، ”تي شجائي آڀري آڀري شهر ڏينما پاچا جائو.“

سائول هان سيموئيل ري ملاقات

9¹ بنيامين قبيلي ۾ قيس نون رو هيك منڪ هتم، جڪي ري منڪ تموم گهڻي عزت ڪرتا. قيس ابي ايل رو، ابي ايل ضرور رو، ضرور¹ بڪورت رو هان بڪورت افيخ رو ڏيڪرو هتم. ² قيس رو هيك ڦوترو هان نوجوان ڏيڪرو هتم، جڪي رو نون سائول هتم. اُوئي رو قد اترو ڏيگهو هتم ڪه منڪ اُوئي ري ڪوئي توڻي اوتا هان شجي اسرائيلي قوم ۾ اُوئي جهڙو ڦوترو بچو ڪو پي ڪونهي هتم.

³ هيك ڏن قيس ري گڏي گميجي، تو اُوئي آڀري ڏيڪري سائول ني ڪهيو ڪه، ”تو نوڪر آب پيڙو لي جا هان گڏيون ني جو.“ ⁴ اِيئي تي او جائي اِفرائيم ري جابلو علائقون هان سليسلا ري علائقون ۾ گڏي جوڻ لاڳام پڻ گڏي ڪونهي لاڏي. پچي او سعليم ري علائقي ۾ گيا، پڻ اوڻ پي گڏي ڪونهي لاڏي. پچي او بنيامين ري علائقي ۾ گيا، پڻ اوڻ پي ڪونهي لاڏي. ⁵ جڏي او صوف علائقي ۾ پڳام، تو سائول آڀري نوڪر ني ڪهيو ڪه، ”آ، آبي پاچا هالون، ڪيٽ ايتون ني هوڙي ڪه مهارو ابا گڏيون رو فڪر چوڙي آڀي شازو پريشون هوڙي.“

⁶ پچي نوڪر اُوئي ني ڪهيو ڪه، ”جو، اِيئي شهر ۾ ايشور رو هيك نبي ري هي، جڪي ري تموم گهڻي عزت هي. او جڪو پي ڪي هي، او پورو هوڙي هي. اِيئي ري ڪري آبي اُوئي ڪيڏي هالون، هوڻي شگهي، او آڀون ني شتاوي ڪه آبي ڪي ڪرون.“ ⁷ اِيئي تي سائول آڀري نوڪر ني ڪهيو ڪه، ”آبي اُوئي ڪيڏي هالون تو هون، پڻ آبي اُوئي ري شازو ڪي لي هالون؟ آڀون ڪيڏي ڪاوڻ ري شيون تو ختم هوڻي ري هان ڪو پي اهڙي شئي ڪونهي، جڪو آبي ايشور ري نبي ري شازو لي هالون.“ ⁸ اِيئي تي نوڪر سائول ني ڪهيو ڪه، ”اي مالڪ، مهڻي ڪيڏي تين گروم چوندي رو هيك سڪو هي، جڪو هون ايشور ري نبي ني ڏئين ڪه او آڀون ني شتاوي.“

⁹ اُوئي تيم اسرائيلي قوم ۾ آي رواج هتم ڪه جڏي پي ڪو منڪ ايشور ري مرضي اوڻڪڻ ري شازو ڪرتو، تو او آي ڪيتو ڪه، ”آئو، آبي اگڪي ڪرڻ آئي ڪيڏي هالون.“ ڪيونڪه جڪي ني او اگڪي ڪرڻ آئو ڪيتا، همي اُوئي ني نبي ڪي هي. ¹⁰ پچي سائول آڀري نوڪر ني ڪهيو ڪه، ”نيڪ هي، هالون هون.“ پچي او اُوئي شهر ڏيشا گيا، جيٽ ايشور رو نبي ريتو. ¹¹ جڏي او اُوئي شهر ڏيشا جاوتا پڙيا، جڪو جبل تي هتم، تو اوڻ اُوڻ ني ڪئينڪه چوڪري پيڙي هوڻي، جڪو پوڻي پڻ جاوڻي پڙي. اوڻون شون پوچو ڪه، ”اگڪي ڪرڻ آئو ڪيٽ ري هي؟“ ¹² چوڪريون بلتي ڏيني ڪه، ”توڙي دير پيل او شهر ۾ آيو هي، تي چيڪا اُوئي ڪيڏي جائو، ڪيونڪه آڄ جبل تي منڪ بليدون ري جگها تي آڀري پاپون رو بليدون ڪرشي.“ ¹³ او جبل تي ٻاتي ڪاوڻ جاوي پڙيو هان جڏي تي شهر ۾ جاشوم، تو او توڻي پيڙو هوڻي. جتري توڻي او ڪونهي آوي، اُتر تي توڻي منڪ ٻاتي پي ڪونهي ڪاوي، ڪيونڪه پيل او بليدون ني برڪت ڏي هي، پچي ميموڻ ٻاتي ڪاوي هي. تي چيڪا جائو، او توڻي مارگ ۾ پيڙو هوڻي رو.“ ¹⁴ پچي او شهر ڏيشا گيا هان اوڻ پڳي ڏينو ڪه سيموئيل شهر شون ٻاهر آوي پڙيو ڪه او جبل تي جاوي.

15 پرميشور، سائول زي اوڻ شون هيڪ ڏن پيل سيموئيل ني شٽايو هتو ڪم، 16 ”هون شواري ايڇ تيم بنيامين علائقي شون هيڪ منڪ ٿي ڪڍي ميلن. ٿو اوني ري ماتي تي زيتون رو تيل ڊوڙي اوني ني چوندي ڪه او مهاري اسرائيلي قوم رو اگوڻ هووي. او مهارا منڪ فلسطي قوم شون چوڙاشي، ڪيونڪه اوڻون ري پڪار مهني توڙي پڳي هي هان مهني اوڻون تي دايا ڪي هي.“

17 جڏي سيموئيل سائول ني ڏينوم تو پرميشور، سيموئيل ني ڪهيو ڪم، ”جو، اي اوج منڪ هي، جڪي زي باري م مهني ٿني ڪهيو هتو ڪه اي مهاري قوم رو اگوڻ هوشي.“ 18 پڇي سائول شهر ري در تي گيو هان جائي سيموئيل شون پوچو ڪم، ”اگڪي ڪرڻ آڻي رو گهر ڪيٿ هي؟“ 19 ايڻي تي سيموئيل سائول ني ڪهيو ڪم، ”او اگڪي ڪرڻ آڻو هون هون، ٿو مهني پيڙو جبل تي هال، ڪيونڪه آج ٿو مهني پيڙو باٽي ڪاڻي هان شاڪلي تارهي بوڻو جائي، ٿو جڪو ڪئين پوچي، هون ٿني شٽائين. 20 تين ڏن پيل ٿاري تين گڏي گميجي هتي، همي ٿو اوڻون ري فڪر ني ڪم، ڪيونڪه او لاڏي ري. همي شجي اسرائيل ري اميد ٿي تي هان ٿاري باب ري شجي گهر تي هي.“

21 پڇي سائول ڪهيو ڪم، ”هون اسرائيل م شجون شون نئي قبيلي بنيامين رو هون هان مهوري قبيلي ري شجي خاندان م مهارو خاندان شجون شون نيو هي. ايڻي ري ڪري ٿو مهني شون اي بات ڪيون ڪري هي؟“

22 پڇي سيموئيل سائول هان اوني ري نوڪر ني ميموڻون ري ڪمري م لي گيوم، جيٿ پيل اندازن تيه منڪ پينوڙا هتا. سيموئيل ميموڻون ري بچ م اوڻون ني شجون شون شني جگها تي پيشاڙيا. 23 پڇي سيموئيل بورچي ني ڪهيو ڪم، ”موش رو او حصو لي آ، جڪو مهني ٿني ڏينو هتو، ٿني ڪهيو هتو ڪه او سنپالي راڪي.“ 24 پڇي بورچي ساڻل آڻو موش هان جڪو ڪئين اوڻي پيڙو هتو، او لائي سائول آگهي راڪيو. پڇي سيموئيل سائول ني ڪهيو ڪم، ”جو، اي او حصو هي، جڪو مهني ٿاري ٿارو راڪيو هتو هان منڪون ني ڪهيو هتو ڪم، ”اي خاص تيم ري ٿارو راڪيوڙو هي.“ ايڻي ري ڪري همي اي ڪا.“ پڇي سائول سيموئيل پيڙي باٽي ڪاڏي.

سيموئيل رو سائول شون باتون ڪرڻ

25 پڇي او جبل شون اُتري شهر م آيا هان سيموئيل گهر ري چت ماتي پيشي سائول شون باتون ڪيئي هان پڇي شوئي رهيو. 26 پڇي او شاڪلي تارهي اُنيا هان ڏن اُگڻ ري تيم سيموئيل سائول ني پڙي چت ماتي هيلو ڪرائي ڪهيو ڪم، ”هال، همي ٿني بئير ڪرون.“ پڇي سائول اُنيو هان او پيئي باهر گيا. 27 جڏي او شهر شون باهر آيا، تو سيموئيل سائول ني ڪهيو ڪم، ”آپري نوڪر ني ڪي ڪه او آيون شون ڪئين آگهي جاري.“ تو او نوڪر اوڻون شون ڪئين آگهي گيو. پڇي سيموئيل سائول ني ڪهيو ڪم، ”ٿو مهني ڪڍي توڙي دير آپ، تو هون ٿني ايشور ري بات شٽائون.“

سيموئيل رو سائول ني چونڊڻ

1 پڇي سيموئيل زيتون ري تيل ري هيڪ ڪڍي لي هان تيل سائول ري ماتي تي ڊوڙيو. پڇي اوني ني مينڪي ڏي ڪهيو ڪم، ”پرميشور ٿني چوندي آپري وراثت يعني اسرائيلي قوم رو اگوڻ ناهيو هي.“ 2 آج جڏي ٿو مهني شون بئير هووي، تو بنيامين قبيلي ري حد م

ضلع شهر ۾ داخل ري مُڪوم ڪڍي ٿي بي منڪ پيڙا هوشي. او ٿي ڪشي ڪم، 'جڪو گڏي تُو جوئڻ گيو هتو، او لاڏي ري. همي ٿارو ابا گڏيون ري شارو نام پڻ ٿاري شارو پريشون هي هان ڪي پڙيو ڪم، "هُون آڀري ڏيڪري ري شارو ڪي ڪرون؟" 3 پڇي جڏي تُو اوٽ شون آگهي جائي، تُو ري ميدون ۾ بلوط ري بڻ ڪڍي پڻي، تو اوٽ ٿي تين منڪ پيڙا هوشي، جڪو بيت ايل شهر ۾ ايشور ري پگتي ڪرڻ جاوتا هوشي. اوئون ۾ هيڪي ڪڍي تين ٻڪري راقل، بجي ڪڍي تين ٻائي هان تيجي ڪڍي انگورون ري رس ري ڏيڙي هوشي. 4 او ٿي نمسڪار ڪرشي. پڇي او ٿي بي ٻائي ڏيشي، تُو او ٻائي اوئون شون لئي. 5 ايئي شون پڇي تُو جع ايلوهيم يعني، ايشور ري جبل تي جائي، جيڪو فلسطين رو پهرو هي. جڏي تُو شهر ۾ جائي، تو اوٽ ٿي نيون رو موتو ٿولو پيڙو هوشي، جڪو بليدون ري جبل شون هينو اُترتو هوشي، او اگڪي ڪرتا هوشي. اوئون آگهي ستار، دغلي، بونملي هان ربط ساز بجاوڻ آلا هوشي. 6 اوئي تيم پرميشور ري آتما زور شون ٿي مائي اُترشي هان تُو پي اوئون پيڙو اگڪي ڪري هان تُو شجو بدليجي جائي. 7 جڏي اي شجي نشوني پوري هووي، تو پڇي جون ٿي شنو لاڳي او ڪري، ڪيونڪ ايشور ٿي پيڙو هي. 8 پڇي تُو مهني شون پيل جلال شهر جائي. جو هون اوٽ ٿي ڪڍي آئين ڪم هون ٻائڻ آلو هان خيريت رو بليدون ڪرون. تُو شات ڏن مهارو انتظار ڪري، پڇي هون آئي شنائين ڪم ٿي ڪي ڪرڻو هي.

9 پڇي جڏي سائول سيموئيل شون بئير هويم، تو ايشور سائول رو من بدلایو، اوئي ڏن او شجي نشوني پي پوري هوئي. 10 جڏي سائول هان اوئي رو نوڪر جع شهر ۾ آيا، تو اوٽ اوئون ني نيون رو هيڪ ٿولو پيڙو هويم. پڇي ايشور ري آتما زور شون سائول مائي اُترشي هان او پي اوئون پيڙو اگڪي ڪرڻ لاگو. 11 اوٽ جڪو منڪ سائول ني اولڪنا، جڏي اوئون سائول ني نيون پيڙو اگڪي ڪرڻي ڏينو، تو آبت ۾ ڪيوڻ لاگا ڪم، "قيس ري ڏيڪري ني ڪي هويم؟ ڪي، سائول پي نيون ۾ هيڪ ني هي؟" 12 تو هيڪي منڪ ڪهيو ڪم، "ايئون شجون رو اگوڻ ڪڻ هي؟" ايئي ري ڪري اي ڪيتو مشهور هويم ڪم، "ڪي، سائول پي نيون ۾ هيڪ ني هي؟" 13 جڏي سائول اگڪي ڪري هئو ڪيئو، تو او بليدون ري جبل تي گيو.

14 پڇي سائول ري ڪاڪي سائول هان اوئي ري نوڪر شون پوچو ڪم، "تي ڪيئا گيا هتا؟" سائول ڪهيو ڪم، "مهني گڏي جوئڻ گيا هتا، پڻ جڏي او ڪونهي لاڏي، تو مهني سيموئيل ڪڍي گيا هتا." 15 پڇي سائول ري ڪاڪي ڪهيو ڪم، "مهني شنائو، سيموئيل ٿوني ڪي ڪهيو؟" 16 سائول آڀري ڪاڪي ني ڪهيو ڪم، "سيموئيل مهوني چتو شتايو ڪم گڏي لاڏي ري." پڻ سائول بادشاهه هونڻ آئي بات آڀري ڪاڪي ني ڪونهي شنائي.

سيموئيل رو سائول ني بادشاهه ناوڻ

17 پڇي سيموئيل منڪون ني مصفا شهر ۾ پرميشور ڪڍي آتيا. 18 سيموئيل اسرائيلي قوم ني ڪهيو ڪم، "پرميشور، اسرائيل رو ايشور ڪي هي ڪم، هون اسرائيليون ني مصر مُلڪ شون ڪاڍي لي آيو هان مهني اوئون ني مصري قوم هان شجي بادشاهون ري هاڻو چوڙايا، جڪو اوئون تي ظلم

ڪرتا. 19 پڻ آج ٿون آڀري ايشور ني چوڙيو روم جڪي ٿوني شجعي مُصَيبتون هان آفتون شون بجايا هئا. پڇي ٿون ڪهيو ڪم، ’مهوني هيڪ بادشاه ڪجي‘. ايني ري ڪري همي آڀري قبيلون هان آڀري خاندان ري حساب شون پرميشور آگهي حاضر هوڻو.“

20 پڇي سيموئيل اسرائيل را شجائي قبيل پرميشور آگهي لي آيو. جڏي ڀڪو گهاتيوم، تو ڀڪو بنيامين قبيلي رو نڪريو. 21 پڇي سيموئيل بنيامين قبيلي ني اوئون ري خاندان ري حساب شون پرميشور ڪڍي لي آيو. جڏي ڀڪو گهاتيوم، تو او مطري خاندان رو نڪريو. پڇي جڏي ڀڪو گهاتيوم، تو ڀڪو قيس ري ڏيڪري سائول رو نڪريو، پڻ جڏي سائول ني جويم، تو او ڪونهي لادو. 22 پڇي اوئون پرميشور شون پوچو ڪم، ”ڪي او آڌمي ايت هي؟“ پرميشور ڪهيو ڪم، ”جوئو، او سيمون ري بچ ڀر لڪي پينو هي.“ 23 ايني تي منڪ اوئا نانا هان جائي سائول ني لي آيا. جڏي سائول اوئون ري بچ ڀر ايو، تو اوئي رو قد اترو لونبو هتو ڪم منڪ اوئي ري ڪوئي توڙي ڀڳتا. 24 پڇي سيموئيل منڪون ني ڪهيو ڪم، ”جوئو، جڪي ني پرميشور چوندبو هي، ايني جهڙو بيجو ڪو پي ڪونهي.“ ايني تي شجائي منڪ نارا هڻڻ لاگا ڪم، ”بادشاه ري جني هوئي.“

25 پڇي سيموئيل منڪون ني بادشاهي را قانون هان اصول سڻايا. پڇي اي شجعي باتون ڪتاب ڀر لڪني هان اي ڪتاب پوٽر تنبو ڀر راڪيو. ايني شون پڇي سيموئيل شجون ني آڀري آڀري گهري ميليا. 26 سائول پي جبع شهر ڀر آڀري گهري گيو. سائول پيڙا ڪئينڪه دلير منڪ پي گيا، جڪون را من ايشور بدلایا هئا. 27 پڻ ڪئينڪه ڀڄڙا منڪ ڪيون لاگا ڪم، ”اي منڪ مهوني ڪيڪر بچاشي؟“ ايني نموني اوئون سائول ني ڪئين ڪونهي سمجهو هان اوئي ني تحفا پي ڪونهي ڏينام، پڻ سائول مات هتو.

سائول رو عمونيون ني هراوڻ

1 پڇي اندازن هيڪي مهيني شون پڇي، عموني قوم ري بادشاه ناحس حملو ڪرڻ ري شارو جلعاد علائقي ري بييس شهر ڪڍي آيا تنبو لگايا. تو بييس شهر ري منڪون ناحس بادشاه ني ڪهيو ڪم، ”جي ٿو مهون شون صلح ڪري، تو مهني ٿارو حڪم منشون.“ 2 ايني تي عموني بادشاه ناحس اوئون ني ڪهيو ڪم، ”هون هيڪي شرط تي ٿون شون صلح ڪرين، پيل هون ٿون شجون ري شاجي اونڪ ڪاڍين، ايني نموني هون اسرائيليون ري بي عزتي ڪرون.“ 3 ايني تي بييس شهر ري آڱوڻون اوئي ني ڪهيو ڪم، ”ٿو مهوني هيڪي هفتي ري موهلت ڏي، تو مهني اسرائيل ري شجعي علائقون ڀر ناپو ڏيوڻ آلا ميلون. جي مهوري مدد ري شارو ڪو پي ني آيو، تو مهني آڀرو آڀني ٿاري حوالي ڪر شون.“

4 پڇي ناپو ڏيوڻ آلا سائول ري شهر جبع ڀر آيا هان منڪون ني او باتون سڻائي، تو شجائي زار زار روئڻ لاگا. 5 سائول اوئي تيم آڀري ڍگون لاري بني شون آتو پڙيو. اوئي منڪون شون پوچو ڪم، ”ايئون ني ڪي هويو هان اي ڪيئون روئي پڙيا؟“ تو اوئون بييس شهر ري منڪون ري باتون اوئي ني سڻائي. 6 جڏي سائول اي باتون سڻئي، تو ايشور ري آتما زور شون اوئي ماتي اتر ري هان اوئي ني تموم گهڻي ريش آئي. 7 پڇي اوئي ڍگون رو جوڙو ليئو هان اوئي را ٽڪڙا ٽڪڙا ڪيئا هان اوئون ناپو ڏيوڻ آتون ري هاتون اسرائيل ري شجعي علائقي ڀر ميليا. پڇي اوئي ڪهيو ڪم، ”جڪو سائول هان

سيموئيل لاري ڪونهي ٿي، تو اُوئي ري ڊگون رو پي آي حال هوشي-“ آي سُئي شجائي اسرائيلي پرميشور شون بيناجا هان او هيڪ هوي نڪريا.

8 جڏي سائول برق شهر ڪڍي اُوئون ني گنيام تو اسرائيلي قوم را تين لڪ هان يهودا قبيلي را تيه هزار منڪ هتا. 9 پچي اُوئون نياپو ڏيوڻ آئون ني

ڪهيو ڪم، ”تي جلعاد علائقي ري بيبس شهر ري منڪون ني ڪهيا ڪم، شوواري بپار شون پيل ٿي آزاد هوي جاشو.“ جڏي ايئون بيبس شهر

آئون ني آي خوشي ري خبر سُٿائي، تو او تموم گهڻا خوش هويا. 10 پچي بيبس شهر ري سجي منڪون عمونيون ني ڪهيو ڪم، ”شوواري مهني آيرو

آپني ٿونري حوالي ڪر شون هان ٿوني جڪو صحيح لاڳي، او مهون شون ڪريا.“

11 پچي بيجي ڏن سائول منڪون را تين ٽولا ناهيا هان اُوئون ڏن اُگڻ شون پيل عمونيون ري تنبُونون تي حملو ڪيو. او اُوئون ني بپار ٿوي قتل ڪرتا

رهيا هان جڪو بچام او اينا اونا ناشي گيا هان ڪيٽ پي بي منڪ پيٽرا نظر ڪونهي آيا.

12 پچي منڪون سيموئيل ني ڪهيو ڪم، ”آي ڪي ڪهيو هتو ڪم، سائول مهورو بادشاه ني هووي؟“ همي او منڪ مهون ڪڍي لي آئو، تو مهني

اُوئون ني قتل ڪرون.“ 13 پڻ سائول ڪهيو ڪم، ”آج ري ڏن ڪيني پي ڪونهي مارون، ڪيونڪ آج پرميشور اسرائيليون ني بچايا هي.“ 14 پچي

سيموئيل منڪون ني ڪهيو ڪم، ”هالو، آبي جلجال شهر ڏيشا هالون ڪه اوٿ بادشاهي رو ٿوئو دور شروع ڪرون.“ 15 ايئي تي شجائي منڪ

جلجال شهر ۾ آيا هان اوٿ اُوئون سائول ني پرميشور آگهي بادشاه ناهيو. پچي اُوئون پرميشور آگهي خيريت را پليدون ڪينا هان سجي اسرائيليون

سائول پيٽري خوشي ملهائي.

سيموئيل ري آخري باتون

1 پچي سيموئيل اسرائيلي قوم ني ڪهيو ڪم، ”جوئو، ٿون جڪو ڪئين مهني ڪهيو، مهني ٿونري هر هيڪ بات ميني هان ٿونري

12

شارو هيڪ بادشاه پي راکيو. 2 همي هون ڏوڪرو هون هان مهارا بال پي آچا هويا را. مهني جواني شون لي هئون ٿوي ٿونري اڳوڻي

ڪي. آج شون سائول ٿونرو بادشاه هي هان مهارا ڏيڪرا پي ٿون پيٽا هي. 3 جي مهني ڪيرو ڊگو جون گڏو ڪوشيو هي، ڪي شون ناحقي ڪي

هي، ڪي شون ظلم ڪيو هي، جون ڪي شون رشوت لي بي انصافي ڪي هي، تو هون ٿون آگهي حاضر هون. تي پرميشور هان اُوئي ري

چُونڊيوڙي بادشاه آگهي مهني سُٿائو، تو هون ٿوني اُوئي رو حساب ڏين.“ 4 ايئي تي اسرائيليون ڪهيو ڪم، ”تي نڪو مهون شون ناحقي ڪي هان

نڪو مهون تي ظلم ڪيو هان نڪو ڪي شون ڪئين ليئو.“ 5 پچي سيموئيل اُوئون ني ڪهيو ڪم، ”پرميشور هان اُوئي رو چُونڊيوڙو بادشاه آج

ايئي بات را گواه هي ڪه مهني ڪڍي ٿونرو ڪئين ڪونهي.“ تو اُوئون ڪهيو ڪم، ”هاوي، آي مهورا گواه هي.“

6 پچي سيموئيل منڪون ني ڪهيو ڪم، ”او پرميشور هي، جڪي موسي هان هارون ني چُونڊيا هان او ٿونرا باپ ڏاڏا مصر مُلڪ شون ڪاڍي لي

آيو. 7 همي دهيون ڏي سُٿو، هون ٿوني پرميشور آگهي، او شجائي پلاني را ڪوم ياد ڏيرائون، جڪو پرميشور ٿونري هان ٿونري باپ ڏاڏون ري شارو

ڪيا هي. 8 جڏي يعقوب آيري خاندان پيٽرو مصر مُلڪ ۾ گيو، تو ٿونري باپ ڏاڏون مصريون ري ظلم ري ڪري پرميشور ني پُڪاريو، تو اُوئي

موسي هان هارون ني ميليا. او تونري باب ذاذون ني مصر شون كاڊي ايني جگها تي لي آيو. ⁹ پڻ او منڪ پرميشور آبري ايشور ني پونتريام ايني ري ڪري پرميشور اوتون ني حضور شهر ري بادشاه ري فوج ري سردار سيسرام فلسطين هان مواب ملڪ ري بادشاه ري حوالي ڪيئا. پچي اوتون اسرائيليون شون جنگ ڪي. ¹⁰ ايني تي اسرائيليون پرميشور ني پڪاري ڪهيو ڪم، ”مهون پاپ ڪيئو هي هان پرميشور ني چوڙي بل ڏيوتائون هان عستارات ڏيوي ري پوجا ڪي هي. همي اي پرميشور، تُو مهوني مهوري دشمنون شون چوڙا، تو مهني تاري پگتي ڪر شون. ¹¹ پچي پرميشور، يربعل، برقم، افتاح هان مهني ني ميليو هان مهون توني چارني پاسي تونري دشمنون شون چوڙايا هان تي اروم شون ريوڻ لاڳا. ¹² پچي جڏي تون ڏينو ڪه عمونيون رو بادشاه ناحس تون تي حملو ڪرڻ آيو هي، تو تون مهني ڪهيو ڪم، ’مهورو پي بادشاه هووي، جڪو مهون تي بادشاهي ڪري.‘ حقيقت ۾ تونرو بادشاه پرميشور تونرو ايشور هتو.“

¹³ پچي سيموئيل ڪهيو ڪم، ”جوئو، همي اي تونرو بادشاه هي، جڪي ني تون چونڊيو هي هان جڪي ري باري ۾ تون ڪهيو هتو. او بادشاه پرميشور توني ڏينو هي. ¹⁴ تونري شارو شنو هي ڪه تي پرميشور رو پي راڪي پرميشور ري پگتي ڪريا، اوني رو حڪم منيا هان ڪڏي پي اوني ري نافرموني ني ڪريا. تي هان تونرو بادشاه جڪو تون مائي بادشاهي ڪري هي، تي پرميشور آبري ايشور لاري بيتا رهيا. ¹⁵ پڻ جي تي پرميشور رو حڪم ڪونهي منو هان اوني ري نافرموني ڪر شوم، تو پرميشور تونري خلاف هوشي، جهڙي نموني او تونري باب ذاذون ري خلاف هتو. ¹⁶ همي تي پرميشور ري ايني موتي ڪوم تي دهيون لڳايا، جڪو او تون آگهي ڪر شي. ¹⁷ ڪي هتون اي مندم ڪنڪ ري لباري ري ڪونهي؟ پڻ هون پرميشور شون پرائنا ڪرين ڪه باڏل گرجي هان مي آوي، تو پچي توني خبر پڙشي ڪه تون آبري شارو پرميشور شون بادشاه مونگي، موتو ڏوه ڪيئو هي.“

¹⁸ پچي سيموئيل پرائنا ڪي هان پرميشور اوني ري پرائنا شئي. پچي اويج ڏن باڏل گرجا هان مي آيو. اي جوئي شجائي منڪ پرميشور هان سيموئيل شون تموم گهڙا پيئاجڻ لاڳا. ¹⁹ پچي شجي منڪون سيموئيل ني ڪهيو ڪم، ”تُو پرميشور آبري ايشور شون مهون بونهون ري شارو پرائنا ڪر ڪه مهني مروني، ڪيونڪ مهون آبري شارو بادشاه مونگي، هيڪ پيچو ڏوه ڪيئو هي.“

²⁰ پچي سيموئيل منڪون ني ڪهيو ڪم، ”پيئاجو ني، تون ڏوه تو ڪيئو هي، پڻ تو پي پرميشور لاري بيتا رهيا هان پوري ڍل شون اوني ري پگتي ڪريا. ²¹ تي ڏيوتائون ري پوجا ني ڪريا، جڪو توني نڪو فاندو ڏي هان نڪو توني بچاوي، ڪيونڪ او رگو ڪوڙا هي. ²² پرميشور جڪو قدرت آيو هي، آبري نون ري ڪري آبري منڪون ني هيڪلا ڪونهي چوڙي، ڪيونڪ اوني آبري مرضي شون توني آبري قوم ناهيا هي. ²³ همي ربي مهاري بات، هون تو تونري شارو پرميشور شون پرائنا ڪرتو رئين ڪه پرميشور رو ڏوهي ني هونون. هون توني صحيح هان شدو مارگ بتاوتو رئين. ²⁴ همي تي پرميشور شون پيئاجتا رهيا هان آبري پوري ڍل هان وفاداري شون اوني ري پگتي ڪريا هان ياد راڪيا، پرميشور تونري شارو موتا موتا ڪوم ڪيئا هي.“

²⁵ پڻ جي تي پچڙائي ڪرتا ريشوم، تو تي هان تونرو بادشاه متي جاشو.“

سائول ري فلسطين شون جنگ

13

¹ جڏي سائول اسرائيليون رو بادشاه هويوم، تو اوني ري عمر تيه شال هتي هان اوني ني بادشاهي ڪرتي بي شال هويا هتا. ² تو سائول آپري شارو اسرائيليون ۾ تين هزار منڪ چونديا. ائون ۾ بي هزار منڪ مڪماس شهر هان بيت ايل شهر ري جابلو علائقي ۾ سائول پيڙا ريتا. هڪ هزار منڪ بنيامين قبلي را جبع شهر ۾ سائول ري ذڪري يونتن پيڙا ريتا. باقي منڪون ني آپري آپري تئوئون ڏيشا مليا.

³ هڪ ڏن فلسطين شيوو ڪه يونتن، جبع شهر ۾ ائون را چوڪي را فوجي ماريا هي، تو سائول شجي ملڪ ۾ نر شينگا بجائي آي بات شجي عبراني قوم ني شئي. ⁴ جڏي شجي اسرائيليون شيوو ڪه سائول فلسطين ري چوڪي را فوج ماريا هي هان آي پي شيوو ڪه فلسطين ني اسرائيليون شون نفرت هوي هي، تو شجائي اسرائيلي جلجال شهر ۾ سائول ڪڍي پيڙا هويا.

⁵ پچي فلسطيني پي اسرائيليون شون جنگ ري شارو پيڙا هويا. ائون ڪڍي تيه هزار گهوڙا گاڏا هان چي هزار گهوڙي شوار فوجي پي هتا. آي منڪ اتر هتا، جتري شموندر ري بيٺو. ائون بيت آون شهر ري اوگوتي پاشي مڪماس شهر ۾ آيرا تئو لگايا. ⁶ جڏي اسرائيليون ڏينو ڪه مهوني خطرو هي هان دشمن مهوري نيڙا هي، تو او پيڙا جا. پچي او گهبرائي چرون، جلون، جهنگ، ڪڏون هان گوهون ۾ جائي لڪيا. ⁷ ڪننڪه عبراني منڪ يردن دريا پار ڪري جد هان جلعاد علائقي ڏيشا گيا، پڻ سائول جلجال شهر ۾ رهيو. جڪو منڪ سائول پيڙا هتا، او پيڙا جي ڏڪڻ لاگا.

سائول ري نافرمني

⁸ پچي سائول سيموئيل ري ڪيوڻ تي شات ڏن جلجال شهر ۾ اوني رو انتظار ڪرتو رهيو، پڻ سيموئيل ڪونهي آيو، ايني تي منڪ سائول ني چوڙي اينا اونا جاوڻ لاگا. ⁹ تو سائول منڪون ني ڪهيو ڪه، ”ٻائڻ آلا هان خيريت را بليدون ڪرڻ آلا جناز مهني ڪڍي لي آتو.“ پچي اوني ٻائڻ آلا بليدون ڪيا. ¹⁰ جڏي اوني بليدون ڪيا، تو سيموئيل پي اوڻ آيو هان سائول اوني رو استقبال ڪرڻ باهر گيو. ¹¹ ايني تي سيموئيل پوچو ڪه، ”تي آي ڪي ڪيو؟“ سائول بلتي ڏيني ڪه، ”جڏي مهني ڏينو ڪه فلسطيني، مڪماس شهر ۾ پيڙا هويا هي هان منڪ مهني شون اينا اونا جاوڻ لاگا هان تو پي بتايوڙي تيم تي ڪونهي آيو، ¹² تو مهني شوچو ڪه فلسطيني جلجال شهر ۾ مهني تي حملو ڪرڻ آلا هي هان مهني پرميشور شون مدد ري شارو پرائتا پي ڪونهي ڪي، ايني ري ڪري مهني مجبور هوي ٻائڻ آتو بليدون ڪيو.“ ¹³ پچي سيموئيل سائول ني ڪهيو ڪه، ”تي بي وقوفي ڪي هي هان پرميشور آپري ايشور رو حڪم ڪونهي منيو. جي تو پرميشور ري حڪم تي بونت، تو اسرائيل ۾ تاري بادشاهي هميشا بيتي رونت.“

¹⁴ تي پرميشور رو حڪم ڪونهي منيو، ايني ري ڪري همي تاري بادشاهي ختم هوي جاشي. همي پرميشور آپري قوم ري اگوڙي ري شارو آپرو من پسند منڪ چونديو هي.“

¹⁵ پچي سيموئيل جلجال شهر شون بنيامين قبلي ري جبع شهر ڏيشا گيو. جڏي سائول او منڪ گيا، جڪو اوني پيڙا هتا، او اندازن چي شون منڪ هتا.

16 جڏي سائول، اُوئي رو ڏيڪرو يُونتن هانَ اُوئي را منڪ بنيامين قبيليَ ري شهر جِبع ۾ هنام تو فلسطينيون مڪماس شهر ۾ آڀرا تنبو لگايا. 17 پڇي فلسطينيون ري تنبوئون شون تين تولا حملو ڪرڻ نڪريا. اُونون ۾ هيڪ تولو عُفرا شهر ري مارگ شون سُعال علائقيَ ڏيشا گيوم. 18 بيجو تولو بيت حورون شهر ڏيشا گيو هانَ تيجو تولو ضبوعيم وادي ري حد ڏيشا گيوم جيت شون رڻ پَت ڏيڪيجي هي.

19 اُونون ڏنون ۾ شجي اسرائيل مُلڪ ۾ ڪو پي لوهار ڪونهي هتوم ڪيونڪه فلسطيني قوم ري مرضي ڪونهي هتي ڪه عبراني منڪ آڀري شارو تلوار جون پالا نٿاوي. 20 ايئي ري ڪري شجائي اسرائيلي آڀرا هل ڪنٿا، ڪهاڙا هانَ ڏاترا نپاوڻ ري شارو فلسطينيون ڪيڊي جاوتا. 21 فلسطيني هل هانَ ڪوڏاڙ نپاوڻ ري شارو آڏي تولي شون وڌيڪ چونڊي ليتا هانَ تنگڙي، ڪنٿا هانَ ڍگون آڻو پوئيو نپاوڻ ري شارو آڏي تولي شون گهت چونڊي ليتا. 22 سائول هانَ يُونتن شون تال جنگ ري شارو اُونون ري ڪي پي منڪ ڪيڊي ڪو پي تلوار جون پالو ڪونهي هتو.

23 پڇي فلسطينيون ري چوڪي را فوجي مڪماس شهر ري وادي ڏيشا گيا.

يُونتن رو فلسطينيون تي حملو

14 1 پڇي هيڪ ڏن سائول ري ڏيڪري يُونتن آڀرا جنگي هٿيار ڪڍڻ آڻي نوجوان ني ڪهيو ڪه، ”هال، آبي فلسطينيون ري چوڪي ڏيشا هالون.“ پڻ يُونتن آي بات آڀري باپ ني ڪونهي سڻائي. 2 سائول اُوئي تيم مجزون علائقي ۾ جِبع شهر ري حد ڪيڊي ڏاڙهون ري بڻ هينا پينو هتو. اوڻ اندازن چي سئو منڪ اُوئي پيڙا هتا. 3 اُونون ۾ آخيا پي هتوم، جڪي ني پوجاري آڻي واسڪوني پيريوڙي هتي. او يڪود ري ڀائي اخيطوب رو ڏيڪرو هتوم اُوئي ري ڏاڏي رو نون فينحاس هانَ پڙ ڏاڏي رو نون عيلي هتوم عيلي سيلا شهر ۾ پرميشور رو پوجاري هتو. ڪيني پي خبر ڪونهي هتي ڪه يُونتن اوڻ شون گيو رو.

4 يُونتن وادي شون هوئي فلسطينيون ري چوڪي ڏيشا جاوڻ رو شوچو. اُوئي وادي ري هيڪي پاشي بويص جبل هانَ بيجي پاشي سنا جبل هتوم، ايئون جبلون ماڻي چوهڻ ڏڪيو هتو. 5 هيڪ جبل اتر ڏيشا مڪماس شهر شومهو هتو هانَ بيجو ڏڪڻ ڏيشا جِبع شهر شومهو هتو.

6 پڇي يُونتن آڀرا جنگي هٿيار ڪڍڻ آڻي نوجوان ني ڪهيو ڪه، ”هال، آبي بنا ڪنٿي آڻي منڪون ري چوڪي ڏيشا هالون. هوئي شگهي، پرميشور آڀي مدد ڪري، ڪيونڪه جڏي پرميشور مدد ڪري هي، تو او گهت جون وڌ منڪ ڪونهي جوتو.“ 7 اُوئي نوجوان ڪهيو ڪه، ”جڪو ٿئي صحيح لاڳي او ڪرم، هون اوج ڪرين جڪو تو ڪئي.“ 8 پڇي يُونتن ڪهيو ڪه، ”جو، آبي اُونون ڏيشا هالون هون ڪه او آڀون ني ڏيڪي.“ 9 جي اُونون ڪهيو ڪه، ”اوڻ اڀا روم مهني آڀ ائون هون.“ تو آبي اوڻج اڀا ريشون هانَ اُونون ڪيڊي ڪونهي هالون. 10 پڻ جي او ڪشي ڪه، ’مهون ڪيڊي آڻو.‘ تو آبي اُونون ڏيشا هالئون، ڪيونڪه آي آڀي شارو نشون هوشي ڪه پرميشور اُونون ني آڀي حوالي ڪيا هي.“

11 پڇي او بيئي فلسطينيون ري چوڪي ڏيشا گيا، تو فوجيون اُوئي ني جوئي ڪهيو ڪه، ”جوئو، جڪي بل ۾ عبراني لڪيوڙا هتا، همي اوڻ شون نڪريا هي.“ 12 پڇي فوجيون يُونتن هانَ اُوئي نوجوان ني ڪهيو ڪه، ”جي ٿون ۾ همت هي، تو مهون ڪيڊي آڻو.“ ايئي تي يُونتن آڀري نوجوان

نِي كَهِيو كَم، ”مهاري لاري آم، كيونكه پرميشور اوتون ني اسرائيليون ري حوالي كينا هي.“¹³ ايئي تي يونتن آپري هاتون پگون شون جبل تي چڙهتو چڙهتو فلسطيون كيدي پگو هان او نوجوان پي اوتني لاري گيو. يونتن فلسطيون تي حملو كري اوتون ني هينا نوكتو گيو هان او نوجوان اوتون ني مارتو گيو.¹⁴ ايئي پيلڪي حملي ۾ يونتن هان اوتني نوجوان بيش منك ماري هان اوتون را لاش اندازن آدي ايڪڙ ۾ بڪريا پڙيا رهيا.¹⁵ پچي فلسطي فوجي تموم گهڻا گهرايا، بيشڪ او جڪو تنبوتون ۾ هتا، چوڪي تي هتا، جون حملو ڪرڻ آلا هتا. پچي زلزلو آيو هان شجائي پي ۾ ڏڪڻ لاگا.

فلسطيون ري هار

¹⁶ جڏي بنيامين قبيلي ري جبع شهر ۾ ساڻول ري چوڪيدارون ڏينو كه فلسطي پي ۾ اينا اوتنا ناسي پڙيا،¹⁷ تو ساڻول آپري منڪون ني كهيو كَم، ”گڻي جوڻو، آپون ۾ ڪيو ايت ڪونهي؟“ جڏي اوتون منڪ گڻيا، تو خبر پڙي كه يونتن هان او نوجوان هائي ڪونهي.

¹⁸ پچي ساڻول آخيا پوجاري ني كهيو كَم، ”تو واسڪوتي مهني ڪيدي لي آ.“ اوتني تيم او واسڪوتي اسرائيليون ڪيدي هتي.¹⁹ جڏي ساڻول پوجاري شون ٻولتو پڙيو، تو فلسطيون ري تنبوتون ۾ اگي شون وڌيڪ هل هوتو پڙيو. پچي ساڻول كهيو كَم، ”بس، همي چوڙو.“²⁰ پچي ساڻول آپري فوجيون ني جنگ ري ساڙو هيڪي جگها تي پڙا ڪيا. اوتون ڏينو كه فلسطي هيڪي بيجي ني قتل ڪري پڙيا هان تموم گهڻو هل هي.²¹ پچي آسي پاشي را عبراني جڪو پيل فلسطيون پڙا ريتا، او اوتون ني چوڙي اسرائيليون پڙا شامل هويا، جڪو ساڻول هان يونتن پڙا هتا.²² ايئي نموني جڪو اسرائيلي، افرائيم ري جابلو علائقي ۾ لڪيوڙا هتا، جڏي اوتون شڻيو كه فلسطي ناسي پڙيا، تو او پي جنگ ۾ شامل هويا هان فلسطيون رو لارو ڪيو.²³ اوتني ڏن پرميشور اسرائيليون ني جيتايا هان جنگ بيت آن شهر شون آگهي بڏي.

ساڻول رو منڪون ني شونش

²⁴ اوتني ڏن اسرائيلي تموم گهڻا پريشون هتا، ڪيونكه ساڻول شونش ڏي كهيو هتو كَم، ”آج شام، جتري توڻي هون آپري دشمنون شون بدلو ني ليئون، اترتي توڻي جي ڪي ڪئين ڪاڌو، تو او لعنتي هوشي.“ ايئي ري ڪري اوتون ۾ ڪي پي ڪئين ڪونهي ڪاڌو.

²⁵ پچي شجائي منڪ جهنگ ۾ پگا هان ڏينو كه اوڻ تموم گهڻي ماڪي هي.²⁶ جڏي او جهنگ ۾ گيا، تو ڏينو كه ماڪي ٽمي پڙي، پڻ ڪي پي هات ڪونهي لگايو، ڪيونكه اوتون ني ساڻول ري ڏينوڙي شونش رو پي هتو.²⁷ پڻ يونتن ني خبر ڪونهي هتي كه اوتني ري ٻاپ منڪون ني

شونش ڏيراو هي. ايئي ري ڪري اوتني آپري گيڏي شون ماڪي چوڻي ڪاڏي، تو اوتني ني تموم گهڻي طاقت ملي.²⁸ پچي منڪون ۾ هيڪي كهيو كَم، ”تاري آبا شجون ني شونش ڏيراو هي، ڪم آڃ جڪو پي ڪئين ڪاشي، تو او لعنتي هوشي.“ ايئي ري ڪري بؤڪ شون مهورو حال خراب

هي.“²⁹ ايئي تي يونتن كهيو كَم، ”مهاري آبا ٿون شجون ني مصيبت ۾ گهاتيا هي. جوڻو، ٿوڙي ماڪي شون مهني ۾ ڪتري طاقت آئي هي.

³⁰ ڪترو پلو هتو كه آڃ ري ڏن ٿي شجائي دشمن ري ڪوشيوڙي مال ۾ پيت پري ڪاڻوت هان پچي فلسطيون ني ايئي شون وڌيڪ قتل ڪرون تو.“

31 اُوئي ڏن اسرائيلي مڪماس شهر شون ابالون شهر توڻي فلسطينون ني قتل ڪرتا ڳيا، اِئي ري ڪري او تموم گهڻا ٽڪوڙا هئا. 32 پڇي او ڪوشيوڙي مال ڏيشا نانا هان رڍون، ڍگا هان توگهڙا اوڻج باڊيا هان لوئي شوڏا کاڌا.

33 جڏي ساڻول ني ڪي شٽايو ڪم، ”منڪ پرميشور رو ڏوه ڪري پڙيا، ڪيونڪه او لوئي پيڙو موش پي کاڙي پڙيا.“ تو اُوئي ڪهيو ڪم، ”اُونون ڏوه ڪيو هي، اِئي ري ڪري هيڪ موتو پتر ڪرائي مهِي ڪڍي لي آڻو.“ 34 پڇي ساڻول ڪهيو ڪم، ”تي جائِي شجون ني ڪو ڪه هر هيڪ منڪ آڀرو هيڪ ڍگو جون رڍ ايت لي آوي هان مهاري آگهي باڊي کاڙي. پڻ ٿي لوئي پيڙو موش کائي پرميشور را ڏوهي ني هوڻو.“ پڇي اُونج رات هر هيڪ منڪ آڀرو ڍگو اوڻ لي آيو هان اُوئي ني اُوئي پتر ماڻي باڊيو. 35 ساڻول اوڻ پرميشور ري شارو هيڪ ٻليدون ري جگها نائي هان آي پيلڪي ٻليدون ري جگها هتي، جڪو اُوئي پرميشور ري شارو نائي هتي.

36 پڇي ساڻول ڪهيو ڪم، ”آڻو، آبي آج رات فلسطينون تي حملو ڪرون هان ڏن اڳڻ شون پيل شجون ني ماري اُونون رو ڏڻ مال ڪوشي ليئون.“ تو اُونون ڪهيو ڪم، ”جڪو ٿي صحيح لاڳي، او ڪر.“ پڻ آخيا پوجاري ڪهيو ڪم، ”آڻو، پيل آبي ايشور شون پوجون.“ 37 پڇي ساڻول، ايشور شون پوجو ڪم، ”ڪي هون فلسطينون تي حملو ڪرون، ڪي تو اُونون ني اسرائيل ري حوالي ڪري؟“ پڻ ايشور اُوئي ڏن ساڻول ني ڪو پي بلتي ڪونهي ڏيني. 38 اِئي تي ساڻول سردارون ني ڪهيو ڪم، ”تي ايت آڻو هان پوجو ڪه آج ڪهڙو ڏوه هوڻو هي؟“ 39 مهني اسرائيل ني بچاڻ آڻي جيتي پرميشور رو شونش، جي مهاري ڏيڪري يونتن پي ڏوه ڪيو هوشي، تو او پي ماريو جاشي.“ پڻ شجائي چُپ هئا. 40 پڇي ساڻول شجي اسرائيلون ني ڪهيو ڪم، ”تي شجائي هيڪي پاشي اُيو، هون هان مهارو ڏيڪرو يونتن بيجي پاشي.“ پڇي منڪون ساڻول ني ڪهيو ڪم، ”جون ٿي صحيح لاڳي، اوج ڪر.“ 41 پڇي ساڻول ڪهيو ڪم، ”اي پرميشور اسرائيل را ايشور، ٿي آڀري ٻونهي ري پرائنا ري بلتي ڪيون ڪونهي ڏيني؟ مهني شٽا ڪه مهون ڀر ڪڻ پاپي هي؟“ پڇي پڪو گهاتيو هان او پڪو ساڻول هان يونتن ري نون رو نڪريو، پڻ باقي منڪون رو ڪو پي ڏوه ڪونهي هئا. 42 پڇي ساڻول ڪهيو ڪم، ”همي مهارو هان مهاري ڏيڪري رو پڪو گهاتو.“ تو او پڪو يونتن ري نون رو نڪريو. 43 پڇي ساڻول يونتن ني ڪهيو ڪم، ”مهني شٽا، ٿي ڪهڙو پاپ ڪيو هي؟“ تو يونتن اُوئي ني شٽايو ڪم، ”مهني آڀري گيڏي شون ٿوڙي ماڪي کاڌي هتي، اِئي ري ڪري همي هون مرڻ ري شارو تيار هون.“ 44 ساڻول يونتن ني ڪهيو ڪم، ”جي مهني ٿي موت ري سزا ني ڏيني، تو ايشور مهني اِئي شون پي وڌيڪ سزا ڏي.“ 45 پڇي منڪون ساڻول ني ڪهيو ڪم، ”يونتن، ڪيون ماريو جاڙي؟ اِئون ڪونهي هوڙي، ڪيونڪه اِئي اسرائيلون ني موتي مُصبيت شون بچايا هي. جيتي پرميشور رو شونش، يونتن رو هيڪي بال جترو پي نقصون ڪونهي هوڙي، ڪيونڪه اِئي جيت ڀر ايشور اِئي پيڙو هئا.“ اِئي نموني منڪون يونتن ني مرڻ شون بچايو. 46 اُوئي شون پڇي ساڻول فلسطينون تي حملو ڪونهي ڪيو هان فلسطي آڀري علائقي ڏيشا بونا ڳيا.

سائول ري بادشاهي هانَ خاندان

47 جڏي سائول اسرائيليون تي بادشاهي ڪرڻ شروع ڪي، تو او آبري چوڌاري دشمنون شون جنگ ڪرتو رهيو. اُوئي موابيون، عمونيون، اڏوميون هانَ ضوباھيون ري بادشاهون هانَ فلسطي قوم شون پي جنگ ڪي. او جيت پي گيوم اوٽ او ڪامياب هوتو. 48 سائول اسرائيليون ني ڦرڻ آلي عماليقيون ني تموم گهڻي دليري شون هرايا هانَ اِيئي نموني اُوئي اسرائيليون ني اُوئون ري هاتون چوڙايا.

49 سائول را ڏيڪرا آي هتام يونتن، اسوي هانَ ملڪيشوع. اِيئون شون ٿال اُوئي ري بي ڏيڪري پي هتي، موتي ڏيڪري رو نون ميرب هانَ نڪي رو نون ميڪل هوتو. 50 سائول ري لڳائي رو نون اخينوعم هوتو، جڪو اخيمعض ري ڏيڪري هتي. سائول ري فوج ري سردار رو نون ابنير هوتو، جڪو سائول ري ڪاڪي نير رو ڏيڪرو هوتو. 51 سائول ري باپ رو نون قيس هوتو، ابنير ري باپ رو نون نير هوتو، آي پيني ابي ايل را ڏيڪرا هتا.

52 سائول شجي زندگي فلسطيون شون جنگ ڪرتو رهيو. سائول جڏي پي ڪي دلير، جون پهلوون منڪ ني ڏيڪنوم، تو اُوئي ني آبري فوج ۾ راکتو.

سائول ري عماليقيون شون جنگ

1 پچي سيموئيل سائول ني ڪهيو ڪه، ”هُون اوج هون، جڪي ني پرميشور ٿني چونڊڻ ري شارو ميليو هوتو ڪه او ٿني آبري اسرائيلي قوم رو بادشاه ناوي. اِيئي ري ڪري همي ٿو پرميشور ري باتون سُڻ. 2 قدرت آو پرميشور ڪي هي ڪه، جڏي اسرائيلي مصر مُلڪ شون نڪريا هتام، تو عماليقي قوم مارگ ۾ اُوئون ني تموم گهڻا تنگ ڪينا هتام همي هون اُوئون رو بدلو لئين. 3 اِيئي ري ڪري همي ٿو جام عماليقيون تي حملو ڪري اُوئون ني ماري چوڙ، جڪو ڪئين اُوئون ڪيڏي هي، او برباد ڪر. اُوئون را آڏمي، لڳائي، ٻال، ڏوڏ پيتا ٻال، ڊگي، ڊگام ريون، بڪري، اُونٽ هانَ گڏا ماري چوڙ.“

15

4 پچي سائول طلائم شهر ۾ منڪ پيڙا ڪيا. جڏي اُوئون ني گڻيا، تو او بي لڪ فوجي هتا هانَ اِيئون شون ٿال ڏش هزار منڪ يهودا قبيلي را پي هتا. 5 پچي سائول عماليقيون ري شهر ڪيڏي آيو هانَ وادي ۾ لڪي پينو. 6 پچي سائول قينيون ني نياپو ڏي ميليو ڪه، ”جڏي اسرائيلي مصر مُلڪ شون نڪريا هتام، تو ٿون اُوئون تي مهربوني ڪي هتي. اِيئي ري ڪري همي ٿي عماليقيون ري بچ شون نڪري جائو، ڪيٽ اِيئون ني هووي ڪه اُوئون پيڙا ٿي پي ماريچوم“ اِيئي تي قبيني عماليقيون شون نڪري گيا.

7 پچي سائول حويلا شهر شون شور علائقي توڻي جڪو مصر مُلڪ ري اُوگوتي پاشي هي، عماليقيون ني ماري چوڙيا. 8 اُوئي شجي منڪون ني تلوار شون ماريام پڻ عماليقيون ري بادشاه اجاج ني جيتو جهاليو. 9 سائول هانَ اُوئي ري منڪون اجاج بادشاه، سُني ريون بڪري، ڊگي ڊگام، موتا گهڻا هانَ بڪر ڪونهي ماريام، پڻ اجائي هانَ بيڪار شيون برباد ڪيئي.

ايشور رو سائول ني چوڙڻ

10 پڇي پرميشور، سيموئيل ني ڪهيو ڪم، 11 ”مهني ڏک هي ڪم مهني سائول ني بادشاهه هوڻ ري شارو چونديو، پڻ اوني مهاري نافرمني ڪي هان مهارو حڪم ڪونهي منيو.“ ايني تي سيموئيل ني تموم گهڻي ريش آئي هان او شجي رات پرميشور ني پڪارتو رهيو. 12 پڇي سيموئيل سائول شون ملڻ ري شارو شاڪلي تارهي اٿيو. اوني ني خبر پڙي ڪه سائول ڪرمل شهر ۾ آيو هتو هان اوني آڀري يادگيري ري شارو پتر ايو ڪيو هي هان پاچو جلجال شهر ڏيشا گيو هي. 13 جڏي سيموئيل سائول ڪڍي گيو، تو سائول اوني ني ڪهيو ڪم، ”پرميشور ٿني برڪت ڏي. جو مهني پرميشور رو حڪم منيو هي.“ 14 ايني تي سيموئيل پڙيو ڪم، ”تو پڇي ريون بڪريون هان ڍگي ڍگيون رو آواز ڪيڻ شون آوي پڙيو؟“ 15 پڇي سائول ڪهيو ڪم، ”مهني آي جنار عماليقي قوم شون ڪوشي لي آيا هون. مهون شني ريون بڪري هان ڍگي ڍگا جيتا چوڙيا ڪه اونون ني پرميشور تاري ايشور ري شارو بليدون ڪرون هان باقي شجو ڪئين برباد ڪيو هي.“

16 پڇي سيموئيل سائول ني ڪهيو ڪم، ”ماڻ ڪم مهاري او بات شڻ، جڪو پرميشور ڪالهي راتي مهني شڻائي هي.“ سائول ڪهيو ڪم، ”شڻام پرميشور ڪي ڪهيو.“ 17 سيموئيل ڪهيو ڪم، ”جو تاري ڪو پي حيثيت ڪونهي هتي، پڻ تو پي پرميشور ٿني اسرائيلي قوم رو آگوڻ ناهيو هان ٿني چوندي اسرائيل رو بادشاهه ناهيو. 18 پڇي پرميشور ٿني خاص ڪوم ري شارو ميليو هان ڪهيو ڪم، ”جا، پاپي عماليقيون ني ماري چوڙ هان جتري توڻي او مٽي ني، جنگ ڪرتو ري.“ 19 تو پي ٿي پرميشور رو حڪم ڪونهي منيو هان ڪوشيوڙو مال آپ ڪڍي راکيو، جڪو پرميشور ري نظر ۾ پاپ هي.“ 20 ايني تي سائول سيموئيل ني ڪهيو ڪم، ”مهني پرميشور رو حڪم منيو هان پرميشور جڪي ڪوم ري شارو مهني ميليو هتو، او مهني ڪيو هي. مهني عماليقيون ني برباد ڪيڻا هان اونون ري بادشاهه اجاج ني جيتو جهالي لي آيو هون. 21 مهاري منڪون ڪوشيوڙي مال ۾ ريون بڪري، ڍگي ڍگا هان شني شيون برباد ڪونهي ڪيئي، پڻ او جلجال شهر ۾ لي آيا ڪه پرميشور تاري ايشور ري شارو بليدون ڪري.“

22 پڻ سيموئيل ڪهيو ڪم، ”پرميشور ٻاڙڻ آلي بليدون هان بيچي بليدون شون اترو خوش ڪونهي، جترو ايني بات ۾، ڪه آبي اوني رو حڪم منون. حقيقت ۾ حڪم منڻ، بليدون ڪرڻ هان گهيتون ري شار چڙهاون شون گهڻو وڌيڪ هي. 23 بگاوت هان جاڏوگري رو پاپ هيڪ جهڙو هي هان مگروري ڪرڻ ٻنن ري پوجا ري برابر هي. ٿي پرميشور رو حڪم ڪونهي منيو، ايني ري ڪري پرميشور ٿني چوڙيو هي ڪه ٿو بادشاهه ني ري.“ 24 پڇي سائول سيموئيل ني ڪهيو ڪم، ”مهني شون پاپ هوپو هي، ڪيونڪه مهني پرميشور رو حڪم هان تاري بات ڪونهي مني. مهني ايني ري ڪري منڪون ري بات مني، ڪيونڪه اونون شون بيئاجتو. 25 همي هون ٿني منت ڪرون هون ڪه مهارو پاپ مهني معاف ڪر هان مهني پيڙو پاچو هال ڪه هون پرميشور ري پگتي ڪرون.“ 26 ايني تي سيموئيل سائول ني ڪهيو ڪم، ”هون ٿي پيڙو پاچو ڪونهي هالون، ڪيونڪه ٿي پرميشور رو حڪم ڪونهي منيو. همي پرميشور ٿني چوڙيو رو ڪه ٿو اسرائيل رو بادشاهه ني ري.“ 27 جڏي سيموئيل اوت شون جاوڻ لاگوم، تو سائول اوني رو جبو جهاليوم، تو او قاتي گيو. 28 ايني تي سيموئيل اوني ني ڪهيو ڪم، ”آج ائيج نموني پرميشور ٿي شون اسرائيل ري بادشاهي ڪوشي ڪي

بيجي ني ڏيئي هي، جڪو ٿي شون وڌيڪ نڪ هي. 29 ايشور جڪو اسرائيل رو ٻڌائو هي، او نڪو ڪڏي ڪوڙ ٻولتو هان نڪو ڪڏي آيو اڀرو اڀرو بدلاوتو، ڪيونڪه او انسون ڪونهي، جڪو آيو اڀرو بدلاوي. 30 پڇي سائول ڪهيو ڪه، ”بيشڪ، مهني پاپ ڪيو هي، پڻ تو پي اسرائيليون هان اوتون ري اگوتون آگهي مهاري عزت راڪ. ٿو مهني پڙو پاچو هال ڪه هون پرميشور ٿاري ايشور ري پگتي ڪرون.“ 31 ايئي تي سيموئيل سائول پڙو پاچو گيو هان سائول پرميشور ري پگتي ڪي.

32 پڇي سيموئيل ڪهيو ڪه، ”عماليقون رو بادشاه اجاج مهني ڪيڏي لي آتو.“ تو اجاج آي شوچي خوشي شون اوني ڪيڏي آيو ڪه، ”همي هون ضرور بچي جائين.“ 33 سيموئيل اوني ني ڪهيو ڪه، ”جهڙي نموني ٿي آري تلوار شون تموم گهڙي لگائي بي اولاد ڪيئي هي، شاگي نموني ٿاري ما پي بي اولاد هوشي.“ ايئي تي سيموئيل اوني ني جلجال شهر ۾ پرميشور آگهي ٿڪڙا ٿڪڙا ڪري چوڙيو.

34 پڇي سيموئيل اما شهر ڏيشا گيو هان سائول آري گهري جبع شهر ڏيشا گيو. 35 سيموئيل مرڻ توڻي سائول ني پڙي ڪڏي پي ڪونهي ڏينم، ڪيونڪه او سائول تي ڏڪ ڪرتو رهيو. پرميشور پي سائول ني اسرائيل رو بادشاه نائي ڏڪ ڪرڻ لاگو.

سيموئيل رو دائود ني چونڊڻ

1 پڇي پرميشور سيموئيل ني ڪهيو ڪه، ”تو ڪتر ٿوڻي سائول ري شارو ڏڪ ڪرتو رئي؟ ڪيونڪه مهني اوني شون اسرائيل ري بادشاهي ڪوشي ري. همي ٿو هيڪي شينگ ۾ زيتون رو تيل لي هان هون ٿني بيت لحم شهر ۾ يسي نون ري منڪ ڪيڏي ميلون هون. مهني اوني ري ڏيڪرون ۾ هيڪي ني بادشاه چونڊيو هي.“ 2 سيموئيل ڪهيو ڪه، ”هون ڪيڪر جائون؟ جي سائول ني خبر پڙي، تو او مهني ماري چوڙشي.“ پرميشور ڪهيو ڪه، ”تو آپ پڙي هيڪ توگهڙي لي جائي هان ڪي ڪه، هون پرميشور ري شارو ٻليدون ڪرڻ آيو هون.“ 3 جڏي ٿو اوڻ پڙي، تو يسي ني ٻليدون ري دعوت ڏئي. پڇي هون ٿني شٽائين ڪه ٿني ڪي ڪرڻو هي، جڪي رو هون ٿني ڪونه، ٿو اوني ري ماڻي تي زيتون رو تيل ڊوڙي مهاري شارو چونڊي.“

16

4 پڇي سيموئيل اينوج ڪيئو، جون پرميشور اوني ني ڪهيو هتو. جڏي او بيت لحم شهر ۾ پڳوم، تو شهر را اگوتون اوني ني ڏيڪي بيئاجي اوني شون ملڻ آيا. اوتون سيموئيل شون پوچو ڪه، ”خير تو هي؟“ 5 سيموئيل بلتي ڏيئي ڪه، ”هاوي، خيريت شون آيو هون، هون پرميشور ري شارو ٻليدون ڪرڻ آيو هون. همي ٿي آپني پويتر ڪرو هان مهني پڙا ٻليدون ڪرڻ هالو.“ پڇي سيموئيل يسي هان اوني ري ڏيڪرون ني پويتر ڪيئا هان اوتون ني ٻليدون ري دعوت ڏيئي.

6 جڏي او آيا، تو سيموئيل الياب ني جوڻي شوچو ڪه، ”پڪي بات هي، جڪي ني پرميشور چونڊيو هي، او ائيج هي.“ 7 پڻ پرميشور سيموئيل ني ڪهيو ڪه، ”تو ايئي رو مونڌو هان قد ني جوم ڪيونڪه مهني ايئي ني ڪونهي چونڊيو. هون پرميشور، انسون آلي ڪار نظر ڪونهي ڪرتو، ڪيونڪه انسون ظاهري صورت جوڻي هي، پڻ هون انسون ري دل تي نظر ڪرون هون.“ 8 پڇي يسي آري بيبي ڏيڪري اينداب ني سيموئيل

آگهي اٿايو، پڻ سيموئيل ڪهيو ڪم، ”پرميشور ايني ني پي ڪونهي چونديو.“⁹ ايني شون پڇي يسي تيجي ڏيڪري سما ني، سيموئيل آگهي اٿايو، پڻ سيموئيل ڪهيو ڪم، ”نام پرميشور ايني ني ڪونهي چونديو.“¹⁰ ايني نموني يسي آيرا شاتي ڏيڪرا سيموئيل ڪڍي لي آيو، پڻ سيموئيل ڪهيو ڪم، ”ايئون ۾ پرميشور ڪيني پي ڪونهي چونديو.“¹¹ پڇي سيموئيل يسي شون پوڄو ڪم، ”ڪي تارا شجائي ڏيڪرا آي هي؟“ تو اوني بلتي ڏيني ڪم، ”مهارو شجون شون نينو ڏيڪرو، ايت ڪونهي، او رڍون ٻڪري چارڻ گيو هي.“ سيموئيل يسي ني ڪهيو ڪم، ”اوني ني پي اٿام، ڪيونڪه جتري توڻي او ايت ڪونهي آوي، اٿري توڻي آبي ٻائي ڪونهي ڪائون.“¹² پڇي يسي داؤد ني اٿايو. او راتي رنگ رو، فوٽري اونڪيون آلو هان رُوب آلو هتو. پرميشور سيموئيل ني ڪهيو ڪم، ”اٿي، ايني ري مائي تي زيتون رو تيل ڍوڙي چوندم، ڪيونڪه آي اوج هي.“¹³ پڇي سيموئيل سينگ ۾ زيتون رو تيل ليو هان داؤد ني اوني ري پايون آگهي چونديو (مسح) ڪيو. پڇي اوني ڏن پرميشور ري آتما زور شون داؤد مائي اٿري هان اوني پيڙي رئي هان سيموئيل راما شهر ڏيشا گيو.

داؤد رو ساڻول ري شيوا ڪرڻ

¹⁴ پڇي پرميشور ري آتما ساڻول ني ڦٽو ڪيو هان پرميشور ري طرفون ميلوڙي بچڙي آتما اوني ني تنگ ڪرڻ لاڳي. ¹⁵ ايني تي ساڻول ري نوڪرون اوني ني ڪهيو ڪم، ”جو پرميشور ري ميلوڙي بچڙي آتما ٿني تنگ ڪري هي.“¹⁶ ايني ري ڪري اي مالڪ، مهوني حڪم ڏي ڪم مهني ٿاري ساڻو هيڪ اهڙو منڪ لي ائون، جڪو بربط ساز بجاوو هو. جڏي بچڙي آتما ٿني تنگ ڪري، تو او بربط بجاوو هان ٿني آروم آوي.“¹⁷ پڇي ساڻول آڀري نوڪرون ني ڪهيو ڪم، ”نيڪ هي، ٿي اهڙو منڪ لي آتم، جڪو بربط بجاوو رو ڪاريگر هو.“¹⁸ ايني تي هيڪي نوڪر ڪهيو ڪم، ”مهني هيڪ منڪ ڏينو هي، جڪو بيت لحم شهر آي يسي رو ڏيڪرو هي. او بربط ساز بجاوو رو ڪاريگر هي، او طاقت آلو هان جنگي منڪ هي، او ٻولڻ ۾ هوشيار هان ڏيڪيڇڻ ۾ ڦوٽرو هي هان پرميشور اوني پيڙو هي.“¹⁹ پڇي ساڻول يسي ني نياپو ڏي ميلو ڪم، ”تارو ڏيڪرو داؤد مهني ڪڍي ميل، جڪو رڍون ٻڪري چاري هي.“²⁰ پڇي يسي گڏي مائي ٻائي، انگورون ري رس ري ڏيڙي هان هيڪ ٻڪر داؤد ني ڏي ساڻول ڏيشا ميلو. ²¹ پڇي داؤد ساڻول ڪڍي آيو. او ساڻول ني تموم گهڻو پسند آيو. پڇي اوني داؤد ني آيرا جنگي هٿيار ڪڍڻ ري ساڻو راکيو. ²² ايني تي ساڻول يسي ني نياپو ڏي ميلو ڪم، ”مهني داؤد تموم گهڻو پسند هي، ايني ري ڪري آي مهاري شيوا ري ساڻو مهني ڪڍي پينو ري.“²³ جڏي پي پرميشور ري طرفون ميلوڙي بچڙي آتما ساڻول ني تنگ ڪري، تو داؤد بربط ساز بجاوو، جڪي شون ساڻول ني آروم ملنو. ايني نموني او آتما اوني شون نڪري جاوتي هان او شاجو هوڻي جاوتو.

جوليت رو اسرائيليون ني للكارڻ

17

¹ پڇي فلسٽي قوم جنگ ري شارو آڀرا فوجي يهودا علائقي ري شوڪا شهر ڪڍي پيڙا ڪيئا. اوئون شوڪا شهر هان عريفا شهر ري بچ آئي علائقي افسدميم ۾ آڀرا تنبو لگايا. ² تو سائول هان اسرائيلي پيڙا هوئي اڀلا وادي ۾ آڀرا تنبو لگايا هان جنگ ري شارو فلسٽيون شومها قطارون ۾ آڀا. ³ جبل ري هيڪي پاشي اسرائيلي هان بيڄي پاشي فلسٽي آڀوڙا هئا. ايئون پيئون جبلون ري بچ ۾ هيڪ وادي هتي. ⁴ پڇي فلسٽيون ري فوج ۾ هيڪ جوليت نون رو جنگي پهلوون نڪريو، جڪو جات شهر رو هتو. اوئي رو قد نئو ڦٽ شون پي وڌيڪ هتو. ⁵ اوئي ري ماڻي تي پيٽل رو توپ هان شينو بند پي پيٽل رو هتو، آي شجي شيون اندازن ست ونجاه ڪلو هتي. ⁶ اوئي ري تونگيون تي پيٽل را بي ڪوپا هئا هان اوئي ري پيئون ڪوپون ري بچ ۾ پيٽل رو پالو تنگتو پڙيو. ⁷ جوليت ري هاٿ آئي پالي آلو نيت چرڪي ري ڪونتي جترو مضبوط هان موتو هتو. نيت ري چُونب لوه ري هتي، جڪو شات ڪلو ري هتي. هيڪ منڪ جوليت آگهي اوئي ري ڍال ڪڍي بيتو.

⁸ پڇي جوليت اسرائيلي فوج ني هڪل ڪري ڪهيو ڪم، ”ڪي ٿي شجائي جنگ ري شارو آيا هو؟ هون فلسٽي هون، پڻ ٿي شجائي سائول را غلوم هو. ٿي ڪيني چُونبدي مهني ڪڍي هينا ميلوم، جڪو آئي مهني شون مُقابلو ڪري. ⁹ جي او مهني شون مُقابلو ڪري مهني ماري، تو مهني شجائي تونرا غلوم هوشون، پڻ جي مهني اوئي ني هرائي ماريو، تو پڇي ٿي مهورا غلوم هوئي مهوري شيوا ڪرشو.“ ¹⁰ اوئي فلسٽي آي پي ڪهيو ڪم، ”آج مهني تونري اتر ري بي عزتي ڪي هي، همي ٿي ڪيني پي مهني ڪڍي ميلوم، جڪو آئي مهني شون مُقابلو ڪري.“ ¹¹ ايئي تي سائول هان شجائي اسرائيلي اوئي فلسٽي ري باتون سُڻي پريشون هويا هان تموم گهڻا بيٺاجا.

دائود رو جوليت ري باري ۾ سُڻڻ

¹² دائود يهودا ري بيت لحم شهر آئي يسي رو ڏيڪرو هتو، جڪو افراتي خاندان شون هتو. يسي را آت ڏيڪرا هئا هان او سائول ري زموني ۾ تموم گهڻو ٻوڏو هتو. ¹³ يسي را تين موتا ڏيڪرا سائول پيڙا جنگ ڪرڻ گيا هئا. اوئون را نون آي هتا، موتو اليباب، بيجو ايندباب هان تيجو سما. ¹⁴ آي تينني موتا ڏيڪرا جنگ ري شارو سائول پيڙا گيا هتا. دائود آڀري پايون ۾ شجون شون نينو هتو.

¹⁵ اوئون ڏنون ۾ دائود سائول ڪڍي بيت لحم شهر ۾ آڀري باپ ري رڍون پڪري چارڻ جاوتو. ¹⁶ او فلسٽي چاليه ڏنون توڻي اسرائيليون ني ڏن آگي هان آتوتي للڪارتو.

¹⁷ هيڪ ڏن يسي آڀري ڏيڪري دائود ني ڪهيو ڪم، ”تو اندازن آڌ من پُونجوڙا ڏوڻا هان ڏس ٻاڻي لي هان چيڪو جائي تاري پايون ني تنبوئون ۾ ڏي آ. ¹⁸ تو اوئون ري فوج ري سردار ري شارو ڏس ڏوڏ ري ناهيوڙي ٽڪي پي لي جا هان جائي جو ڪه تارا پائي ڪيڪر هي، تو اوئون شون ڪو نيشوني لي آ.“

19 سائول، داؤد را پائي هانَ شجائي اسرائيلي، فلسطين شون جنگ ري شارو ابلا وادي م پيڙا هتا. 20 پيچي داؤد شاڪلي تارهي اُنيو هانَ آپري ريدون بڪري بيچي دراڙا نيَ ذي هانَ پيچي آپري ابا ري ڪيوڻ تي او شجي شيون لي بئير هويو. جڏي او تنئون ري نيڙو ڳوم، تو اوني تيم فوجي جنگ ري شارو نارا هئا پڙيا. 21 پيچي اسرائيلي هانَ فلسطي آپري آپري فوج پيڙا جنگ ري شارو هيڪي بيچي شومها ايا. 22 اوني تيم داؤد آپرو شجو سيمون هيڪي منڪ ڪڍي راکيوم جڪو اوڻ رو چوڪيدار هتو. پيچي او ناشي تنئون م آپري پايون ڪڍي گيو هانَ اوئون شون خبرچار پوچي. 23 جڏي او آپري پايون شون باتون ڪرتو پڙيو، تو جات شهر آڻو فلسطي جنگي پهلوون جڪي رو نون جوليت هتو، او آپري فوج شون نڪريو هانَ آگي آي ڪار للڪارڻ لاگوم، داؤد اوني ري شجي باتون شئتو پڙيو. 24 پيچي شجائي اسرائيلي اوني نيَ جوئي تموم گهڻا بيٺاجا هانَ ناشن لاگا. 25 ايني تي اسرائيلي هيڪي بيچي نيَ ڪيوڻ لاگا ڪم، ”ڪي تي اوني منڪ نيَ جوئو پڙيا، جڪو شومهو ايو هي؟ او اسرائيليون ري بي عزتي ڪرڻ آيو هي. جي ڪڻ اوني نيَ مارشي، تو بادشاه اوني نيَ مالو مال ڪري چوڙشي هانَ بادشاه آپري ڏيڪري پي اوني نيَ پڙئشي. ايني شون تال اوني رو خاندان پي اسرائيل م هر بات م آزاد هوشي هانَ اوني رو تڪس پي معاف هوشي.“

26 پيچي داؤد آپري پاشي م ايوڙي منڪون شون پوچو ڪم، ”جڪو ايني فلسطي نيَ ماري اسرائيليون ري بي عزتي رو بدلو ليشي، تو اوني نيَ ڪي ملشي؟ ايني بنا ڪنني آي ري همت ڪيڪر هوني ڪم، آي جيتي ايشور ري فوج نيَ للڪاري.“ 27 تو منڪون داؤد نيَ ڪهيو ڪم، ”جڪو پي اوني نيَ مارشي، تو اوني نيَ آي شجو ڪئين ملشي.“

28 جڏي داؤد ري موڻي پائي الباب، داؤد نيَ منڪون شون باتون ڪرتي شئيوم، تو او داؤد تي ڪاوڙيو هانَ ڪهيو ڪم، ”تو ايت ڪي ڪرڻ آيو هي؟ آپي تو توڙي ريدون بڪري هي، تو او جهنگ م ڪيري آسري، چوڙي آيو هي؟ مهني تاري مگروري هانَ حرڪت ري خبر هي، ڪيونڪه تو جنگ جوڻ آيو هي.“ 29 ايني تي داؤد ڪهيو ڪم، ”مهني ڪي ڪيئو؟ ڪي هون نيَ بولون؟“ 30 پيچي داؤد اوڻ شون هتي بيچي پاشي گيو هانَ اوڻ پي منڪون شون شاگي باتون پوچڻ لاگوم، تو منڪون اوج بات شئائي. 31 جڏي منڪون داؤد ري او باتون شئي، تو اوئون جائي سائول نيَ شئايو هانَ سائول، داؤد نيَ آپ ڪڍي آڻايو.

داؤد هانَ جوليت

32 پيچي داؤد، سائول نيَ ڪهيو ڪم، ”اوني فلسطي ري ڪري ڪو پي بيٺاجي ني، هون تارو بونهو اوني شون پڙهين.“ 33 سائول، داؤد نيَ ڪهيو ڪم، ”تو اوني شون ڪيڪر مقابلو ڪري، ڪيونڪه تو آجون ٻال هي؟ پڻ او شروع شون جنگي پهلوون هي.“ 34 ايني تي داؤد سائول نيَ ڪهيو ڪم، ”هون تارو بونهو آپري ابا ري ريدون، بڪري چارون هون، جڏي ڪو ريج جون شينهن ڪو رڍ لي جاڙي هي، 35 تو هون اوني جنار لاري جائي اوني نيَ ماري، اوني ري باڪي شون او گهيتو چوڙائون هون. جڏي او مهني تي حملو ڪري هي، تو هون اوني ري جاڙي جهالي اوني نيَ چيري نپ مارون هون.“ 36 مهني ريج هانَ شينهن ماري هي، تو آي بنا ڪنني آڻو فلسطي مهاڙي شارو اوئون م، ڪي هيڪي جهڙو هوشي، ڪيونڪه ايني جيتي

ايشور ري فوج ري بي عزتي كي هي. “³⁷ پچي دائود كهيو كه، ”پرميشور مهني شينهن هان ريچون شون بچايو هي، اوج مهني ايئي فلستي شون بچاشي.“ ايئي تي سائول، دائود ني كهيو كه، ”جام پرميشور ئي پيژو هووي.“³⁸ پچي سائول آبرو جنگي لباس دائود ني پيرايو هان پيتل رو توپ اوئي ري مائي تي راكيو هان شينو بند پي پيرايو.³⁹ ايئي شون نال دائود، سائول ري تلوار پي لي. پڻ دائود اي شجائي پيري بي كونهي شگهيو، كيونكه اوئي پيل كڏي پي اهڙي شيون كونهي پيرئي. پچي دائود، سائول ني كهيو كه، ”هون اي شجي شيون پيري بي كونهي شگهيو، كيونكه مهني اي كڏي پي كونهي پيرئي.“ تو دائود او شجي شيون اتاري چوڙئي.⁴⁰ پچي دائود آبري گيڏي هات ۾ لي هان اوئي ندي شون پونج لسا پتر چوندي آبري دراڙ آلي گوڙلي ۾ راكيا، جڪو اوئي كڏي هتي. اوئي ري ڪپوڙي اوئي ري هات ۾ هتي، پچي او اوئي فلستي ڏيشا گيو.

دائود رو جوليت ني مارڻ

⁴¹ پچي او فلستي دائود ڏيشا اوڻ لاگو هان اوئي آگهي اوئي رو جنگي هٿيار ڪڻڻ آڻو هتو.⁴² جڏي اوئي فلستي دائود ني ڏينوم تو اوئي دائود ني ڪئين كونهي شمعهوم، كيونكه او آجون توڻي گورو هان ڦوترو جوان هتو.⁴³ پچي فلستي، دائود ني كهيو كه، ”ڪي ٿو مهني ڪٿو شمعجهي گيڏي لي مهني ڪڏي آيو هي.“ اوئي فلستي آبري ڏيوتائون را نون لي دائود تي لعنت ڪي.⁴⁴ پچي اوئي فلستي دائود ني كهيو كه، ”ٿو مهاري نيڙو آ، تو هون ٿارو موش جهنگلي جنارون هان پڪيون ني ڪلائون.“⁴⁵ ايئي تي دائود اوئي فلستي ني كهيو كه، ”ٿو تلوار، پالا هان برچي لي مهني ڪڏي آيو هي، پڻ هون اوئي قدرت آلي پرميشور ري نون شون آيو هون، جڪو اسرائيل ري فوج رو ايشور هي، جڪي ري ئي بي عزتي ڪي هي.“⁴⁶ آج پرميشور ٽني مهاري هات ۾ ڏيشي هان هون ٽني ماري، ٿارو ماٿو ٿاري ڌڙ شون ڌار ڪرين. هون آج، فلستي فوج را لاش جهنگلي جنارون هان پڪيون ني ڪلائين، ڪه ڏنيا ني خبر پڙي ڪه اسرائيل رو هيڪج ايشور هي.⁴⁷ ايئون شجون منڪون ني خبر پڙي ڪه پرميشور، تلوار هان پالون شون كونهي بچاوتوم، كيونكه اي جنگ پرميشور ري جنگ هي هان اوج ٿوني مهوري هاتون ۾ ڏيشي.“⁴⁸ پچي ايئون هيو ڪه او فلستي آگهي بڏيو هان دائود رو مقابلو ڪرڻ ري شارو نيڙو آيو. پچي دائود اوئي شون مقابلو ڪرڻ ري شارو يڪدم فلستي فوج ڏيشا نانو.⁴⁹ دائود آبرو هات گوڙلي ۾ گهاتي هيڪ پتر ڪاڍيو. پچي او پتر ڪپوڙي ۾ گهاتي اوئي فلستي ري مائي تي هٿيو، تو او پتر اوئي ري مائي ۾ ڪوپي گيو هان او زمين تي اونڌي موڏي جائي ڪريو.⁵⁰ ايئي نموني دائود اوئي ڪپوڙي هان هيڪي پتر شون اوئي فلستي ني هرائي ٺپ ماريو، پڻ دائود ري هات ۾ ڪو پي تلوار كونهي هتي.⁵¹ دائود ناشي اوئي فلستي ڪڏي گيو هان اوئي ري تلوار ميعوڻ شون ڪاڍي اوئي ري نش باڊي چوڙي. جڏي فلستيون ڏينو ڪه مهورو پهلوون ماريجو روم تو او شجائي ناشي گيا.⁵² پچي اسرائيل هان يهودا قبيلي را منڪ انيا هان نارا لگواتا، جات شهر هان عقرون شهر ري در توڻي فلستيون ني مارتا گيا. فلستيون را لاش عقرون هان جات ري شهرن شون شعريم شهر ري مارگ توڻي بڪريوڙا هتا.⁵³ ايئي تي اسرائيليون فلستيون رو لارو ڪرڻ چوڙيو هان پاچا اوئون ري تنهون ۾ آيا.⁵⁴ پچي دائود اوئي فلستي ري نش يروشلم ۾ لي آيو هان اوئي را جنگي هٿيار آبري تنهون ۾ راڪيا.

55 جڏي سائول، دائود ني اوني فلسطي شون مقابلو ڪرڻ ري شارو جاوتي ڏينوم، تو سائول آيري فوج ري سردار ابير شون پوڄو ڪم، ”آي ڪيرو ڏيڪرو هي؟“ تو ابير ڪهيو ڪم، ”بادشاه سلامت مهنئي خبر ڪونهي.“ 56 ايني تي بادشاه ڪهيو ڪم، ”تو پوڄي شٽام، آي جوان ڪيرو ڏيڪرو هي؟“

57 جڏي دائود، فلسطي ني ماري پاڇو آيو، تو ابير دائود ني سائول ڪيڏي لي گيو هان دائود ري هات م اوني فلسطي ري نش هتي. 58 پڇي سائول اوني شون پوڄو ڪم، ”اي جوان، تو ڪيرو ڏيڪرو هي؟“ ايني تي دائود ڪهيو ڪم، ”هون تاري بونهي بيت لحم شهر آلي يسي رو ڏيڪرو هون.“

يونتن هان دائود ري دوستي

1 جڏي دائود، سائول شون باتون ڪري هئو ڪيئوم، تو يونتن رو من دائود شون لاگو هان او اوني شون تموم گهڻو پريم ڪرڻ لاگو.

2 پڇي سائول اوني ڏن شون دائود ني آپ ڪيڏي راکيو هان اوني ني اوني ري باپ ري گهري پاڇو ڪونهي مليو. 3 ايني تي يونتن هان دائود هيڪي پيڄي شون وچن ڪيئوم، ڪيونڪ يونتن اوني شون تموم گهڻو پريم ڪرتو. 4 پڇي يونتن آيو جو اتاري دائود ني ڏينو هان اوني پيڙو آيو جنگي لباس، تلوار، ڪموڻ هان ڪليون آڻو پتو پي ڏينو. 5 سائول، دائود ني جيت پي ميلتوم، تو او آيري ڪوم م ڪامياب هوئي آتو. پڇي سائول اوني ني آيري فوج رو آفيسر راکيو، آي بات شجي اسرائيلي قوم هان سائول ري آفيسرون ني شني لاڳي.

18

سائول رو دائود شون شال ڪرڻ

6 جڏي دائود اوني فلسطي ني ماري پاڇو آتو پيڙوم، تو اسرائيل ري شجي شهرن ري لگائي گاوتي هان ناچي، خوشي م دفلي هان بربط ساز بجاوتي، سائول بادشاه ري استقبال ري شارو آئي. 7 او لگائي ناچي آي گاوتي ڪم، ”سائول تو هزارون ني ماريام، پڻ دائود لڪون ني.“ 8 ايني تي سائول ني آي بات خراب لاڳي هان اوني ريش م ڪهيو ڪم، ”اوئون دائود ري شارو لڪون ڪهيو، پڻ مهاري شارو رگو هزارون. دائود ني بادشاهي شون تال شجو ڪئين، تو مليو رو، همي اوني ني پيڄو ڪي ڪي؟“ 9 اوني ڏن شون پڇي سائول، دائود شون شال ڪرڻ لاگو.

10 پڇي پيڄي ڏن ايشور ري طرفون ئيچي آتما سائول تي زور شون آئي هان او گهر م زور شون رڙي ڪرڻ لاگو. دائود هرور بربط ساز بجاوتوم، سائول ري هات م هيڪ پالو هتو. 11 ايني تي سائول آي شوچي اوني ني پالو هئيو ڪم، ”هون دائود ني پيت م بيندي چوڙين.“ ائون بي گهرا هويم، پڻ دائود پئي گهرا پڇي گيو.

12 پڇي سائول، دائود شون پيڄوم، ڪيونڪ پرميشور سائول ني چوڙي دائود پيڙو هتو. 13 ايني تي سائول دائود ني ڌار ڪري اوني ني هيڪ هزار فوجيون رو آفيسر ناهيو ڪه اوئون ري اڳوڻي ڪري. 14 پرميشور دائود پيڙو هتو، ايني ري ڪري او جڪو ڪئين ڪرتو ڪامياب هتو.

15 جڏي سائول ڏينو ڪه دائود شمعهداري شون ڪامياب هوئي پيڙوم، تو او اوني شون وڌيڪ پيڄائڻ لاگو. 16 پڻ شجائي اسرائيلي هان يهودا را منڪ دائود شون پريم ڪرتا، ڪيونڪ او اوئون رو شنو اڳوڻو هتو.

سائول ري ڏيڪري شون دائود رو بيان

17 ڀڄي سائول دائود ني ڪهيو ڪم، ”جو جي تُو مهاري شارو دليري شون پرميشور ري جنگ پڙهي، تو هون آبري موتي ڏيڪري ميرب رو بيان تي شون ڪرائين.“ سائول ري مرضي هتي ڪه دائود مهاري هاتون نام پڻ فلسطين ري هاتون ماريجي. 18 دائود سائول ني ڪهيو ڪم، ”اسرائيل ۾ مهاري ابا ري ڪو پي حيثيت ڪونهي، هون ڪڻ هون، جڪو بادشاه رو جوئين هوئون؟“ 19 پڻ جدي ميرب ري بيان رو تيم آيو، تو سائول آبري ڏيڪري رو بيان دائود شون نام پڻ عدري ايل شون ڪرايو، جڪو محولا شهر رو هتو.

20 سائول ري ڏيڪري ميڪل دائود ني پسند ڪرتي. جدي سائول ني ايني بات ري خبر پڙي، تو او تموم گهڻو خوش هويو. 21 ڀڄي سائول شوچو ڪم، ”هون آبري ڏيڪري دائود ني ڏين ڪه او دائود ري شارو مصيبت هووي هان دائود فلسطين ري هاتون ماريجي.“ ايني ري ڪري سائول پڙي دائود ني ڪهيو ڪم، ”آج هون تني آبرو جوئين نائين.“ 22 ڀڄي سائول آبري نوڪرون ني حڪم ڏينو ڪم، ”تي دائود شون آبري مونھ بات ڪرو هان اوئي ني ڪو ڪم، جو بادشاه تي شون خوش هي هان اوئي را شجائي نوڪر پي تني پسند ڪري هي، ايني ري ڪري تُو بادشاه ري ڏيڪري شون بيان ڪر.“ 23 ڀڄي سائول ري نوڪرون دائود ني او شجي بات شنائي. دائود اونون ني ڪهيو ڪم، ”هون غريب هون هان مهاري ڪو پي حيثيت ڪونهي. بادشاه رو جوئين هوئن، اي ڪو نڪي بات ڪونهي.“ 24 ڀڄي نوڪرون جائي سائول ني دائود ري شجي باتون شنائي. 25 ڀڄي سائول ڪهيو ڪم، ”تي دائود ني ڪهيا ڪم، بادشاه تي شون ڪو پي پشا ڪونهي مونگتوم پڻ اوئي ري مرضي هي ڪه تُو هيڪ سئو فلسطي ماري هان اونون رو ڪنتو ڪري، او ڪالون لي آ، ايني نموني بادشاه ري دشمنون شون بدلو ليئو جاوي.“ سائول ري مرضي هتي ڪه دائود فلسطين ري هاتون ماريجي. 26 جدي نوڪرون دائود ني او باتون شنائي، تو او بادشاه رو جوئين هوئن ري شارو خوش هويو. آيون توڻي راکيوڙا ڏن پورا ڪونهي هويا هتا. 27 تو دائود آبري منڪون پيڙو گيو هان بي سئو فلسطي قتل ڪري اونون ري ڪتي آلي ڪالون بادشاه ڪيڏي لي آيو ڪه بادشاه رو جوئين هووي. ڀڄي سائول آبري ڏيڪري ميڪل رو بيان دائود شون ڪرايو.

28 سائول اي سمجهو ڪه پرميشور، دائود پيڙو هي هان اوئي ري ڏيڪري ميڪل پي دائود ني پسند ڪري هي. 29 ايني تي سائول دائود شون آيون پي وڌيڪ پيئاجن لاگو هان مرڻ توڻي دائود رو دشمن رهيو. 30 جدي پي فلسطي فوجي آفيسر جنگ ري شارو آتام، تو دائود سائول ري شجي آفيسرون ري مقابلي ۾ وڌيڪ سمجهداري شون ڪوم ڪرتوم، جڪي شون اوئي ري عزت آيون پي وڌيڪ هوئن لاگي.

سائول رو دائود ني تنگ ڪرڻ

1 ڀڄي سائول آبري ڏيڪري يونتن هان آبري شجي نوڪرون ني حڪم ڏينو ڪم، ”دائود ني ماري چوڙو.“ پڻ يونتن دائود شون تموم گهڻو پريم ڪرتو. 2 ايني تي يونتن دائود ني ڪهيو ڪم، ”مهرو ابا تني مروڻ ري شارو ڪري هي، ايني ري ڪري تُو هوشيار ري.

تُو شوواري اهڙي جڳها تي لڪي پيشي، جڪي ري ڪيئي پي خبر ني هوئي. ³ پڇي هُون آڀري آبا پيڙو اُوئي بني ۾ آئين، جيت تُو هوئي هان هُون
آپ آڀري آبا شون تاري باري ۾ بات ڪرين. او جڪو ڪئين ڪشي، او تئي سٿائين.“

⁴ پڇي يُونتن آڀري باب سائول آگهي دائود ري نيڪي ڪري ڪهيو ڪه، ”بادشاهه آڀري بونهي دائود ني ماري پاپي ني هوم ڪيونڪه اُوئي تارو ڪو
پي ڏوه ڪونهي ڪيئوم پڻ اُوئي تاري شارو تموم سنا ڪوم ڪينا هي. ⁵ اُوئي آڀري جان خطري ۾ هڻي اُوئي فلسطي ني قتل ڪيئو هان پرميشور سجي
اسرائيليون ني تموم گهڻا جيتايا. تُو آي سجو ڪئين جوئي خوش هيو هتو. همي تُو ڪيئون دائود ني ماري هيڪي بي ڏوهي رو خون آپ تي لي
هي؟“ ⁶ جڏي سائول يُونتن ري آي بات سٿي، تو شونش لي ڪهيو ڪه، ”جيتي پرميشور رو شونش، آج شون اُوئي ني ڪو پي ماري ڪونهي.“ ⁷ اِيئي
تي يُونتن دائود ني هيلو ڪري او سجي باتون سٿائي. پڇي يُونتن دائود ني سائول ڪيڏي لي گيو هان او اڳي آئي ڪار اُوئي ري شيوا ڪرڻ لاگو.
⁸ هيڪ گهمرو پڙي فلسطيون شون جنگ هوئي، تو دائود اُونون شون جنگ ڪرڻ گيو. جڏي دائود فلسطيون تي حملو ڪيئوم تو فلسطي اُوئي شون
ناشي ڪيا.

⁹ هيڪ ڏن جڏي سائول آڀري گهري هات ۾ پالو لي بيئو هتوم تو پرميشور ري طرفون هيڪ بچڙي آتما اُوئي ۾ آئي هان دائود بربط ساز بجاوو پڙيو.
¹⁰ اِيئي تي سائول آڀري پالي شون دائود ني پيت ۾ بينڊل ري ڪوشش ڪي، پڻ دائود آگهي شون هتي گيو هان پالو جائي پيت ۾ لاگو. اُوئي رات
دائود بچي ناشي گيو.

¹¹ پڇي سائول دائود ري گهري ڪئينڪه منڪ ميليا ڪه او اُوئي تي نظر راڪي هان ساڪلي اُوئي ني ماري چوڙي. اِيئي تي دائود ري لڳائي ميڪل
اُوئي ني ڪهيو ڪه، ”جي تُو آج رات آڀري جان بجائي ايت شون ناشي ڪونهي، تو شوواري ضرور ماريو جائي.“ ¹² پڇي ميڪل هيڪي دري
شون دائود ني هينا اُتاريو هان او بچي ناشي گيو. ¹³ ميڪل دائود ري بچوڙي تي هيڪ مورتِي راڪي هان اُوئي ري شروئيئي بڪريون ري بالئون رو
ناهيوڙو اوشيشو راڪي اُوئي ني چادر شون ڍڪيو. ¹⁴ جڏي سائول را ميليوڙا منڪ دائود ني جهالڻ آيا، تو ميڪل اُونون ني ڪهيو ڪه، ”او بيمار
هي.“ ¹⁵ پڇي سائول پڙي ڪئينڪه منڪ دائود ني جوئڻ ري شارو ميليا هان اُونون ني ڪهيو ڪه، ”اُوئي ني بچوڙي شوڏو ڪئي مهِي ڪيڏي لي
آئوم، تو هُون اُوئي ني ٺپ مارون.“ ¹⁶ جڏي او منڪ دائود ري گهري گيا، تو ڏينو ڪه بچوڙي تي هيڪ مورتِي پڙي هي هان اُوئي ري شروئيئي
بڪريون ري بالئون رو اوشيشو پڙيو هي. ¹⁷ اِيئي تي سائول ميڪل ني ڪهيو ڪه، ”تي ڪيئون مهني دوکو ڏينو هان مهارو دشمن بجائي نشاڙيو؟“
پڇي ميڪل سائول ني ڪهيو ڪه، ”دائود مهني ڪهيو هتو ڪه، ’مهني جاوڻ ڏي، ني تو هُون تئي ماري چوڙين.““

¹⁸ پڇي دائود اوڻ شون ناشي بچي گيو هان او راما شهر ۾ سيموئيل ڪيڏي گيو. اُوئي سيموئيل ني او سجو ڪئين سٿايوم جڪو سائول اُوئي شون
ڪيئو هتو. اِيئي تي دائود هان سيموئيل نيوت علائقي ۾ جائِي ريوڻ لاگا. ¹⁹ جڏي سائول ني خبر پڙي ڪه دائود راما شهر ۾ نيوت علائقي ۾ هي،
²⁰ تو اُوئي دائود ني جهالڻ ري شارو ڪئينڪه منڪ ميليا. اِيئون منڪون ڏينو ڪه نيون رو هيڪ تولو اڳڪٿي ڪري پڙيو هان سيموئيل اُونون رو

اڱوڻ هِي. پڇي ايشور ري آتما سائول ري منڪون مائي اُترِي، تو او پي اڱڪڙي ڪرڻ لاڱا. ²¹ جڏي سائول ني ايني بات ري خبر پڙي، تو اوئي ڪئينڪه پيجا منڪ ميليام، تو او پي اڱڪڙي ڪرڻ لاڱا. ايني تي سائول تيجو گهمرو ڪئينڪه پيجا منڪ ميليام، تو او پي اڱڪڙي ڪرڻ لاڱا. ²² پڇي سائول آپ راما شهر ڏيشا گيوم جڏي او اوئي موتي تالا تي پڱوم، جڪو سيڪو علائقي ۾ هي. اوٽ سائول پوچو ڪم، ”سيموئيل هان داؤد ڪيٽ هي؟“ ڪي اوئي ني سڻايو ڪم، ”او راما شهر ري نيوت علائقي ۾ ري هي.“ ²³ پڇي اوٽ شون راما شهر ري نيوت علائقي ۾ گيو هان ايشور ري آتما اوئي تي اُترِي هان او اڱڪڙي ڪرتو راما شهر ري نيوت علائقي ۾ پڱوم. ²⁴ اوئي پي آپرا گايا اُتاريا هان سيموئيل اڱهي اڱڪڙي ڪرڻ لاڱو. او شجو ڏن هان سڄي رات اڱهاڙو پڙيو رهيو، ايني ري ڪري آي ڪيتو مشهور هويو ڪم، ”ڪي، سائول پي نيون ۾ هيڪ نبي هي؟“

يونتن ري داؤد شون همدردِي

20 ¹ پڇي داؤد راما شهر ري نيوت علائقي شون ناشي يونتن ڪي آيو هان اوئي ني ڪهيو ڪم، ”مهني ڪي ڪيو هان مهاري ڪهڙي غلطي هي؟ مهني تاري آبا رو ڪهڙو ڏوه ڪيو، جڪو مهاري جان رو دشمن هويو هي؟“ ² يونتن اوئي ني ڪهيو ڪم، ”نام، ايئون ڪونهي، ڪو پي تني ڪونهي ماري. نڪي جون موتي بات، مهارو آبا مهني شون ڪڏي پي ڪونهي لڪاوتو. پڇي مهارو آبا اترِي موتي بات مهني شون ڪيڪر لڪاشي؟ آي تارو وهم هي.“ ³ پڻ داؤد شونش لي ڪهيو ڪم، ”تاري آبا ني خبر هي ڪه تُو مهارو سُنو دوست هي، ايني ري ڪري اوئي ري مرضي ڪونهي ڪه ايني بات ري خبر تني پڙي هان تُو وڌيڪ پريشون هووي. جيئي پرميشور هان تارو شونش، همي موت مهاري نيڙي هي.“ ⁴ پڇي يونتن داؤد ني ڪهيو ڪم، ”تُو جڪو ڪئين ڪئي، هُون اوج تاري شارو ڪرين.“ ⁵ پڇي داؤد يونتن ني ڪهيو ڪم، ”جو، شواري نوئي چندر رو پڙ هي، ايني ري ڪري مهني بادشاه پيڙي پاتي ڪاوڙي پڙهي، همي تُو مهني موڪل ڏي ڪه هُون تين ڏن ري شارو جائي ڪي جهنگ ۾ لڪون.“ ⁶ جي تارو آبا مهاري باري ۾ پوچي، تو اوئي ني ڪني ڪم، ’داؤد مهني شون آپري شهر بيت لحم ڏيشا جاوڙ ري موڪل مونگي هتي، ڪيونڪه اوئي رو شجو خاندان هر شال اوٽ بليدون ڪري هي.‘ ⁷ جي تارو آبا ڪي ڪم، ’نيڪ هي.‘ تو تُو شمجهي ڪه مهني ڪو پي خطرو ڪونهي، پڻ جي اوئي ني تموم گهڙي ريش آوي، تو شمجهي ڪه اوئي مهني مارڻ رو ارادو ڪيو هي. ⁸ ايني ري ڪري تُو مهربيون ڪري مهني شون پلائي ڪم، ڪيونڪه تي پرميشور اڱهي مهني شون وچن ڪيو هي. جي مهارو ڪو ڏوه هي، تو تُو آپ مهني ماري، پڻ تاري باپ ري حوالي ني ڪري.“ ⁹ يونتن ڪهيو ڪم، ”تُو ايئون ني شوچ. جي مهني خبر هوئي هوونت ڪه مهارو آبا تني مارڻ ري شارو ڪري هي، تو ڪي هُون تني بيل ڪونهي سڻائونت؟“ ¹⁰ پڇي داؤد يونتن ني ڪهيو ڪم، ”جي تاري آبا ني ريش آئي، تو مهني ڪڻ سڻاشي؟“ ¹¹ ايني تي يونتن داؤد ني ڪهيو ڪم، ”آ، تو آبي بني تي هالون.“ پڇي او بيئي بني ڏيشا گيا. ¹² پڇي يونتن داؤد ني ڪهيو ڪم، ”پرميشور، اسرائيل رو ايشور آڀو گواه هي، شواري جون پريون اندازن ايني تيم تي هُون آپري آبا ري مرضي اولڪين ري. جي تاري باري ۾ اوئي ري شوچ سڻي هي، تو هُون ڪيني ميلي تني ضرور سڻائين.“ ¹³ جي مهني خبر پڙي ڪه مهارو آبا تني مارڻ رو شوچي هي هان هُون تني ني سڻائون هان تني بچاوڻ ۾ مدد ني ڪرون، تو پرميشور

مهني ايني ري سخت سزا ڏي. پرميشور ٿي پيڙو هووي، جون او پيل مهاري آبا پيڙو هتو. ¹⁴ جتري توڻي هون جيتو هون، اتري توڻي تو پرميشور آلي ڪار مهني تي مهربون رئي هان جي مري جائون، ¹⁵ تو مهني شون پيچي مهاري خاندان تي هميشا مهربون رئي. جڏي پرميشور تارا شجائي دشمن ايني دنيا شون ختم ڪري، تو تو ائوچ ڪري. ¹⁶ پيچي يونتن دائود ري خاندان رو شات ڏيوڻ رو وچن ڪيو هان ڪهيو ڪه، ”پرميشور، دائود ري دشمنون شون بدلو لي.“ ¹⁷ پيچي يونتن دائود شون اوئي پريم ري ڪري پيڙي شونش ليئو، ڪيونڪه او اوئي شون آب شون وڌيڪ پريم ڪرتو. ¹⁸ پيچي يونتن دائود ني ڪهيو ڪه، ”شواري نوئي چندر رو پرپ هني هان جڏي تو اوڻ ڪونهي هووي، تو مهارو آبا تارو پوچشي.“ ¹⁹ پريون شام رو تو چيڪو هوئي اوئي جگها شون هينو آئي لڪي، جيت تو پيل لڪيڙو هتو. تو اوئي پتر نيڙو پيشي، جڪي رو نون ازل هي. ²⁰ پيچي هون اوئي پاشي تين تير اهڙي نموني هلائين، جهڙي نموني هون ڪي شئي تي نشون هتون پڙيو. ²¹ پيچي هون هيڪ چوڪرو ميلين ڪه او جائي او تير جوئي لي آوي. پيچي هون چوڪري ني ڪئين ڪه، ’جو، تير تاري ايني پاشي پڙيا هي، جائي او لي آ.‘ تو تو مهني ڪڍي آئي، ڪيونڪه جيتي پرميشور رو شونش، تارو پلو هوشي هان خطرو ڪونهي هووي. ²² جي هون چوڪري ني اي ڪونه ڪه، ’تير تاري اوئي پاشي هي.‘ تو تو بونو جائي، ڪيونڪه پرميشور ري مرضي هي ڪه تو ايت شون بونو جاوي. ²³ پڻ جڪو واعدو آيون هيڪي پيچي شون ڪيو هي، پرميشور هميشا ائين باتون رو گواه هووي.“

²⁴ پيچي دائود بني ۾ جائي لڪي پينو. جڏي نوئي چندر رو پرپ آيو، تو بادشاهه ٻائي ڪاوڻ پينو. ²⁵ بادشاهه اگي آلي ڪار پيت ڪڍي پينو. تو يونتن پي بادشاهه شومهو جائي پينو هان انبير پي سائول پيڙو پينو، پڻ دائود ري جگها ڪالي هتي. ²⁶ سائول اوئي ڏن ڪئين ڪونهي ڪهيو، ڪيونڪه اوئي شوچو ڪه، ”دائود ڪي بات ۾ پليت هويو هوشي، ايني ري ڪري او ڪونهي آيو. شاجيلي او پليت هويو هوشي.“ ²⁷ پرپ ري بيچي ڏن پي دائود ري جگها ڪالي هتي. ايني تي سائول آڀري ڏيڪري يونتن شون پوچو ڪه، ”يسي رو ڏيڪرو ڪالهي هان آج ٻائي ڪيون ڪونهي ڪاوڻ آيو؟“

²⁸ ايني تي يونتن سائول ني ڪهيو ڪه، ”دائود مهني منت ڪي هتي ڪه، مهني بيت لحم شهر ڏيشا جاوڻ ري موڪل ڏي.“ ²⁹ مهربوني ڪري مهني جاوڻ ڏي، ڪيونڪه مهوري خاندان ني شهر ۾ بليدون ڪرڻو هي هان مهاري پايون مهني اوت لازمي آتايو هي. ايني ري ڪري او تي پيڙو ٻائي ڪاوڻ ڪونهي آيو.“ ³⁰ ايني تي سائول ني يونتن تي تموم گهڻي ريش آئي هان اوئي ني ڪهيو ڪه، ”حرومي، ڪي مهني خبر ڪونهي ڪه تي دائود رو شات ڏينو هي؟ اي تاري شارو هان تاري ما ري شارو بي عزتي ري بات هي.“ ³¹ ڪيونڪه جتري توڻي يسي رو ڏيڪرو ايني جگت ۾ جيتو هي، اتر تي توڻي نڪو تو ڪامياب هووي هان نڪو تاري بادشاهي. ايني ري ڪري همي منڪ ميل هان اوئي ني مهني ڪڍي لي آ، ڪيونڪه همي او ضرور ماريو جاشي.“ ³² پيچي يونتن آڀري ٻاپ سائول ني ڪهيو ڪه، ”اوئي اهڙو ڪي ڪيو هي، جڪي شون او ماريو جاوي؟“ ³³ ايني تي سائول اوئي ني پالو هنيو ڪه اوئي ني ماري. ايني تي يونتن ني خبر پڙي ڪه مهارو آبا دائود ني مارڻ رو پڪو ارادو ڪري پينو هي. ³⁴ پيچي يونتن ريش ۾ ٻائي آلي جگها شون ائي بونو گيو. اوئي ڏن اوئي ڪئين ڪونهي ڪاڏو، او دائود ري شارو تموم گهڻو پريشون هتو، ڪيونڪه اوئي ري ٻاپ دائود ري تموم گهڻي بي عزتي ڪي هتي.

35 پچي شاڪلي يونتن داؤد نِي ڏينوڙي تيم تي بني تي گيو هان هيك چوڪرو پي اُوئي پيڙو هتو. 36 يونتن اُوئي چوڪري نِي ڪهيو ڪم ”هُون تير هلائون هون، تُو ناشي جائي او لي آ.“ جڏي او چوڪرو نانوم، تو يونتن اهڙو تير هڻيو ڪه او تير جائي اُوئي چوڪري شون آگهي ڪريو. 37 پچي جڏي او چوڪرو اوت پڳو، جڪي پاشي يونتن تير هڻيو هتو، تو اُوئي چوڪري نِي هيلو ڪري ڪهيو ڪم ”تير ٿاري اُوئي پاشي هي.“ 38 يونتن اُوئي چوڪري نِي پڙي ڪهيو ڪم ”چيڪو جام اُپ ني.“ اِيئي تي او چوڪرو تير ڪڍي آڀري مالڪ ڪڍي آيو. 39 او چوڪرو اُوئي باتون ري باري ۾ ڪئين ڪونهي جوڻو، ڪيونڪه رگو داؤد هان يونتن نِي اِيئي بات ري خبر هتي. 40 پچي يونتن آڀرا جنگي هٿيار اُوئي چوڪري نِي ڏي ڪهيو ڪم ”آي هٿيار شهر ڏيشا لي جا.“ 41 جڏي او چوڪرو اوت شون بُوڻو گيو، تو داؤد اُوئي پتر لاري شون باهر نڪريو هان تين گهمرا جُهڪي شيش نمايو. اوئون هڪي بيجي نِي مينڪي ڏيني هان تموم گهڻا رونا، پڻ داؤد يونتن شون پي وڌيڪ رُونو. 42 پچي يونتن داؤد نِي ڪهيو ڪم ”خيريت شون جام ڪيونڪه آڀون بيئون پرميشور رو شونش ليئو هي ڪم، پرميشور آڀي هان آڀي اولاد ري بچ ۾ هميشا گواه ري.“ پچي داؤد بئير هيو هان يونتن آڀري شهر ڏيشا پاڇو گيو.

داؤد رو سائول شون ناشن

21 1 جڏي داؤد نوب علائقي ۾ اخيملڪ پوجاري ڪڍي گيو، تو پوجاري بيتاجتو اُوئي شون ملڻ آيو. اُوئي داؤد شون پوڇو ڪم، ”تو هڪلو ڪيئون آيو هي هان ٿي پيڙو بيجو ڪو پي ڪونهي؟“ 2 داؤد، پوجاري نِي ڪهيو ڪم، ”بادشاهه مهني هڪي ڪوم رو حڪم ڏي ڪهيو ڪم، هون ٿي ميلون پڙيو هان جڪو حڪم مهني ٿي ڏينو هي، او ڪيني پي ني سڻائي.“ اِيئي ري ڪري مهني آڀرا منڪ بيجي جگهائون تي پيشاڙيا هي. 3 همي ڪاوڙ ري شارو ٿي ڪڍي ڪي هي؟ مهني پونج ٻائي، پڻ جڪو پي هي، او مهني ڏي.“ 4 پوجاري، داؤد نِي ڪهيو ڪم، ”مهني ڪڍي عام ٻائي ڪونهي، پڻ پويتر ٻائي هي. هون آي ٻائي اوئون منڪون نِي ڏي شگهون هون، جڪو لڳايون شون الگا رهيا هوڙي.“ 5 داؤد، پوجاري نِي ڪهيو ڪم، ”ساجيلي، مهوني تين ڏن هويا هي، مهني لڳايون شون الگا هون. مهني جڏي پي سفر ڪرون هون، تو آڀرو آڀني پويتر راکون هون، پڻ آي سفر، تو خاص هي هان پڪي بات هي، او آج ضرور پويتر هوڙي.“

6 پچي پوجاري، داؤد نِي پويتر ٻائي ڏيني، ڪيونڪه اوت بيجي ٻائي ڪونهي هتي. پوجاري، پرميشور آگهي پتا ۾ راکيوڙي ٻائي ليئي ڪه اوئون ري جگها تي شاگي ڏن تازي ٻائي راکي. 7 اُوئي ڏن سائول ري نوڪرون ۾ هڪ نوڪر پرميشور آگهي حاضر هتو. اُوئي رو نون دوئيگ هتو هان او اڏومي قوم رو هتو، او سائول ري ڌراڙون رو سردار هتو. 8 پچي داؤد اخيملڪ شون پوڇو ڪم، ”ڪي ٿي ڪڍي ڪو پالو جون تلوار هي؟ ڪيونڪه هون بادشاهه ري ڪوم ري چيڪائي ۾ آڀري تلوار هان هٿيار ڪڻڻ پونريو رو.“ 9 اِيئي تي پوجاري ڪهيو ڪم، ”او تلوار جڪي شون ٿي فلسطي جوليت نِي اِيلا وادي ۾ قتل ڪيو هتو، او تلوار گايي ۾ بيڙهيوڙي پويتر واسڪوتي لاري پڙي هي. جي ٿي ڪبي، تو او تُو لي جا، پڻ اُوئي شون نال ايت بيجو ڪو پي هٿيار ڪونهي.“ داؤد ڪهيو ڪم، ”اهڙي تلوار مهني ڪيت لاڏي. او تلوار مهني ڏي.“

10 پڇي اُوئيچ ڏن دائود، ساڻول ري بي شون ناشي جائي جات شهر ري بادشاهه اڪيس ڪڍي گيو. 11 اڪيس بادشاهه ري نوڪرون اُوئي ني ڪهيو ڪم، ”ڪي اي ايني ملڪ رو بادشاهه دائود ڪونهي؟ ايني ري باري ۾ لڳايون ناچي گايو هتو ڪم، ساڻول تو هزارون ني ماريام پڻ دائود لڪون ني.“ 12 اي بات سڻي دائود پريشون هويو هان اڪيس بادشاهه شون پيئاجڻ لاگو. 13 ايني تي دائود اُوئون اگهي چالاڪي ڪي هان اوت ڪالهو هوي شهر ري در تي ليڪا ڪاڍڻ لاگو، اُوئي ري موڏي شون ٿوڪ نڪري اُوئي ري ڏاڙهي تي بيوڻ لاگو. 14 تو اڪيس بادشاهه آيري نوڪرون ني ڪهيو ڪم، ”تي اي منڪ مهني ڪڍي ڪيئون لي آيا هو؟ ڪي تي ڏيکنا ڪونهي ڪه اي تو ڪالهو هي؟“ 15 ڪي مهني ڪڍي ڪالها گهٽ هي، جڪو تي هيڪ پيجو ڪالهو جهالي مهني ڪڍي لي آيا هو، ڪه اي پي مهني اگهي ڪالهن آلي ڪار حرڪتون ڪري؟ تي اهڙو منڪ مهاري گهري ڪيئون لي آيا هو؟“

ساڻول رو پوجاريون ني مارڻ

22 1 پڇي دائود اوت شون عدلام ري چر ڏيشا ناشي گيو. جڏي اُوئي ري پايون هان اُوئي ري باپ ري خاندان اي سڻيوم، تو او پي اُوئي شون ملڻ، اوت گيا. 2 ايتون شون ٽال شجائي منڪ جڪو پريشون، قرضي هان لاچار هتاء او شجائي دائود ڪڍي پيڙا هويا. اُوئون شجون دائود ني آڀرو سردار ناهيو. اي اندازن چار سئو منڪ هتا.

3 پڇي دائود اوت شون مواب ملڪ ري مصفا شهر ڏيشا گيو. اُوئي مواب ري بادشاهه ني ڪهيو ڪم، ”مهريوني ڪري مهارا ما باپ اُوئي تيم توڻي آپ ڪڍي ريون ڏي، جتري توڻي اي خبر ني پڙي ڪه ايشور ري مهاري شارو ڪهڙي مرضي هي.“ 4 او آڀرا ما باپ مواب ملڪ ري بادشاهه ڪڍي لي گيو. جتري توڻي دائود چر ۾ ليڪيوڙو هتو، اُتر تي توڻي اُوئي را ما باپ بادشاهه ڪڍي رهيا.

5 پڇي جاد نبي آئي دائود ني ڪهيو ڪم، ”همي ٿو ايني چر ۾ ني ري، پڻ ايت شون نڪري يهودا ري ملڪ ڏيشا جا.“ ايني تي دائود اوت شون حارت ري جهنگ ڏيشا گيو.

6 پڇي ساڻول سڻيو ڪه دائود هان اُوئي ري منڪون ري خبر پڙي هي. ساڻول اُوئي تيم جمع شهر ري جبل تي هيڪي لوي ري بڻ هينا آڀرو پالو هات ۾ لي پينو هتو، اُوئي را نوڪر اُوئي ري چوڌاري آيا هتا. 7 ايني تي ساڻول آيري ايوڙي نوڪرون ني ڪهيو ڪم، ”اي بنيامين قبيلي آئون، مهاري بات سڻو. ڪي يسي رو ڏيڪرو تون شجون ني بني هان انگورون رو باگ ڏي شگهي هي؟ ڪي او تون شجون ني هزار هزار هان سڻو سڻو منڪون تي سردار راڪي شگهي هي؟“ 8 تون شجون مهاري خلاف سازش ڪي. جڏي مهاري ڏيڪري يسي ري ڏيڪري شون وچن ڪيو هتو، تو تون شجون ۾ ڪي پي اي بات مهني ڪونهي سڻائي. تون ۾ اهڙو ڪو پي ڪونهي، جڪو مهاري ڏڪ ۾ شامل هوڙي. جي ايتون هويو هتو، تو مهني سڻائونت، ڪه مهاري ڏيڪري مهني مارڻ ري شارو مهاري نوڪر ني تيار ڪيو هي، جهڙي نموني تي آج ڏيڪو پڙيا.“ 9 اُوئي تيم دوئيگ اڏومي ساڻول ري نوڪرون پيڙو آيو هتو، اُوئي ڪهيو ڪم، ”مهني يسي ري ڏيڪري ني نوب علائقي ۾ اخيطوب ري ڏيڪري اخيملڪ پوجاري ڏيشا آوتو ڏينو هتو.“

10 اخيملك اُوئي ري شارو پرميشور شون پرائنا ڪي هان اُوئي ني ڪاوڻ پيئڻ ري شيون ڏيئي هي. ايئون شون ٿال اُوئي فلسطي جوليت ري تلوار پي ڏيئي هي. “

11 پڇي بادشاهه اخيملك پوجاري هان اُوئي ري باپ ري گهر ري سڄي پوجاريون ني نوب علائقي شون آڻايام تو او بادشاهه ڪڍي آيا. 12 ايئي تي سائول ڪهيو ڪه، ”اي اخيطوب را ڏيڪرام مهاري بات سٺ.“ اُوئي ڪهيو ڪه، ”اي مهارا مالڪم هون حاضر هون.“ 13 پڇي سائول اُوئي ني ڪهيو ڪه، ”تي هان يسي ري ڏيڪري مهاري خلاف سازش ڪيون ڪي هي؟ تي اُوئي ني باتي هان تلوار ڏيئي هان اُوئي ري شارو ايشور شون پرائنا ڪي ڪه او مهاري خلاف بگاوت ڪري هان مهني ماري، جون آج ٿي ڏيڪو پٽيا.“ 14 پڇي اخيملكم بادشاهه ني ڪهيو ڪه، ”تاري سڄي شيوادارون ۾ دائود جهڙو وفادار ڪيو هي؟ اي بادشاهه او تارو جوئين هان تاري فوج رو آفيسر پي هي. او تاري گهر ۾ تموم گهڻي عزت آو هي.“ 15 ڪي مهني دائود ري شارو پيلڪو گهمرو ايشور شون پرائنا ڪي هي؟ نام ايئون ڪونهي. اي بادشاهه ٿو مهني تي هان مهاري ابا ري خاندان تي ڪو پي الزوم ني لگام ڪيونڪه مهني ايئون باتون ري ڪو پي خبر ڪونهي.“ 16 ايئي تي بادشاهه ڪهيو ڪه، ”اي اخيملكم ٿو هان تاري باپ رو سڄو خاندان ضرور مرشو.“

17 پڇي بادشاهه اوئون فوجيون ني جڪو اُوئي ڪڍي اُپا هتام حڪم ڏينو ڪه، ”جائو پرميشور ري پوجاريون ني قتل ڪرو، ڪيونڪه اي پي دائود را منڪ هي. ايئون ني خبر هي ڪه دائود مهني شون نانوڙو هي.“ پڻ بادشاهه را فوجي پرميشور ري پوجاريون ني مارڻ ري شارو ڪونهي ڪرتا. 18 پڇي بادشاهه دوئيگ اڏومي ني ڪهيو ڪه، ”ٿو جا، ايئون پوجاريون ني مار.“ ايئي تي دوئيگ گيو هان اُوئي ڏن پنجاسي پوجاري قتل ڪينام جڪون ري پوينر واسڪوٽي پريوڙي هتي. 19 اُوئي پوجاريون ري شهر نوب ني سقا برباد ڪري چوڙيو. آڏمي، لگائي، چوڪرام ڏوڏ پيتا ٻال، ريون بڪري، ڍگا هان گڏا تلوار شون ماري چوڙيا.

20 اوڻ رگو اخيطوب ري ڏيڪري اخيملك ري ڏيڪرون ۾ هيڪ منڪ بچو، جڪي رو نون ابي ياتر هتو. او اوڻ شون ناشي جائي دائود ڪڍي گيو. 21 ابي ياتر، دائود ني سٿايو ڪه، ”سائول ۾ پرميشور را پوجاري قتل ڪينا را.“ 22 ايئي تي دائود ابي ياتر ني ڪهيو ڪه، ”مهني اوئيچ ڏن خبر هتي، جڏي مهني دوئيگ اڏومي ني اوڻ ڏينو هتو ڪه اي ضرور سائول ني سٿاشي. تاري باپ ري سڄي گهر ري موت رو ذميوار هون هون.“ 23 همي ٿو مهني ڪڍي پيش هان پريشون ني هو. تارو هان مهارو دشمن هيڪج هي. جي ٿو مهني پيڙو رئي، تو بچي جائي.“

دائود رو قعيل شھر ني بچاڻ

1 پڇي هيڪ ڏن دائود ني ڪي سٿايو ڪه، ”فلسطي، قعيل شھر تي حملو ڪري ڏوڻون را ڍگ لي پٽيا.“ 2 ايئي تي دائود پرميشور شون پوچو ڪه، ”ڪي هون جائي فلسطيون تي حملو ڪرون، جون نا؟“ تو پرميشور ڪهيو ڪه، ”ٿو اوئون ني مار هان قعيل شھر

٣ ٻڌڻ ڏاڻوڊ ري منڪون ڪهيو ڪه، ”جوڻ مهوئي يهودا علائقي ۾ ريتي ٻي لاڳي هي، جي مهيا قعيللا شهر ۾ جائي فلسطين تي حملو ڪرون، تو آي آجون ٻي وڌيڪ خطرناڪ هوندي.“

٤ ٻڌڻ ڏاڻوڊ ٻيڙي پرميشور شون پوچو، تو پرميشور اوني ني ڪهيو ڪه، ”قعيللا شهر ڏيشا جام ڪيونڪه هون فلسطين ني تاري هات ۾ ڏينن.“ ٥ ٻڌڻ ڏاڻوڊ هان اوني ري منڪون قعيللا شهر ۾ جائي فلسطين تي حملو ڪري تموم گهڻا منڪ ماريا هان اوئون رو ڏڻ مال ٻي لي چوڙيو. ايئي نموني ڏاڻوڊ قعيللا شهر ري منڪون ني ٻڌايا.

٦ جڏي اخيملڪ رو ڏيڪرو ابي ياتر ناشي ڏاڻوڊ ڪيڊي قعيللا شهر ۾ آيو، تو آب ٻيڙو پوجاري آڻو جبو ٻي لي آيو. ٧ جڏي ساڻول ني خبر ٻيڙي ڪه ڏاڻوڊ قعيللا شهر ۾ آيو هي، تو اوني ڪهيو ڪه، ”ڏاڻوڊ ني ايشور مهاري هات ۾ ڏينو هي، ڪيونڪه او هيڪي اهڙي شهر ۾ ڦاڻو هي، جڪي ري چوڌاري پيتون هان در هي.“ ٨ ايئي تي ساڻول آڀري منڪون ني آتيا ڪه او قعيللا شهر ۾ جائي ڏاڻوڊ هان اوني ري منڪون تي حملو ڪري. ٩ جڏي ڏاڻوڊ ني ايئي بات ري خبر ٻيڙي ڪه ساڻول اوني تي حملو ڪرڻ رو شوچي ٻيڙو، تو اوني ابي ياتر پوجاري ني ڪهيو ڪه، ”او جبو مهيا ڪيڊي لي آ.“ ١٠ ٻڌڻ ڏاڻوڊ پرميشور ني ڪهيو ڪه، ”اي پرميشور اسرائيل را ايشور مهيا شنيو هي ڪه ساڻول مهاري ڪري قعيللا شهر تي حملو ڪرڻ رو شوچو هي ڪه ايئي ني برباد ڪري.“ ١١ اي پرميشور اسرائيل را ايشور هون تني منت ڪرون هون ڪه تو آڀري پونهي ني شام ڪي قعيللا شهر را منڪ مهني ساڻول ري هات ۾ ڏيشي هان ڪي ساڻول آشي؟“ تو پرميشور ڪهيو ڪه، ”هاوي، او آشي.“ ١٢ ٻڌڻ ڏاڻوڊ پرميشور شون پوچو ڪه، ”ڪي قعيللا را منڪ مهني هان مهارا منڪ ساڻول ري هات ۾ ڏيشي؟“ تو پرميشور ڪهيو ڪه، ”هاوي، او ايئوڇ ڪرشي.“ ١٣ ٻڌڻ ڏاڻوڊ آڀري اندازن چي شون منڪون ٻيڙو قعيللا شهر شون نڪري گيو هان او هيڪي جگها شون ٻيڄي جگها لڪتا رهيا. جڏي ساڻول ني خبر ٻيڙي ڪه ڏاڻوڊ قعيللا شهر شون گيو رو، تو اوني اوڻ جاوڻ رو اڙادو ڦٽو ڪيو.

يونتن شون ڏاڻوڊ ري ملاقات

١٤ ٻڌڻ ڏاڻوڊ رڻ پت ۾ زيف ري جابلو علائقي ۾ لڪي پنو. ساڻول هرور اوني ري تلاش ڪرتو رهيو ٻڌڻ ايشور ڏاڻوڊ ني هميشا ٻڌوتو رهيو. ١٥ جڏي ڏاڻوڊ زيف ري جابلو علائقي حورش ۾ هتوم تو ڏاڻوڊ ني خبر ٻيڙي ڪه ساڻول اوني ني مارڻ نڪريو هي. ١٦ ٻڌڻ ڏاڻوڊ زيف ري جابلو علائقي حورش ڏيشا گيو هان اوني ني همت ڏي ڪهيو ڪه، ”ايشور تي ٻيڙو هي ١٧ هان تو ني بيئاج، ڪيونڪه مهارو ابا تي توڻي ڪونهي ٻڌي. تو اسرائيل رو بادشاهه هوئي هان هون تارو وزير، اي بات مهارو ابا ٻي جوڻي هي.“ ١٨ اوئون پئون پرميشور آگهي وچن ڪيو. ٻڌڻ ڏاڻوڊ آڀري گهري گيو هان ڏاڻوڊ حورش علائقي ۾ رهيو.

١٩ ٻڌڻ ڏاڻوڊ زيف شهر آلام جبع شهر ۾ ساڻول ڪاڊي گيا هان ڪهيو ڪه، ”ڏاڻوڊ مهوري علائقي حورش ري چرون ۾ يشيمون رڻ پت ري ڏڪڻ ۾ حڪيلا ري جبلون ۾ لڪيوڙو هي.“ ٢٠ اي بادشاهه جي تاري مرضي هووي، تو تو آئي. مهيا اوني ني تاري هات ۾ ڏيشون.“ ٢١ تو ساڻول ڪهيو

که، ”پرمیشور تونې برکت دې، کیونکه تون مهې شون پلائي کي هي. 22 همې جائو، پټي جانچ کرو که او کيت زي هي هان کي اوئي ني دینو هي، کیونکه کي شُنايو که، او موتو چالاک هي. 23 ايئي زي کري تي اوئي ري تلاش کرو، او کيت لکيوټو هي هان پچي آني مهني شُنائوم، تو هون تون پيټو هالين. پچي او اوئي علائقي ۾ جيت پي هوشي، تو هون يهودا ري سحې علائقي ۾ اوئي ني جوئين رو.“

24 پچي زيف شهر را منک سائول شون پيل اوټ شون بئير هويا هان او آيري شهر ديشا گیا. اوئي نيم دائود هان اوئي را منک معون زي رڼ پټ ۾ هتام جکو يشيمون علائقي زي دکڅ ديشا ارابا علائقي ۾ هي. 25 پچي سائول هان اوئي را منک دائود ري تلاش ۾ گیا. جدي دائود ني خبر پټي، تو او هيکي جبل ديشا گيو، جکو معون زي رڼ پټ ۾ هي. جدي سائول ني ايئي بات ري خبر پټي، تو اوئي معون زي رڼ پټ ۾ دائود رو لارو کيو. 26 همي جبل زي هيکي پاشي سائول هان پيجي پاشي دائود هان اوئي را منک هتا. دائودم سائول شون ناشتو پټيوم، کیونکه سائول هان اوئي ري منکونم، دائود هان اوئي ري منکون ني جهالڼ ري شارو گهيو کيو هتو. 27 پټ اوئي نيم هيک نياپو ديون آوم، سائول کيدي آيو هان کيو لاگو که، ”چيکا پاچا هالوم، کیونکه فلسطين آپي ملک تي حملو کيو هي.“ 28 تو سائولم، دائود رو لارو کرڅ چوټيو هان فلسطين شون مقابلو کرڅ گيو. ايئي زي کري اوئي جگها رو نون همخلقوت هيو. (جکي رو مطلب هي ”بچاوت آو جبل.“) 29 پچي دائود اوټ شون بئير هوئي عين جدي علائقي زي چرون ۾ ريوڼ لاگو.

دائود رو سائول ني جيتو چوټڼ

24 1 جدي سائول فلسطين شون جنگ کري پاچو آيو، تو اوئي ني خبر پټي که دائودم عين جدي علائقي زي رڼ پټ ۾ هي. 2 پچي سائول سحې اسرائيليون ۾ تين هزار جنگي منک پيټا لي جهنگلي بکرون زي جبل تي دائود هان اوئي ري منکون ري تلاش ۾ گيو. 3 پچي جدي سائول مارگ ۾ ردون ري باڙ کيدي پگو، تو اوټ هيکي چر ۾ کاکوس کرڅ گيو. دائود پي آيري منکون پيټو اوټچ چر ۾ لکيوټو هتو. 4 ايئي تي دائود ري منکون دائود ني کهيو که، ”جو آج آي دن آيو رو، جکي ري باري ۾ پرميشور تني کهيو هتو که، هون تارو دشمن تاري هات ۾ دئين هان جون تارو من کري، اوج اوئي شون کري.“ پچي دائود لک ۾ جائي سائول ري کميش ري چال بايدي لي. 5 پټ پچي دائود ني ايئي بات رو دک هويو که، ”مهې آي کي کيو؟“ 6 پچي دائود آيري منکون ني کهيو که، ”پرميشور ني کري، هون آيري مالک ني دک هتون، کیونکه او پرميشور رو چونديوټو هي.“ 7 ايئي تي دائود آيري منکون ني پاليا که او سائول تي حملو ني کري. پچي سائول اُنيو هان چر شون نکري جاوڼ لاگو. 8 پچي دائود پي اوئي لاري چر شون باهر نکريو هان سائول ني هيلو کري کهيو که، ”مهارا مالک، اي مهارا بادشاہ.“ جدي سائول لاري پاچل قوري دینو، تو دائود اوئي آگهي آبرو شيش نمايو. 9 پچي دائودم، سائول ني کهيو که، ”تو اهڙي منکون زي باتون کيون شُني هي، جکو کي هي که، دائود تاري خلاف هي.“ 10 آج تي آپ دینو که پرميشورم چر ۾ تني مهاري حوالي کيو هتو. مهاري کينکه منکون کهيو که، ”تو ايئي ني ماري چوټ.“ پټ مهې تاري عزت کي هان اوئون ني کهيو که، ”هون آيري مالک ني دک کونهي هتون،

ڪيونڪه او پرميشور رو چُونڊيوڙو هي. 11 تُو مهاري باب آلي ڪار هي. جو تاري ڪميش ري چال مهاري هات ۾ هي. مهني ٿي ماريو ڪونهي، پڻ رگو تاري ڪميش ري چال باڊي هي. ٿي ايتي شون شمعجهڻ ڪي ڪه مهاري من ۾ تاري شارو ڪو پي بگاوت، جون بُرائي ڪونهي. مهني تارو ڪو پي پاپ ڪونهي ڪيئو، پڻ تو پي تُو مهني مارڻ ري شارو ڪري هي. 12 پرميشور آڀو انصاف ڪري هان اوج ٿي شون مهارو بدلو لي، پڻ هون ٿي ڪڏي پي ڏڪ ڪونهي هئون. 13 پروڻو ڪيئو ٿو هي ڪه، ”بچڙو هميشا بچڙائي ڪري هي.“ پڻ هون ٿي ڪڏي پي ڏڪ ڪونهي هئون. 14 تُو اسرائيل رو بادشاه هوني ڪيرو لارو ڪري پڙيو؟ هون ٿي آگهي مونوڙي ڪئي هان ڪيڙي مڪوڙي جهڙو هون. 15 پرميشور آڀو انصاف ڪري هان اوج فيصلو ڪري مهني بي ڏوهي ڪري هان ٿي شون بچاوي.“

16 جڏي دائود، سائول شون اي باتون ڪئي، تو سائول ڪهيو ڪه، ”ڪي اي مهارو ڏيڪرو دائود ٻولي پڙيو؟“ پڇي سائول زور شون روئڻ لاگو. 17 پڇي اوني دائود ني ڪهيو ڪه، ”تُو مهني شون وڌيڪ نيڪ هي، ڪيونڪه مهني ٿي شون بُرائي ڪي، پڻ تو پي ٿي مهني شون پلائي ڪي. 18 آج ٿي ثابت ڪيو ڪه ٿي مهني شون پلائي ڪي هي، ڪيونڪه جڏي پرميشور، مهني تاري هات ۾ ڏينو هتو، تو ٿي مهني قتل ڪونهي ڪيو. 19 پرميشور ٿي ايتي پلائي رو اجر ڏي، جڪو ٿي مهني شون ڪي هي، ڪيونڪه جي ڪي اوني رو دشمن ملي، تو ڪي او اوني ني جيتو چوڙشي؟ 20 همي مهني پروسو هي ڪه تُو ضرور بادشاه هوني هان اسرائيل ري بادشاهي تاري ڪري آجون پي وڌيڪ مضبوط هوشي. 21 ايتي ري ڪري همي تُو مهني شون پرميشور رو شونش لي، تُو مهاري نسل ني ختم ڪونهي ڪري هان مهاري ابا ري خاندان شون مهارو نون متاوي ڪونهي.“ 22 پڇي دائود، سائول شون شونش ليو. پڇي سائول آڀري گهري گيو، پڻ دائود هان اوني را منڪ پاچا چرون ۾ گيا.

سيمونيل ري موت

1 پڇي جڏي سيمونيل مري گيو، تو پڇي شجائي اسرائيلي پيڙا هوني اوني ري شارو ماتم ڪيو هان اوني ني راما شهر ۾ اوني ري خانداني مڪوم ۾ ٻوريو. پڇي دائود اوڻ شون فاران ري رڻ پت ڏيشا گيو. 25

دائود هان نابال

2 معون علائقي ۾ هيڪ منڪ ريتو، جڪي رو نون نابال هتو، او ڪرمل شهر ۾ ڪاروبار ڪرتو. او تموم گهڻو امير هتو، اوني ڪيڏي تين هزار رڍون هان هيڪ هزار بڪري هتي. او ڪرمل شهر ۾ آڀري رڍون ري اُون ڪرتو پڙيو. 3 او ڪالب ري خاندان شون هتو. اوني ري لڳائي رو نون ابيجيل هتو، جڪو تموم گهڻي شمعجهدار هان فوڙي هتي، پڻ نابال تموم گهڻو ريش آڻو هان پاپي منڪ هتو.

4 پڇي دائود رڻ پت ۾ شڻيو ڪه نابال آڀري رڍون ري اُون ڪرتي پڙيو، 5 تو دائود آڀري ڏس منڪون ني اي ڪئي مليا ڪه، ”تي ڪرمل شهر ۾ نابال ڪيڏي جائو هان اوني ني مهارا نمسڪار ڪهيا. 6 تي نابال ني ڪهيا ڪه، ’دائود ڪهيو هي ڪه، ’ايشور ري دايا، ٿي تي، تاري گهر تي هان جڪو ڪئين ٿي ڪيڏي هي، اُونون شجون مائي هوتي ري. 7 مهني خبر هي ڪه تارا منڪ رڍون ري اُون ڪرتي پڙيا. ڪرمل شهر ۾ تارا

دراڙ مهون پيڙا ريتا، پڻ مهون اُونون نِي ڪو پي نقصون ڪونهي ڏينو. او جتري توڻي مهون پيڙا هتا، اُونون ري ڪو پي شني چوري ڪونهي هوي. 8 جِي تاري مرضي هوي، تو آڀري منڪون شون پوچي شگهي هي، او تني ششائي. مهِي خوشي ري ڏن تي ٿي ڪيڏي آيا هون، ايني ري ڪري مهاري منڪون تي مهربوني ڪري. هُون تني منت ڪرون هون ڪه تُو مهني آڀرو ڏيڪرو سمجهي، مهاري هان مهاري منڪون ري جتري پي مدد هوي، او ضرور ڪري.“

9 پچي داؤد ري منڪون نابال ڪيڏي جائي داؤد ري ڪهيوڙي باتون نابال نِي ششائي هان جواب رو انتظار ڪرڻ لاگا. 10 نابال، داؤد ري منڪون نِي ڪهيو ڪه، ”آي يسي رو ڏيڪرو داؤد ڪڻ هي؟ آج ري ڏن تموم گهڻا نوڪر آڀري مالڪ نِي چوڙي ناشي پڙيا. 11 جڪو ٻائي، پوڻي هان موش مهِي آڀري ريون ري اُون ڪترڻ آتون ري شارو راجي هي، ڪي هون آي شجو ڪئين اُونون نِي ڏينون، جڪون نِي هون اولڪتوڻي ڪونهي ڪه او ڪيڏي را هي؟“ 12 ايني تي داؤد را منڪ پاچا گيا هان شجي باتون داؤد نِي ششائي. 13 پچي داؤد آڀري منڪون نِي ڪهيو ڪه، ”تي آڀري آڀري تلوارون ڪنو.“ پچي شجون آڀري تلوارون ليئي هان داؤد پي آڀري تلوار لي. پچي اندازن چار شنو منڪ داؤد پيڙا گيا هان باقي بي شنو منڪ سيمون ڪيڏي پينا.

داؤد هان ايجيل

14 اوني تيم نابال ري نوڪرون ۾ ڪي هيڪي ري لگائي ايجيل نِي ڪهيو ڪه، ”داؤد ڪئينڪه منڪ رڻ پت شون آڀي مالڪ نِي نمسڪار ڪرڻ ري شارو ميليا هتا، پڻ مالڪ اُونون ري تموم گهڻي بي عزتي ڪي هي. 15 اُونون منڪون آڀون شون شنو سلوڪ ڪينو هان آڀون نِي ڪو پي نقصون ڪونهي ڏينو. جتري توڻي آڀي اُونون پيڙا ميدون ۾ هتا، آڀي ڪو پي شني چوري ڪونهي هوي. 16 جتري توڻي آڀون اُونون پيڙي ريون چارئي اُونون هر تيم آڀو تموم گهڻو خيال ڪيو. 17 ايني ري ڪري همي تُو شوچ ڪه تني ڪي ڪرڻو هي، ڪيونڪه آڀو مالڪ هان اوني رو شجو گهر خطري ۾ هي. آڀو مالڪ شقا بيڪار منڪ هي، ايني ري ڪري اوني شون ٻولتو پي ڪونهي.“

18 پچي ايجيل چيڪائي ڪري بي شنو ٻائي، انگورون ري رس ري بي ڏيڙي، راڌوڙي پونچ ريون، اندازن چتي ڪلو پونجوڙا ڏوٿا، تموم گهڻي ڪيشميش هان انجبر ري ناهيوڙي بي شنو ٽڪي، آي شجو سيمون گڏون ماڻي راڪيو 19 هان پچي آڀري نوڪرون نِي ڪهيو ڪه، ”تي مهِي شون پيل جائون هون تون لاري اُون پڙي.“ پڻ اوني آڀري ڏئي نابال نِي ڪئين ڪونهي شتابو.

20 جڏي او گڏي ماڻي چڙهي جبل ري لاهي شون اترتي پڙي، تو داؤد آڀري منڪون پيڙو شومهو آتو پڙيو، تو او اُونون شون ملي. 21 داؤد آڀري منڪون نِي ڪهيو ڪه، ”مهِي رڻ پت ۾ ايني منڪ رو شجو ڏن شنياليو هان ڪو پي شني چوري ڪونهي هوي. مهني ايني رو ڪهڙو فاندوم ڪيونڪه نابال مهِي شون پلائي ري بدلي برائي ڪي هي؟ 22 ايني ري ڪري جي ساڪلي توڻي هون اُونون ري منڪون ۾ ڪي هيڪي نِي پي جيتو چوڙون، تو ايشور مهني ايني ري سخت سزا ڏي.“

23 جڏي ايجيل، داؤد ني ڏينو، تو چيڪائي ڪري گڏي شون اُترِي هان داؤد آگهي زمين توڻي شيش نمايو. 24 ايجيل اُوئي را پگ جهالي ڪيوڻ لاڳي ڪم، ”اي مهارا مالڪ، سڄو ڏوه مهارو هي. مهربوني ڪري آڀري ٻونهي ني ٻولڻ ڏي هان مهاري بات سڻ. 25 اي مهارا مالڪ، هون تني منت ڪرون هون ڪه تُو اُوئي بي وقوف، نابال ري باتون تي ڏهيون ني لڳام، ڪيونڪه نابال رو مطلب هي، بي وقوف. اي مهارا مالڪ، تاري ٻونهي تارا ميليوڙا منڪ ڪونهي ڏينا هئا. 26 اي مهارا مالڪ، پرميشور تني مارڻ هان آڀري هائون بدلو ليوڻ شون بچايو هي. همي اي مهارا مالڪ، جيتي ايشور هان تارو شونش، تاري بچڙائي ڪرڻ آئون هان تاري ڏشمن رو حال نابال جهڙو هوئي. 27 اي مهارا مالڪ، همي تُو آي تحفو لي، هون جڪو تاري ٻونهي تاري هان تاري منڪون ري شارو لي آئي هون. 28 تُو آڀري ٻونهي رو پاپ معاف ڪر. اي مهارا مالڪ، پرميشور ضرور تارو گهر هميشا آباد راکشي، ڪيونڪه تُو پرميشور ري شارو جنگ ڪري هي. تاري سڄي زندگي ۾ ڪو پي بُرائي ڪونهي هوئي. 29 بيشڪ، منڪ تارو لارو ڪري تني مارڻ ري ڪوشش ڪشي، پڻ پرميشور تارو ايشور آپ تاري رُڪائي راکشي هان تارا ڏشمن ايئون الڳا اُچلاشي، جهڙا ڪيوڻي شون گولولا. 30 اي مهارا مالڪ، جڏي پرميشور تني شون ڪيوڙا آڀرا سڄائي واعدو پورا ڪرشي هان تني اسرائيل رو سردار ناشي، 31 تو تني ايئي بات رو ڏڪ ڪونهي هوئي هان نڪو تُو پڇتاوي ڪه تي ڪي بي ڏوهي ني قتل ڪيو، جون ڪي شون آڀرو بدلو ليو هي. اي مهارا مالڪ، جڏي پرميشور تني ڪامياب ڪري، تو آڀري ايئي ٻونهي ني ياد راکي.“

32 پڇي داؤد، ايجيل ني ڪهيو ڪم، ”پرميشور، اسرائيل ري ايشور ري بڪوڻ هوئي، جڪي تني آج مهني شون ملڻ ري شارو ميلي هي. 33 تُو برڪت آئي هي هان تاري سمجه پي، جڪي مهني آج مارڻ هان آڀري هائون بدلو ليوڻ شون بچايو هي. 34 پرميشور، اسرائيل ري جيتي ايشور رو شونش، جڪي مهني تارو نقصون ڪرڻ شون پاليو. جي تُو چيڪي مهني شون ملڻ ني ائوننت، تو ڏن اڳڻ شون پيل نابال ري منڪون ۾ هيڪ پي جيتو ڪونهي بچونت.“ 35 پڇي داؤد او سڄو ڪئين لئو، جڪو ايجيل ائون ري شارو لي آئي هتي هان اُوئي ني ڪهيو ڪم، ”تُو خيريت شون آڀري گهري جام، مهني تاري بات سڻي هي هان تاري عزت ڪي هي.“

نابال ني سزا ملڻ

36 پڇي ايجيل آڀري گهري پاڇي آئي هان ڏينو ڪه نابال هيڪ موتي دعوت ڪي هي. نابال تموم گهڻو خوش هان نشي ۾ ڏت هتو، ايئي ري ڪري اُوئي شاڪلي توڻي اُوئي ني ڪئين ڪونهي سڻايو. 37 شاڪلي جڏي نابال رو نشو اُتريو، تو اُوئي ري لڳائي اُوئي ني او سڄي باتون سڻائي. اي سڻي نابال ني دل رو دورو پڙيو هان او پتر آئي ڪار هوئي گيو. 38 پڇي ڏشون ڏنون شون پڇي، پرميشور نابال ني سزا ڏيئي هان او مري گيو. 39 جڏي داؤد ني خبر پڙي ڪه نابال مئو رو، تو اُوئي ڪهيو ڪم، ”پرميشور ري بڪوڻ هوئي، ڪيونڪه اُوئي آج نابال شون مهاري بي عزتي رو بدلو لئو هي هان آڀري ٻونهي ني بُرائي شون بچايو هي. پرميشور، نابال رو پاپ نابال تي لڳايو هي.“

دائود رو اييجيل شون بيان

پچي دائودم اييجيل ڏيڻا نياپو ميليو ڪم ”تو مهڻي شون بيان ڪر.“

40 پچي دائود را نوڪر ڪرمل شهر ۾ اييجيل ڪڍي آيا هان ڪهيو ڪم ”دائود تي شون بيان ڪرڻ ري شارو مهوني نياپو ڏي مليا هي.“ 41 ايئي تي اييجيل زمين توڻي نيمي شيش نمايو هان ڪهيو ڪم ”جوئو، هون اوئي ري بونهي هون، هون آڀري مالڪ ري نوڪرون را پگ ڌوئڻ ري شارو پي تيار هون.“ 42 پچي اييجيل چيڪي تيار هوئي گڏي ماتي سوار هوئي هان آڀري پونج بونهي آڀ پڙي ليئي. پچي او دائود ري نوڪرون پڙي گئي هان جائي دائود شون بيان ڪيو.

43 پچي دائودم اخينوعم شون بيان ڪيو، جڪو يزريعل شهر ري هتي، ايئي نموني دائود ري بي لگائي هتي. 44 پچي سائول آڀري ڏيڪري ميڪل، جڪو دائود ري لگائي هتي، اوئي رو بيان ليس ري ڏيڪري فلطي شون ڪرايو، جڪو جليم شهر رو هتو.

دائود رو سائول ني پڙي جيتو چوڙڻ

1 پچي زيف شهر را منڪ پڙي سائول ڪڍي جمع شهر ۾ آيا هان سائول ني ڪهيو ڪم، ”ڪي دائود حڪيلا جبل ۾ لڪيوڙو ڪونهي؟ جڪو يشيمون ري رڻ پت ري شومهو هي.“ 2 ايئي تي سائول تين هزار چونڊيوڙا اسرائيلي جنگي منڪ آڀ پڙا ليئا هان زيف شهر ري رڻ پت ڏيڻا گيو ڪه اوت دائود ري تلاش ڪري. 3 پچي سائول حڪيلا جبل ري مارگ ڪڍي آيو تنبو لگايو، جڪو يشيمون ري رڻ پت ري شومهو هي. اوئي تيم دائود رڻ پت ۾ هتو هان اوئي ني خبر پڙي ڪه سائول اوئي لاري رڻ پت ۾ آيو هي. 4 ايئي تي دائود جاچوس ميلي خبر لي ڪم، ڪي سائول واقعي ايت آيو هي؟ 5 پچي دائود اوت شون سائول ري تنبو ڏيڻا آيو هان او جگها ڏيني، جيت سائول هان نير رو ڏيڪرو ابنير شوتوڙا هتا. ابنير سائول ري فوج رو سردار هتو. سائول بچ ۾ اوناڱجوڙو هتو هان اوئي را منڪ پي اوئي ري چوڌاري اوناڱجوڙا هتا. 6 پچي دائودم، اخيملڪ جتي هان آڀري بين ضروياه ري ڏيڪري ايشي ني جڪو يواب رو پائي هتو، ڪهيو ڪم، ”مهڻي پڙو سائول ري تنبو ۾ ڪڻ هالشي؟“ ايشي ڪهيو ڪم، ”هون تي پڙو هالين.“

26

7 پچي دائود هان ايشي رات رو اوئون ري تنبو ۾ گيا هان ڏينو ڪه سائول تنبو ۾ شوتو پڙيو هي هان اوئي رو پالو اوئي ري شروٽيئي زمين ۾ آيو ڪيوڙو هي. اوئي ري چوڌاري ابنير هان اوئي را منڪ شوتوڙا هتا. 8 پچي ايشي، دائود ني ڪهيو ڪم، ”آج ايشور تارو دشمن تاري هات ۾ ڏينو هي، همي تو مهني موڪل ڏي، تو هون پالي ري هيڪي ڌڪ شون اوئي ني زمين ۾ رڻي چوڙون هان بيجي ڌڪ ري ضرورت پي ڪونهي پڙي.“ 9 دائودم، ايشي ني ڪهيو ڪم، ”اوئي ني ماري ني، ڪيونڪه جڪو پي پرميشور ري چونڊيوڙي تي هات ڪڻشي، تو او ڏوهاري هوڻي.“ 10 پچي دائود آي پي ڪهيو ڪم، ”جيتي پرميشور رو شونش، جڏي اوئي ري موت آشي، تو پرميشور آڀ اوئي ني مارشي، جون جنگ ۾ ماريو جاشي.“ 11 پرميشور ني ڪري ڪه هون اوئي ري چونڊيوڙي تي هات ڪئون، تو رگو اوئي ري پوڻي ري گگهي هان پالو اوئي ري شروٽيئي شون ڪڻ، تو آبي هالون.“ 12 پچي

دائود پالو هان گگهي سائول ري شروئيئي شون ڪڍي هان او بونا گيا. اوت ڪي پي اوئون ني ڏينا ڪونهي، نڪو ڪيئي خبر پڙي هان نڪو ڪن جاگيو، ڪيونڪه پرميشور اوئون تي تموم گهڻي اونگ ميلي هتي، ايني ري ڪري او اونگ ۾ هتا.

13 پڇي دائود وادي پار ڪري جبل ري چوئي مائي جائي ايو هان اوئون ري بچ ۾ تموم گهڻي پئي هتي. 14 پڇي دائود اوئون ني هان نير ري ڏيڪري ابنير ني هيلو ڪري ڪهيو ڪه، ”اي ابنير، ڪي تُو سُڻي پڙيو؟ مهني بلتي ڏي.“ ايني تي ابنير ڪهيو ڪه، ”تُو بادشاه شون زور شون بولڻ آڻو ڪيو هي؟“ 15 ايني تي دائود ڪهيو ڪه، ”ڪي تُو دلير ڪونهي؟ ڪي اسرائيليون ۾ ٿي جهڙو بيجو ڪن هي؟ پن ٿي آڀري مالڪ بادشاه ري رڪالڻي ڪيون ڪونهي ڪي؟ ڪيونڪه هيڪ منڪ تاري مالڪ تاري بادشاه ني مارڻ، تون ڪڍي آيو هتو. 16 ٿي آي سُنو ڪونهي ڪيئو. جيتي پرميشور رو شونش، ٿي شجائي موت را حقدار هوم، ڪيونڪه تون آڀري مالڪ، جڪي ني پرميشور چونديو هي، اوئي ري رڪالڻي ڪونهي ڪي. بادشاه رو پالو هان اوئي ري پوڻي آڻي گگهي، جڪو اوئي ري شروئيئي هتي، تُو جوم همي او ڪي ڪي هي؟“ 17 پڇي سائول، دائود رو بولڻ اولڪي ڪهيو ڪه، ”اي مهارا ڏيڪرا دائود، ڪي تُو هي؟“ دائود ڪهيو ڪه، ”اي مهارا مالڪ، اي بادشاه، هاوي، هون هون.“ 18 پڇي دائود آي پي ڪهيو ڪه، ”اي مهارا مالڪ، تُو ڪيئون هات ڏوئي آڀري بونهي لاري پڙيو هي؟ مهني ڪي ڪيئو، مهني شون ڪهڙو ڏوه هويو هي؟“ 19 اي مهارا مالڪ، اي بادشاه، همي آڀري بونهي ري بات سڻ، جي پرميشور ٿي مهاري خلاف ڪيئو هي، تو او ڪو پي بلدون قبول ڪري هان جي آي ڪوم ڪي انسون رو هي، تو او پرميشور آگهي لعنتي هوئي. اوئون آج مهني پرميشور ري وراثت شون ڪاڍيو هي هان ڪهيو هي ڪه، ’جائي بيجي ڏيونتون ري پوجا ڪر.‘ 20 ايئون ني هوئي ڪه هون آڀري وطن هان پرميشور شون انگو جائي مرون. اسرائيل رو بادشاه مهاري تلاش ۾ ايئون نڪريو، جهڙو شڪاري جبلون ۾ تيترون ري شڪار تي نڪريو هوئي.“

21 ايني تي سائول ڪهيو ڪه، ”اي مهارا ڏيڪرا دائود، تُو پاچو آ، ڪيونڪه مهني شون غلطي هوئي هي. همي هون ٿي ڪو پي نقصون ڪونهي ڏيون، ڪيونڪه آج ٿي مهاري زندگي ني وڌيڪ خاص سمجهي. جوم مهني بي وقوفي ڪي هان مهني شون موتي غلطي هوئي هي.“ 22 دائود ڪهيو ڪه، ”اي بادشاه، جوم تارو پالو مهني ڪڍي هي، ڪي نوڪر ني ميل، تو آي لي جاوي. 23 پرميشور هر هيڪ ني اوئي ري شجائي هان ايمونداري رو اجر ڏي. پرميشور آج ٿي مهاري حوالي ڪيئو هتو، پڻ مهاري مرضي ڪونهي هتي ڪه پرميشور ري چونڊيوڙي بادشاه تي آڀرو هات ڪئون. 24 جهڙي نموني آج مهني ٿي خاص سمجهو، اوڻيچ نموني پرميشور پي مهني خاص سمجهي هان مهني شجي مڙيوتون شون بچاوي.“ 25 ايني تي سائول، دائود ني ڪهيو ڪه، ”اي مهارا ڏيڪرا دائود، تُو برڪت آڻو هي. تُو موتا موتا ڪوم ڪري هان شجي ڪوم ۾ ڪامياب هوئي.“ پڇي دائود آڀري مارگ بونو گيو هان سائول پي آڀري گهري گيو.

دائود رو فلسٽيون ري مُلك ناشي جاوڻ

27

¹ پڇي دائود آڀري من ۾ ڪهيو ڪم ”هُون هيڪ ڏن سائول ري هاٿون ضرور ماريو جائين. اِئيني ري ڪري سُنو هي ڪه هُون فلسٽيون ري مُلك ڏيشا ناشي جاوڻ ڪه سائول سڄي اسرائيل ۾ مهارو لارو ڪرڻ چوڙي، اِئيني نموني هُون اوئي سون بچي جائين.“

² پڇي دائود آڀري چي سئو منڪون پيڙو جات شهر ري بادشاهه اڪيس ڪڍي گيو، جڪو معوڪ رو ڏيڪرو هتو. ³ دائود هان اوئي را منڪ آڀري خاندان سُودا جات شهر ۾ اڪيس ڪڍي رهيا. دائود ري ٻئي لڳائي اخينوعم هان ايجيل پي اوئي پيڙي هتي. اخينوعم، يزرعيل شهر ري هتي هان ايجيل جڪو پيل ڪرمل شهر آئي نابال ري لڳائي هتي. ⁴ پڇي سائول ني خبر پڙي ڪه دائود جات شهر ڏيشا ناشي گيو هي، تو اوئي ڪڍي پي دائود ري تلاش ڪونهي ڪي.

⁵ دائود ۾ اڪيس بادشاهه ني ڪهيو ڪم ”جي تاري مهني تي دايا ري نظر هي، تو مهني اِئيني مُلك ري ڪي بچي شهر ۾ ريوڻ ڏي ڪه هُون اوڻ رون. هُون ڪيئون اِئيني موئي شهر ۾ ٿي پيڙو رون.“ ⁶ اِئيني تي اڪيس اوئي ڏن دائود ني صقلاج شهر ڏيون. اِئيني ري ڪري او شهر آج توڻي يهودا ري بادشاهون رو شهر هي. ⁷ پڇي دائود فلسٽيون ري مُلك ۾ هيڪ سال چار مهينا رهيو.

⁸ اوئي تيم دائود هان اوئي ري منڪون جاتي اوڻون علائقون تي حملو ڪيئو، جيت جسوري، جزري هان عماليقي قومون ريتي. آي قومون پروڻي زموني سون شور علائقي سون لي مصر مُلك ري حد توڻي ريتي. ⁹ دائود جڪي پي علائقي تي حملو ڪرتو، تو او علائقا سقا برباد ڪري چوڙتو هان ڪي پي لڳائي جون آدمي ني جيتو ڪونهي چوڙتو. او اوڻون ري رڍون بڪري، ڍگا، گڏا، اونٽ هان گاپا لي، پاچو اڪيس بادشاهه ڪڍي آوتو. ¹⁰ اِئيني تي اڪيس اوئي سون پوچتو ڪم، ”آج ٿي ڪيت سون مال ڪوشيو؟“ تو دائود ڪڍي ڪيتو ڪم، ”يهودا قبيلي ري ڏڪڻ علائقي سون.“ ڪڍي ڪيتو ڪم، ”يرحميلي قبيلي ري ڏڪڻ علائقي سون.“ هان ڪڍي ڪيتو ڪم، ”قيني قبيلي ري ڏڪڻ علائقي سون.“ ¹¹ دائود جنگ ري تيم اوڻون ۾ ڪي پي آدمي جون لڳائي ني جيتو جات شهر ۾ ڪونهي لي آوتو. اوئي شوچو ڪم، ”ڪيت اِئون ني هوڙي ڪه فلسٽيون ني اِئيني بات ري خبر پڙي ڪه هُون اسرائيلون تي حملا ڪونهي ڪرتو.“ جتري توڻي دائود، فلسٽيون ري مُلك ۾ رهيو، اُتري توڻي او اِئوج ڪرتو رهيو. ¹² پڇي اڪيس، دائود تي ڀروسو ڪري شوچو ڪم، ”اسرائيلي دائود سون نفرت ڪري هي، اِئيني ري ڪري آي هميشا مهارو شيوڌاري ريشي.“

28

¹ پڇي اوڻون ڏنون ۾ فلسٽي قوم را منڪ اسرائيلون سون جنگ ري شارو پيڙا هويا. اِئيني تي اڪيس دائود ني ڪهيو ڪم، ”هُون تارا منڪ مهاري فوج پيڙا هالو.“ ² پڇي دائود ڪهيو ڪم، ”هُون تارو بونهو همي ضرور ڪئين ڪري شگهون هون.“ اِئيني تي

اڪيس دائود ني ڪهيو ڪم، ”آي سُني بات هي، همي هُون آڀري رُڪائي ري شارو هميشا ٿي پيڙو راکين.“

سائول رو پوپي ري گهري جاوڻ

³ اُوئي تيم سيموئيل مري گيو هانَ سَجِي اسرائيلون اُوئي تي دُڪ ۾ ماتم ڪيئو. پَچي اُوئون سيموئيل ني اُوئي ري شهر راما ۾ بوريو. اُوئي تيم سائول جادوگرُون هانَ پوپون ني مُلڪ شون ڪاڍيا هتا.

⁴ پَچي فلسطي پيڙا هويا هانَ شونيم شهر ڪڍي تنبو لڳايا. اِيني تي سائول پي سَجائي اسرائيلي پيڙا ڪينا هانَ جَلبوعا جبل ڪڍي آڀرا تنبو لڳايا.

⁵ جڏي سائول فلسطين ري فوج ڏيئي، تو او پي ۾ ڏڪڻ لاڳو. ⁶ پَچي سائول ۾ پرميشور شون پُچوم، پڻ پرميشور ڪو پي بلتي ڏيئي، يعني

نڪو شپني ۾، نڪو ايشور ري مرضي اولڪن آلي اُوريم پتر شون هانَ نڪو نبي ري وسيلي. ⁷ پَچي اُوئي آڀري نوڪرون ني ڪهيو ڪم، ”ڪي پوپي ني جوئو ڪم هون اُوئي ڪڍي جائي ايشور ري مرضي جوئون.“ اِيني تي نوڪرون ڪهيو ڪم، ”عين دور شهر ۾ هيڪ پوپي ري هي.“ ⁸ پَچي

سائول گاپا مٿائي بي منڪ آب پيڙا ليئا هانَ رات رو اُوئي پوپي ري گهري گيو. سائول اُوئي ني ڪهيو ڪم، ”آڀري علم شون او آتما اٿام، جڪي رو

نون هون تني سُٿائون.“ ⁹ اِيني تي پوپي ڪهيو ڪم، ”ڪي تني خبر ڪونهي ڪم سائول سَجِي پوپون هانَ جادوگرُون ني مُلڪ شون ختم ڪرايا هي،

ڪي تُو مهني پي قنائي مرائي؟“ ¹⁰ اِيني تي سائول، پوپي ني ڪهيو ڪم، ”جيتي پرميشور رو شونش، تني اِيني ڪوم ري ڪو پي سزا ڪونهي

ملي.“ ¹¹ پَچي پوپي پُچو ڪم، ”هون ڪي آتما تاري سازو اٿائون؟“ سائول ڪهيو ڪم، ”سيموئيل ري آتما.“

¹² جڏي پوپي سيموئيل ني ڏينو، تو زور شون رڙ ڪري سائول ني ڪهيو ڪم، ”تي مهني شون نڳي ڪي هي، تُو تو سائول بادشاه هي.“ ¹³ اِيني

تي سائول بادشاه اُوئي ني ڪهيو ڪم، ”تُو ني بيتاج، مهني سُٿام، تي ڪي ڏينو؟“ اُوئي ڪهيو ڪم، ”هون هيڪ آتما زمين شون ماڻي آوتي ڏيڪون

پڙي.“ ¹⁴ پَچي سائول پُچو ڪم، ”او آتما ڪهڙي هي؟“ تو اُوئي ڪهيو ڪم، ”هيڪ بُوڊو منڪ، جڪي رو جُبو پيريوڙو هي.“ اِيني تي سائول

شمجهو ڪم او سيموئيل هي. پَچي سائول زمين توڻي جُهڪي شيش نمايو. ¹⁵ پَچي سيموئيل، سائول ني ڪهيو ڪم، ”تي ڪيئون پتال شون هيلو

ڪري مهارو آروم قنايو؟“ تو سائول ڪهيو ڪم، ”هون تموم گهڻو پريشون هون، ڪيونڪه فلسطي مهني شون پڙهيجي هي هانَ ايشور مهني چوڙيو

رو. هون ڪي شون پُچون؟ ڪيونڪه او نڪو شپني ۾، نڪو نبي ري وسيلي، مهني ڪو بلتي ڏيتو. مهني تني اِيني ري ڪري اٿايو، تُو مهني سُٿا

ڪم هون ڪي ڪرون؟“ ¹⁶ اِيني تي سيموئيل ڪهيو ڪم، ”تُو مهني شون ڪيئون پُچي هي؟ پرميشور تني چوڙيو رو هانَ همي او تارو ڏُشمن هي.

¹⁷ پرميشور مهاري وسيلي جڪو ڪهيو اوج ڪيئو هي. اُوئي تي شون بادشاهي ڪوشي داڻوڊ ني ڏيئي هي. ¹⁸ تي پرميشور ري نافرمني ڪي هانَ

جون پرميشور حُڪم ڏينو هتو، تي عماليقي قوم ني سزا ڪونهي ڏيئي. اِيني ري ڪري همي پرميشور تي شون ايئوج ڪيئو هي. ¹⁹ همي پرميشور

تني، اسرائيلون هانَ اُوئي ري سَجِي فوج ني فلسطين ري حوالي ڪرشي. شواري تُو هانَ تارا ڏيڪرا مهني پيڙا هوشو.“

²⁰ اِيني تي سائول آي سُٿي تموم گهڻو بيتاجو هانَ آڏ مئوئو هوئي زمين تي ڪريو، ڪيونڪه اُوئي پورو ڏن هانَ سَجِي رات ٻاتي ڪونهي ڪاڏي هتي.

²¹ اِيني تي او پوپي سائول ڪڍي آئي هانَ ڏينو ڪم او تموم گهڻو پريشون هي. تو اُوئي سائول ني ڪهيو ڪم، ”جو تني جڪو ڪئين ڪهيو، او

مهي ڪيئو، ٿاري ٻونهي آڀري جان ري پرواه ڪونهي ڪي هان ٿاري بات مڃي. ²² همي هون جڪو ٿاري ٻونهي آڻي ڪار هون، مهاري بات من، هون ٻاڻي لي ائون هون. تو ٻاڻي ڪا ڪه ٿئي ڪئين طاقت ملي هان تو سفر ڪري شگهي. ²³ ايني تي سائول انڪار ڪري ڪهيو ڪه، ”هون ٻاڻي ڪونهي ڪائون.“ پڻ سائول ري نوڪرون هان اوئي پويي سمجهايو، تو اوئي اوئون ري بات مڃي هان زمين شون ائي پلنگ تي ٻنو. ²⁴ اوئي پويي ري گهري هيڪ متالو توگهڙو هتو. اوئي چيڪو اوئي ني بدايو هان شيدو ڪري بنا ڪمير ٻاڻي گهڙي. ²⁵ پچي اوئي سائول هان اوئي ري نوڪرون ني ٻاڻي ڏيني هان اوئون ٻاڻي ڪاڏي. پچي او اوئيچ رات ائي ٻونا ڪيا.

فلسطين رو دائود تي شڪ

29 ¹ پچي فلسطين آڀري شجي فوج افيق شهر ۾ پيڙي ڪي هان اسرائيلون، يرعيل ڊنڊ ڪڍي آڀرا تنبو لگايا. ² فلسطين را سردار شو شو هان هزار هزار تولون آگهي جاوتا پڙيا هان دائود پي آڀري منڪون پيڙو اڪيس لاري جاوتو پڙيو. ³ ايني تي فلسطي سردارون ڪهيو ڪه، ”آي عبراني ايت ڪي ڪري پڙيا؟“ اڪيس اوئون ني ڪهيو ڪه، ”آي اسرائيل ري بادشاه سائول رو نوڪر هي، جڪو تموم گهڙي تيم شون مهي پيڙو هي. جڏي شون آي ناشي مهي ڪڍي آيو هي، اوئي تيم شون لي آج توڻي مهي اوئي ۾ ڪو پي ٻرائي ڪونهي ڏيني.“ ⁴ پڻ فلسطي سردار اوئي شون ناراض هوئي ڪيوڻ لاگا ڪه، ”آي منڪ پاچو ميل هان آي اوڻ جاوي، جڪو جگها ٿي اوئي ري شارو چوندِي هي. آي مهون پيڙو جنگ ۾ ڪونهي هالي، ڪيٽ ايئون ني هووي ڪه آي جنگ ۾ آڻو دشمن هووي. آي آڀري مالڪ سائول شون نهيجڻ ري شارو آڻي باڊيوڙي نئون اوئي ڪڍي لي جاشي. ⁵ ڪي آي اوج دائود ڪونهي، جڪي ري باري ۾ لڳايون ناچي گايو هتو ڪه، ’سائول تو هزارون ني ماريام، پڻ دائود لڪون ني؟‘“ ⁶ ايني تي اڪيس دائود ني هيلو ڪرائي ڪهيو ڪه، ”جيتي پرميشور رو شونش، مهنِي خبر هي ڪه تو نيڪ هي هان مهاري مرضي هتي ڪه تو ايئي جنگ ۾ مهي پيڙو هالي. ڪيونڪه جڏي شون تو مهي ڪڍي آيو هي، مهي آج توڻي ٿي ۾ ڪو پي ٻرائي ڪونهي ڏيني، پڻ تو پي آي سردار ٿي پسند ڪونهي ڪرتا. ⁷ ايني ري ڪري تو همي خيريت شون پاچو گهري جام ڪو پي اهڙي بات ني ڪري، جڪي شون فلسطي سردار ٿي شون ناراض هووي.“ ⁸ دائود اڪيس ني ڪهيو ڪه، ”مهي اهڙو ڪي ڪيئو؟ جڏي شون هون ٿي پيڙو هون، ڪي آج توڻي ٿي مهي، يعني آڀري ٻونهي ۾ ڪو غلطي ڏيني؟ هون آڀري مالڪ، آڀري بادشاه ري دشمنون شون جنگ ڪرڻ ڪيئون ڪونهي هالي شگهتو؟“ ⁹ ايني تي اڪيس دائود ني ڪهيو ڪه، ”مهنِي خبر هي ڪه تو مهاري نظر ۾ ايشور ري فريشتي جهڙو هي، پڻ فلسطي سردارون ڪهيو ڪه، ’آي مهون پيڙو جنگ ۾ ني هالي. ¹⁰ تو شاڪلي تارهي ڏن اگڻ شون پيل آڀرا منڪ لي ٻوئو جائي.“ ¹¹ پچي دائود هان اوئي را منڪ شاڪلي تارهي اُنيا هان فلسطين ري ملڪ پاچا بئير هويا. پچي فلسطي يرعيل علائقي ڏيشا ڪيا.

عمالقيون شون جنگ

30

¹ پچي تيجي ڏن جڏي داڻوڊ هان اوني را منڪ صقلاج شهر ۾ پڳا، تو ائون ڏينو ڪه عمالقيون ڏڪڻ علائقي هان صقلاج شهر تي حملو ڪيو هِي هان صقلاج شهر ني پي ٻاليو هِي. ² ائون ڪيني پي ڪونهي ماريو، پڻ شجي لڳائي هان جڪو پي اوڻ هتم نيا موتا شجائي ٻونڌي لي گيا هِي. ³ جڏي داڻوڊ هان اوني ري منڪون شهر ۾ آئي ڏينو ڪه شجو شهر ٻليو پڙيو هِي هان ائون ري لڳائي، ڏيڪرا هان ڏيڪري ڪئي لي گيا هِي، ⁴ تو داڻوڊ هان اوني را منڪ اتر رونا ڪه ائون ۾ وڌيڪ روئڻ ري همت ڪونهي رئي. ⁵ او داڻوڊ ري پيئي لڳائي اخينوعم هان ايجيل ني پي قيد ڪري لي گيا.

⁶ داڻوڊ را منڪ داڻوڊ ني پتر هئي مارڻ ري باتون ڪرتا پڙيا، ڪيونڪه منڪ آڀري ڏيڪرون هان ڏيڪريون ري شارو تموم گهڻا پريشون هتا. داڻوڊ پي تموم گهڻو پريشون هتم، پڻ پرميشور، اوني ري ايشور اوني ني همت ڏيني. ⁷ پچي داڻوڊ اخيملڪ ري ڏيڪري ابي ياتر پوجاري ني ڪهيو ڪه، ”تو پوجاري آڻو جبو مهِي ڪيڊي لي آ.“ ابي تي ابي ياتر او جبو داڻوڊ ڪيڊي لي آيو. ⁸ پچي داڻوڊ پرميشور شون پوچو ڪه، ”جي هون عمالقيون رو لارو ڪرون، تو ڪي تو ائون ني مهاري حوالي ڪري؟“ پرميشور اوني ني ڪهيو ڪه، ”تو ائون لاري جا، ڪيونڪه تو ضرور ائون توڻي پڳي هان شجو ڪئين چوڙائي لي آئي.“

⁹ ابي تي داڻوڊ هان اوني را چي شئو منڪ جڪو اوني پڙيا هتا، بئير هويا هان بسور نڊي تي پڳا. ائون ۾ جڪو ٿڪا هتا، او اوڻج پيشي رهيا. ¹⁰ پڻ داڻوڊ چار شئو منڪون پڙيو نڊي ٿيبي ائون رو لارو ڪرتو رهيو. باقي بي شئو منڪ جڪو ٿڪا هتا، او بسور نڊي ٿيبي ڪونهي شگهيا هان او لاري رئي گيا.

¹¹ پچي داڻوڊ ري منڪون ني ميدون ۾ هيڪ مصري منڪ پڙيو مليو، تو اوني ني ڪئي داڻوڊ ڪيڊي لي آيا. ائون اوني ني بائي هان پوڻي پيٽايو. ¹² پچي ائون اوني ني انجير ري هيڪ ٽڪي هان توڙي ڪيشميش ڪاوڻ ري شارو ڏيني. جڏي اوني آي شيون ڪاڏي، تو اوني ني همت ملي، ڪيونڪه اوني تين ڏن هان تين راتون نڪو بائي ڪاڏي، نڪو پوڻي پيو هتم. ¹³ پچي داڻوڊ اوني شون پوچو ڪه، ”تارو مالڪ ڪڻ هِي هان تو ڪيڻ رو هِي؟“ اوني ڪهيو ڪه، ”هون مصري هون هان هيڪي عمالقي رو غلوم هون. مهارو مالڪ مهني ايت چوڙي گيو هِي، ڪيونڪه هون تينون ڏنون شون بيمار هون. ¹⁴ مهون ڪريتيون ري ڏڪڻ ۾، يهودا ري علائقي ۾ هان ڪالب ري ڏڪڻ ۾ ڦر مار ڪي هان پچي صقلاج شهر ني ٻاليو هتم.“ ¹⁵ پچي داڻوڊ اوني شون پوچو ڪه، ”ڪي تو مهني ائون قورون ڪيڊي لي جائي؟“ اوني ڪهيو ڪه، ”تو مهني ايشور رو شونش ڏي ڪه تو مهني ماري ڪونهي، نڪو مهني مهاري مالڪ ري حوالي ڪري، تو هون ٿني اوڻ لي هالين.“

¹⁶ جڏي مصري منڪ داڻوڊ ني اوڻ لي گيو، تو ڏينو ڪه چارئي پاشي منڪ ني منڪ هِي، جڪو ڪوشيوڙي مال رو جشن ملهاوتا پڙيا هان ڪاوتا پيٽا پڙيا. آي مال ائون فلستيون ري ملڪ هان يهودا علائقي شون ڪوشيو هتم. ¹⁷ پچي داڻوڊ رات ري پيلڪي پهر شون لي پچي ڏن شام توڻي

اُونون ني قتل ڪرتو رهيو. اُونون تي سوار هوئي ناشن آئي چار سئو منڪون شون نال، باقي شجائي منڪ ماريجا. ¹⁸ پڇي داؤد عماليقيون شون او شجو ڪئين چوڙايو، جڪو او ڦري لي آيا هئا هان آڀري بيئي لڳائي پي چوڙائي. ¹⁹ اُونون ري ڪو پي شئي گم ڪونهي هوئي، نڪو ننڪي نڪو موتي، نڪو ڏيڪرا، ڏيڪري، نڪو بيجو ڪو اهڙو سيمون، جڪو او ڪوشي لي گيا هئا. داؤد، او شجو ڪئين پاڇو لي آيو. ²⁰ داؤد شجي ريون ٻڪري هان ڊگام، ڊگي لي آيو. ايئون شون نال داؤد را منڪ عماليقيون رو مال آي ڪئي لي آيا ڪم، ”آي ڦر رو مال داؤد رو هي.“

ڦر رو مال بلاوڻ

²¹ پڇي داؤد اُونون پي سئو آدميون ڪڍي پاڇو آيو، جڪو بسور نڍي تي ٽڪي لاري رهيا هئا. او داؤد هان اُونون ري منڪون شون ملڻ آيا. جڏي داؤد اُونون ري نيڙو ٻُڳو، تو اُونون ني نمسڪار ڪهيو. ²² ايئي تي داؤد پيڙا جاوڻ آئي منڪون ۾ شرارتي هان ڀڄڙي منڪون ڪهيو ڪم، ”مهون جڪو ڪئين چوڙايو هي، او ليون ري شارو آي مهون پيڙا ڪونهي هاليا هئا، ايئي ري ڪري مهني ايئون ني ڪوشيوڙي مال ۾ ڪو پي حصو ڪونهي ڏيون.“ او رگو آڀري لڳائي هان ٻال لي جاوي.“

²³ پڻ داؤد ڪهيو ڪم، ”اي مهاري پايون، ايئون ني ڪرو. آي شجو ڪئين پرميشور آيون ني ڏينو هي، اُوئي آيون ني بجايا هان اُوئي اُونون ڦوروئون ني آڀي حوالي ڪينام، جڪو آڀي شهر تي حملو ڪرڻ آيا هئا. ²⁴ ٿوري آي بات ڪڻ منشي؟ ڪيونڪه جترو حصو جنگ ۾ ٻڙهڻ آئي رو هي، اُترو اُوئي رو پي، جڪو سيمون ڪڍي ري هي، ايئي ري ڪري پيئون رو حصو برابر هي.“ ²⁵ داؤد اُوئي ڏن شون اسرائيل ري شارو آي اصول هان قانون ناهيو، جڪو آج توڻي هي.

²⁶ جڏي داؤد صقلاج شهر ۾ پاڇو آيو، تو يهودا را اڳوڻ جڪو اُوئي را دوست هئا، اُونون ني پي ڪوشيوڙي مال ۾ ڪئين ميلي ڪهيو ڪم، ”آي پرميشور ري ڏشمنون ري مال ۾ ٿوري شارو تحفو هي.“ ²⁷ داؤد آي تحفا اُونون منڪون ڏيشا ميليا، جڪو ايئون شهرن ۾ ريتا، بيت ايل، ڏڪڻ ڏيشا رامات، بيتير، ²⁸ عروعر، سيموت، استموم، ²⁹ رڪل، يرحميلي را شهر، فينيون را شهر، ³⁰ حرمام، بورعاسان، عتاڪ ³¹ هان اُونون ڪڍي، جڪو حبرون شهر ۾ ريتا. اُونون شجون علائقون ۾ پي تحفا ميليا، جيٽ داؤد هان اُوئي را منڪ گيا هئا.

سائول هان اُوئي ري ڏيڪرون ري موت

¹ پڇي فلسطين اسرائيليون شون جنگ ڪي هان اسرائيلي فلسطينون آگهي ناشي گيا هان او جلبوعا جبل تي ماريجا. ² پڇي فلسطينون سائول هان اُوئي ري ڏيڪرون رو لارو ڪيو هان سائول ري ڏيڪرون يونتن، ايندبا هان ملڪيشوع ني پي ماري چوڙيا. ³ آي جنگ سائول ري شارو تموم گهڻي مصيبت آئي هتي. پڇي ڪينڪه تير هلاوڻ آون سائول ني ڏينوم، تو اُوئي ني تموم گهڻو زخمي ڪيو. ⁴ پڇي سائول آڀرا جنگي هٿيار ڪڻڻ آئي ني ڪهيو ڪم، ”آڀري تلوار شون مهني مار، ڪيٽ ايئون ني هووي ڪه بنا ڪنتي آلا آوي، مهاري بي عزتي ڪري مهني ماري.“ پڻ او تموم گهڻو بيتاجوم، ايئي ري ڪري اُوئي ايئون ڪونهي ڪيو. پڇي سائول آڀري تلوار لي آڀ اُوئي مائي ڪريو. ⁵ جڏي اُوئي ري جنگي

31

هٿيار کڻڻ آڻي ڏينو ڪه همي سائول مٿو روم تو او پي آڀري تلوار ماڻي ڪريو هان مري گيو. ⁶ ائيني نموني سائولم، اوئي را تينئي ڏيڪرا، اوئي رو جنگي هٿيار کڻڻ آڻو هان اوئي را شجائي منڪ هيڪئي ڏن مري گيا.

⁷ جڏي وادي ري پيچي پاشي اوئون اسرائيلون جڪو يردن دريا ري پيچي پاشي هتام آي ڏينو ڪه اسرائيلي ناشي گيا هي، سائول هان اوئي را ڏيڪرا پي مٿا رام تو او پي آڀرا شهر چوڙي ناشي گيا. پيچي فلسطي آئي اوئون شهرن ۾ ريوڻ لاگا.

⁸ پيچي ڏن جڏي فلسطي مٿوڙي اسرائيلون ري ڦر ڪرڻ آيا، تو ڏينو ڪه سائول هان اوئي را تينئي ڏيڪرا جلبوعا جبل تي مٿا پڙيا هي. ⁹ پيچي اوئون سائول ري نش باڊي هان اوئي را جنگي گاڀا پي اٿاريا. پيچي آڀري مُلڪ ري منڪون ڏيشا ميلي ڪهيو ڪم، ”تي جائي آڀري مندرون هان آڀري منڪون ۾ آي خبر سٿائو.“ ¹⁰ فلسطيون سائول را جنگي گاڀا عستارات ڏيو ري مندر ۾ راکيا هان اوئي رو لاش بيت شان شهر ري پيت تي تونگيو.

¹¹ پيچي جلعاد علائقي ري بيس شهر ري منڪون آي سٿيوم جڪو فلسطيون سائول شون ڪينو هتوم ¹² تو اوئون را شجائي جنگي منڪ اٿيا هان رات رو جائي سائول هان اوئي ري ڏيڪرون را لاش بيت شان ري پيت شون اٿاري لي آيا. پيچي بيس شهر ۾ جائي اوئون ري لاش ني باشدي ڏينو. ¹³ پيچي اوئون ري هاڏڪي بيس شهر ۾ لوي ري بڻ هينا ڀورئي هان پيچي شاتون ڏنون توڻي ڪئين ڪونهي کاڌو.